

西北漫游記

寒厓題



文
己
游
奇

今
山
司
馬

周佛海題



奉
與

丁亥年春日黃公剛始張

奉題

驥史西北漫遊記

足跡遍天下無為笑髮華先生原
博雅到處有龍紗

三載資寅畏英風似子長
燕秦皆勁氣吸取發奇章

乙亥嘉平月黃侶鴻敬題



序

古之入以遊著者。自司馬子長而後。在漢有蔡中郎。在唐有柳柳州。在宋有蘇東坡。在明有徐霞客。之數子者。或以亡命其間。或以適官其地。而非專事夫遊覽。或專事遊歷。而又限於國之一隅。故其著述。雖有關於山川形勢。而或無涉乎文獻。無關乎風土。是皆不無遺憾者也。吾邑侯保三先生。素以好遊聞。其遊也。東渡扶桑。西窮英美。南暨南洋羣島。足跡半天下。而於國內之名山大川。遊歷殆徧。卽邊遠之區。如西南之滇黔桂蜀。西北之青寧秦隴。東北之吉黑察綏。無遠弗屆。凡履其地。必有記載圖繪。於山川形勝之外。如文獻風土物產。苟有關於人文之進化者。莫不觀縷備舉。其紀述之博賅。考證之精詳。固可上進乎龍門。而決非蔡柳蘇徐諸作。所可同日語也。抑更有進者。夫遊歷之事。固可騁懷遊目而已。非若探險家之不避艱險。欲索蹟而探幽也。故古人之遊。事阻則輟。涉險則止。而先生則不然。其始遊陝也。爲亂兵匪辱。其後遊南洋也。又備受荷政府之所窘。先生泰然處之。奮往之氣。不爲少衰。吾師津門嚴範孫先生稱之爲鐵漢。是真可爲深知先生者矣。先生遊蹤所至。輒有所記。如西秦、南洋、東三省、燕晉察哈爾及西南諸遊記。刊行已久。今年四月。先生西北遊記成。乃詔仁存而進之曰。余之記游多矣。未得汝一言。盍爲我序之。長者命。不敢辭。謹以先生意之所存。與行之所至。而人不盡知者。備書之以應先生之命。


民國二十五年十月秦仁存

西北漫游記


緒言

余之漫游西北也。一以補十六年前未游之憾。一以竟幼稚園未習之程。曷言之。蓋民國七年。奉教育部傅沅叔袁觀瀾兩先生之使命。爲高師分區之豫備。視察陝甘新三省教育。而定高等師範。究應設於西安或蘭州。惟當時抵西安時。正烽火連天。瘡痍未復。致中道折回。遇難於敷水。拘囚於大荔者七日。夜乞食於華陰。登太華而未造仙掌峯。殊爲遺憾。余昔日以游遍全國爲幼稚園畢業。游遍世界爲初小學畢業。居恆嘗謂幼稚未畢業。而躡等入初小學。學必無成。是以余之西北游。所謂補前日未游之憾。及竟幼稚未習之程者是也。去年承周佛海廳長命。調查西南教育。今又考察西北教育。並承陳果夫主席。囑謂附帶調查西北劇情。以爲改良社教之豫備。而私人考察之目的。則以秦隴爲財源天府之區。新青爲回漢雜居之地。且關中形勢。歷史所稱。蒙藏邊隅。宗教複雜。舉凡古文化之湮沒。應如何搜討。地質學之研究。應如何提倡。農業水利屯墾公路。應如何建設。均必有供余考求者不少。而考察之中心。還以教育爲歸宿。爰定往返之期爲三閱月。起居食宿。仍如曩例。日記綱要。不遺瑣屑。匆促行程。漫草此稿。姑俟歸途。重爲整理之。時二十四年四月二十八日。無錫曠叟侯鴻鑑識於滬平車中。

大方廣佛華嚴經卷第二十六
 東晉天竺三藏佛剎跋陀
 十地品第三十二之四
 諸菩薩聞說 上地之行相 在於虛空中
 兩眾妙珠寶 放清淨光明 供養於世尊
 咸讚言善哉 善哉金剛藏 無量億諸天
 心皆大歡喜 於上虛空中 兩種種珠寶
 光明相綺錯 微妙甚可樂 香華諸瓔珞
 幡蓋散佛上 他化自在王 與諸眷屬等
 兩眾妙寶物 雲霧如雲下 歌頌供養佛
 攝飲金剛藏 咸讚言善哉 快說諸地行
 千萬億天女 於上虛空中 作天樂妓樂
 歌讚佛功德 咸作如是言 如來之所說
 微妙無有量 能滅諸煩惱 諸法本性常
 無有毫末相 空無有分別 同若如虛空
 無有去住相 亦無有戲論 本來常清淨
 如如無分別 若人能通達 一切諸性相
 於有於無中 其心不動搖 但以大悲心
 為度諸眾生 其名諸佛子 從佛口法生
 當行於布施 利益諸眾生 本來結清淨
 持戒而堅心 精舍心無傷 而行於忍辱
 雖知法性離 而行於精進 終無滅煩惱
 而入於涅槃 能先解法空 而於諸法
 故或有難及 而於諸法



碑 石 及 面 側 陵 周



面 正 陵 王 文 周




段 一 之 基 城 古 北 京 漢



墓 軍 將 病 去 霍 漢



獸 石 之 前 墓 霍 漢




托爾寺班禪講經聽者萬餘人



隴海路陸薛諸君留影



病驥歸家攝影



漢霍墓之前馬踏匈奴驢騎于馬上



顧亭林先生講學師道中樓



明黃教之祖宗喀巴聖地托爾寺

大小金瓦殿及各種殿宇之全境

西北漫游記目次

卷一 第一章 漫游前之預記 第二章 隴海途中雜志 第三章 西安

第二章 自陝至甘 第三章 蘭州 第四章 自蘭飛青 第五章 西寧 第六章 自青返蘭 第七章 重至皇蘭

第八章 寧夏 第九章 自寧飛蘭

卷三 第一章 三抵皇蘭 第二章 甘省教育之概況 第三章 自甘返陝 第四章 重抵長安 第五章 自陝返錫

西北漫游記卷一

無錫侯鴻鑑著

第一章 漫游前之瑣記

鴻鑑去年歸自西南，即欲作西北行，一以競志卅週紀念開會，二以往浙游天台，三以往徽游天目山及黃山，四以教廳師範會考閱卷，五以籌備護照及公函並旅費等種種事故，致遲緩多日，迄今始得成行，殊幸事也。

二十二日，余自鎮江返錫，所領護照，爲陝甘青新寧西六省，所領公文，爲陝甘青寧四省，至于新西兩省之能往與否，因道路與時局關係，擬到蘭州後，再定。此次黃秘書爲余籌備各處公函及護照等，頗感之。

二十二日，競校作紀念週時，余告學生以漫游西北之由，及往返之期，並切囑各級學生認真讀書，以期學期考試，人人及格，迨余返錫時，各級級長，負文字報告之責，是晚葉躋卿餞余於滄一堂，族叔伯輝，贈余送行七律一首。

二十三日，競志全體教職員在校中爲余餞行。

二十四日，檢點紹介函件，有周佛海廳長致邵朱兩主席函各一，何遂甫委員燧致楊虎城主任鄧寶珊軍長及軍政兩界紹介片五，秦君亮工致李宜之君函一，黃君新運致寧夏翦本齋廳長函一，顧蔭亭司長致陝甘青寧四教廳長函各一，葉躋卿致甘肅歐亞航空公司黃賢俊西安范俊人周琬如等書各一，霍君煥年致寧夏張子久函一，俞可法致平涼葛可權函一。

二十七日，周君伊耕，邀余午餐，午後佛公伯森晉吉三君，邀余游錫山，登樓遠眺，清興殊佳，於歸路時，柳絮滿天，隨余車行，因得詩二絕，即贈臧辛華三君，以爲留別。

曲徑崎嶇倒拔山，翊然一塔出松關。憑欄尺幅雲林畫，神往夕陽流水間。

楊花如雪滿天舞。不着塵埃。不染泥。好趁春光三月暮。隨風送我。到秦西。

二十八日。校事安排妥貼。午後六點鐘。到車站。乘平滬聯運車行。冰蘭、若亞、汾女、海兒。均送至車站。葉生躋脚。攜子岡同送。余行。張君杏村。亦來送行。適凌生寶。攜女德莊。假返常州。同車行。余得詩一首。爲留別家人。並示杏村躋脚。凌寶云。

家人相送晚晴新。大地蒼茫孰主賓。卅載師生猶惜別。杏村年長於余。而爲西師範校友。一時少長率情真。此行往返兩圓月。獨步關山萬里身。西過長安北沙磧。薰風消息拂歸塵。

過常州。凌寶母女下車。佇立車窗之外。待余車行而去。車中遇薛君佩琦。字慕韓。久談。至十一時。渡江。過浦鎮。欲寐。車中人多不克臥。乃與一陳姓少年。談話久之。過滁縣。客去。遂蜷曲而眠。天明過蚌埠。

二十九日。上午十一點鐘。到徐州。轉往隴海路。隴海之車已開。不及乘矣。遂留徐州。借寓何君公華處。午餐後。借片刻之餘閒。得數頁之記載。並得七古一首。以志此行之塵跡。指秦隴關山之月。照我孤懷。披青寧沙磧之風。勞人萬里。行程豫計。姑作如斯云爾。

年年作客走四方。千里萬里意飛揚。西南游罷復西北。跋涉迢遙道路長。昔年曾向長安去。生死烙鐵肢體傷。屈指回思十七載。但聽敷水流湯湯。我今豫計往還日。爲時兩月度駒光。親朋祖饒皆相勸。整裝胡必匆且忙。我因日月既云邁。歲不我與空徬徨。趁此春光正明媚。

媚。詩歌楊柳花飛觴。渡江北抵南徐境。轉輪隴海過汴梁。舊游東里不停輟。驅車東都達洛陽。西過潼關經敷水。驚心動魄渭河旁。重登華嶽蓮峯頂。俯視犁溝龍脊蒼。咸陽驪山瞥眼去。雲山馳掣抵平涼。蘭州小住爲中點。西越青海望新彊。新彊道遠指針者。屆時尙欲費評量。回車隴右北寧夏。六盤山高古續彰。寧包北訪內蒙跡。繞道綏察古郊荒。長城如帶雖蜿蜒。已經不足爲邊牆。平津歸程瞬息耳。春

往夏還盛暑剛。江城天氣落梅後。關山皓月浸吟腸。昆侖之雲襟上濕。玉門之柳袖底藏。片雲絲柳織游興。拈毫彈指皆成章。屆時親友來相訊。所得不足壓相望。一卷漫游西北記。硃硃安得媿琳瑯。

夜偕公華伉儷。縱談痛苦教育及覺悟修養方法。爲時已晚。卽臥。

三十日晨俞生式如來談、並攜談君明華來片問候、十時半、赴車站、何君夫人、偕俞生式如、及薛君等、均送余上車、李段長至、書贈我連雲考察游記、少頃車行、送者別去。

第二章 隴海途中雜志

五月一日至六日、余在隴海途中、所可紀載者約略如左、

余以前曾在隴海路局任祕書、故在隴海途中、遇見陸君嘉生、王君癡吾、薛君雲山、虞君森書等、往事縱談、故人情重、陸君贈我隴海旅行指南、陝西實業考察記、隴海職員錄、盛誼殊可感也、因口占二絕、以贈陸王二君云、

風塵回首七年前、臨別曾歌折柳篇、邂逅諸君同話舊、曷禁斜日緜吟緣。

中原龍鬪滄桑變、世界狼吞燧火連、今夕可堪一樽酒、萍蹤重聚問他年。

陸王二君、均有和作、約寄西安寓中來、陸君曾于六年前、爲忌者所中傷、致入獄兩月之久、王君懷才抑鬱、迄今猶未展懷抱也、雲山近況、較前稍佳、

近日兵車絡繹、途中謠傳二華調防、以湘北餘共北竄故也、於是普通車輛、必讓兵車、混合列車、必讓特快、余以乘混合慢車、故不得不偃臥車中、到處犧牲時間不少、所最可笑者、自汜水夜半停車、直至翌日亭午、始徐徐開行、竟在汜水停車九時三十分之久、余下車詢所以停車之故、則答以先後來去之兵車、停阻各站、不發普通車之路簽所致、噫、誤我行程一日餘、是誰之咎歟、

由汜水至鞏縣、經山洞凡九、自鞏縣至孝義、經山洞凡三、自孝義至黑石關、經山洞凡二、

洛陽爲古帝王之都、余昔抵洛陽、街市頗荒涼、自吳子玉將軍、駐軍洛陽、即修理西宮、（按西宮即古上陽宮遺址）以爲行轅、馮玉祥督辦駐軍洛陽後、亦曾修建各處、以爲繁榮都市之策畫、最近四年中、則以洛陽爲陪都之說、盛倡後、各處建築物、尤見氣象一新、如南外之堤工堅築、防洛水之春漲、飛機場之建築、面積寬曠、周公廟之重建、定鼎堂之輝煌、內設周公召公畢公、魯公君陳之五神位、後有古碑碣室凡七、外有

碑記四。最近一碑記爲如皋冒廣生撰文。謂蔣公戴公提倡最力者。而始終其事者。則鈕公永建也。廟中有古槐一枝。屈曲之龍首。懸古鐵鐘一。按唐開元中建周公祠廟。賈義撰文。謂周公字照明。爲史傳所未載。此碑現移洛陽學宮。

自洛陽城南渡洛水。至龍門。約三十里。馬路建築甚平坦。兩旁楊柳初植。尙未成陰。十年後可觀矣。

龍門之山。伊水之闕。遠望之。形勢殊佳。余昔年游此。均見石佛莊嚴。石樓高危。今度來此。但見殿閣燬壞。佛洞破碎。甚至斷頭截足。零落不堪。且千佛洞中。失去高五尺餘之石佛一座。千佛之面。破壞者多。自齋被洞。賓陽洞起。隨山崖之高低上下。佛相破壞者。不知幾許。石洞空空。石佛不知何去。訪問久之。爲誰所毀損。竟若是其甚耶。得兩說。一曰兵亂時所損毀。一曰東鄰買浪人。每破一佛頭。給銀幣三五。專事破毀吾國古文化云。二說雖無左證。然負提倡新風景。保存古文化者。應如何設法保存古藝術。及嚴禁損毀耶。

龍門四十八種碑拓。余昔曾購之。今僅購龍門勝概圖一。又褚遂良伊闕佛龕之碑殘拓一紙。此紙雖字跡模糊。然尙爲舊拓。故以重值購之。

伊闕雜詠

昔游塵跡憶龍門。佛相全無斧鑿痕。石洞石樓高百尺。不堪仰視礙雲根。者番跋涉來伊闕。幾許滄桑感不禁。截臂斷頭斜照裏。巖前鳴咽水龍吟。賓陽齋被尙依然。洞壑荒涼浸暮烟。大佛崖前雲護處。猶留遺跡識當年。雲岡石窟先民跡。伊闕金身後四年。晉豫千秋古藝術。不因剝蝕損天然。佛龕碑碣重龍門。精拓年來多斷痕。最是褚碑殘剝甚。洛陽片紙貴中原。

兩山對峙隔香山。太守風流付劫灰。猶有畫圖傳一幅。後先輝映洗蒼苔。

香山遺跡、久渺塵寰、清代陸太守
觴詠香山之闕、迄今猶有拓本、

由洛陽至潼關。本一日可達。乃誤點至一日夜之久。始達潼關。又以關內外必換車。故天未明。卽下車。入旅館。待天明後。始上車。遇鐵路

警士張錫金、江蘇灌雲人。力勸余毋登華山。並言前數日華山不靖之警信。如欲重游。不妨待暑假歸時。較爲穩妥云云。余頗感其誠。卽過華陰而未下車。惟車停華陰時。但見五峯高聳雲霄。一若歡迎遊客。羣嶺連綿道左。幾疑久別故人。推窗相望。情爲之移。回首前塵。感胡能已。得詩一首錄左。

驅車千里過潼關。原欲重登太華山。抑知警信疊傳至。軍符調遣忙車輾。行人絡繹不停輟。游客重來空往還。余車過此推窗望。五峯高聳白雲間。一若故人久相別。歡迎視我開笑顏。我亦依依不忍去。辜負山靈未躋攀。回首前塵十七載。西秦浩劫歷奇艱。十年五嶽盡游遍。華嶽重游念未刪。胡今不克登仙掌。搔首空嗟白髮斑。者番嘔喘如處女。保留遺憾待清閒。一洗昔年冒險性。千金不敵羣盜姦。旣知道路非昔比。交迥無慮石梗頑。又知游者日益衆。神祕自能洩塵寰。我故笑爲華山語。今朝一面非緣慳。我雖不得暢游興。亦足拈毫寫雲鬢。暫時小別甘青去。他年策騎重躋華頂。坐聽山泉聲潺潺。

金谷園以金水自太白山南流經此谷故名。爲晉石崇清涼臺舊址。卽綠珠墮樓處。慈澗以臨澗河故名。孝水源出鹿山北。注於穀水。孝水與慈澗並列。慈澗大。孝水小。相依若母子然。爰以慈孝爲名。穀水由澗池入新安境。受龍澗練峪等水出境。鐵門站相近。有爛柯山。相傳爲王喬觀奕遇仙處。山麓有王喬洞。洞中多松柏化石。鐵路所經山洞。新安一觀音堂至硤石驛。有四。其一洞最長。車經五分半鐘。蓋硤石張茅陝州閿鄉靈寶等之岡埠疊起。綿亘甚長。余昔年策馬過轅轅嶺。有千層岡。嶺蠶眠起。百仞轅轅馬送迎。句今鐵轍旣通。昔時險境均化爲夷途矣。余得句云。

昔年車馬艱危過。今日峯巒蜿蜒通。化險爲夷眞瞬息。關棧宏願正無窮。

潼關形勢旣爲出汴入陝之第一雄關。况境聯晉豫陝三省。其東西兩門樓。尤爲雄壯。瑰奇。火車穿城而過。遙望黃河之水。自晉繞潼關。折抱關外。而流入豫境。天然形勝。三省關係甚大。且車道穿潼關城之山洞。長一千零八十公尺。建築工程亦甚巨也。潼關有諺語曰。雞鳴聞三省。余得句云。

破曉雞初唱。雄聲三省聞。忽驚地雷動。車轍過紛紛。

臨潼有驪山之勝。華清之池。以距西安近。故游人往臨潼者。無不以一沐溫泉之浴。爲生平快事。往返六七小時足矣。余昔年亦曾一沐華清。始受七日囹圄之苦。今日來此。能無重往。是以作一日之勾留。再沐華清之浴。惟昔則軍備森嚴。游人不入池浴也。今則公開娛樂。玩賞風景。弔古詠今。豈獨溫泉一浴。僅足潤身。亦知祛舊更新。當以滌恥爲前提。去其舊染之習慣。爲警覺痛悟之動機也。可。

余之往華清池也。遇同鄉顧君壽椿名綯庭。及安徽張君名作仁。適任中國旅行社華清池管理員。招待殷勤。且留午餐。至可感也。並周覽夕佳樓。職員宿舍。及辦事室等。

余參觀職員宿舍。爲新開之窰洞。收拾非常整潔。蓋開山洞爲窰房。曲折數室。開窗啓牖。每室數十元。冬暖夏涼。殊可居也。余既浴罷。偕顧君等談次。知中國旅行社。以一萬元爲修葺華清公園。備旅客膳宿之需。刻正經營工作。努力進行。約半年後。設備完全。庶足慰行旅而適居諸矣。

臨潼車站。於本月五日之夕。忽來土匪數十人。截劫車站。聞劫去銀洋數百元。以距城三里餘。既無保衛團。亦無軍隊故也。

灞橋。距西安二十里。橋旁多植柳樹。古人餞別。常在此。故名消魂橋。清初巡撫楊名屨。集數十縣人民之錢。修建費十萬餘之巨金。今橋洞六十餘。已湮沒二十餘矣。所謂詩思在灞橋風雪中。驢子背上者。卽此地也。余過灞橋。得詩二律。

鐵轍麟麟過灞橋。水流曲折望迢迢。紅坊兩岸離人淚。碧柳千絲送客橈。沙白清清鴻爪印。酒魂劍膽馬蹄驕。須知自古征途遠。日近長安意氣消。

數千里外漫游客。况自江南獨往來。隴路停車斜日黯。柳堤繫馬晚風隕。水分澆灞出藍谷。跡溯隋唐已劫灰。何待雪花點驢背。欹窗詩思暗相催。

第三章 西安

七日至西安。寓三省大旅社。詢知前數日爲由湖北竄陝之共匪。在陝南一帶。有騷擾劫掠情事。致調防緊急。且聞有藍田相近之某邑。一度失守之謠。近已調兵防勦。完全克復無虞矣。東路沿線。皆駐重兵。西路亦平穩無慮。楊綏靖主任策畫調遣。於兵事上。至有把握也。余往中山街閒步。見道路修整寬廣。行人車輛往來。皆有秩序。市容甚可觀。回想十七年前之西安。今日建設之猛進。公安之維持。建築品之規模齊整。中山路之寬廣。在鐘樓東面一街。尤可觀也。蓋十七年前。兵荒戰亂之時。日落馬嘶之象。余到西安。匆匆三日。僅游雁塔碑林之勝。此時步履從容。目觀宏廣之街衢。汽車絡繹於眼前。民樂喧騰於市上。（新建民樂園爲民衆市場）前後相比。安可以道里計哉。余得二詩以志慨。

西京文物古知名。開發無人日下驚。十七年前曾記得。馬嘶日落困危城。而今耳目一番新。都市繁榮氣象春。遮道車塵非昔比。喧騰民樂曲江濱。

八日乘車至文廟碑林。詳觀漢魏唐宋明清之碑刻。余昔雖購有碑林之五十種。其一部分早隨浩劫以俱毀。是以今日重來此地。摩挲於古文化之林。尤覺流連不忍去。爰將特殊愛好者。用小手冊記錄之。以備遺忘。

碑林現屬於省立圖書館管理。故各碑均編號分志。陳列之室。共分十區。約計五百餘種之多。余第一不能忘者。卽余高高祖靜軒公諱鈞所書石刻拔萃之四篆書也。其次則吳道子畫觀音像。歐陽詢之九成宮殘碑。陀羅尼經幢殘石等。茲特分誌如下。

- (一) 378號。石刻拔萃。清乾隆十六年。柳雲培撰。錫山侯鈞篆額。按靜軒公任陝西清澗縣等知縣。凡四任繁缺。遺愛在陝。入名宦傳。
- (二) 390號。小九成宮。中段。唐貞觀六年。歐陽詢書。按此石高僅二尺餘。闊僅一尺餘。爲最可寶貴之殘石。
- (三) 329號。香節圖。附序。清康熙三十九年賈銘繪。並書。
- (四) 261號。尊勝陀羅尼經。並記。唐大中二年刻。又472號。經幢殘石。
- (五) 梵漢合文經幢。唐殘石二。

(六) 3 1 2 號、唐吳道子寫意觀世音菩薩像。按此石最爲珍貴。爲凡道子所繪之觀音。其浮潑生動。無出此右者。

(七) 2 8 3 號、魯司寇孔子像。并記。唐吳道子繪。宋大觀元年尙佐均記。明嘉靖五年孫應鰲記。

(八) 大秦景教流行中國碑頌。并序。大建中二年建立。參軍呂秀巖書。

(九) 1 5 5 號、善感禪院新井記。宋熙寧七年侯可撰。僧慧觀書。按侯可撰此文時。爲提舉興隆白渠等堰事。任宣奉郎守殿中丞驛都尉之職。

(十) 石臺孝經。唐天寶元年玄宗製序。

(十一) 7 2 號、漢安元年四月十八日會仙會碑並記。按此碑僅十二字。原碑在四川。隸書飛舞。筆端有仙氣。此爲重刻者。

(十二) 1 1 0 號、大宋新譯三藏聖教序。

(十三) 1 1 8 號、肚痛帖。唐張旭草書。

(十四) 8 7 號、唐張旭斷千字文。

(十五) 7 4 號、大唐三藏聖教序。附心經。唐咸亨三年十二月。唐僧懷仁集王羲之書。

(十六) 4 6 號、黃帝陰符經。宋乾德四年郭忠恕篆書。

(十七) 4 8 號、嶧山刻石並記。宋摹季斯原文。徐鉉重摹。

(十八) 5 1 號、十八體篆書。宋乾德五年僧夢英書。

(十九) 1 2 5 號、春秋左氏傳。唐開成二年艾居晦等書。

(二十) 1 2 7 號、公羊一部。凡四萬四千七百四十八字。

(二十一) 1 2 8 號、穀梁一部。凡四萬二千八十九字。

(二二) 論語一部。凡一萬六千五百九字。

(二三) 觀音象贊。唐吳道子筆。元至正二十七年八月十五刻石。明洪武十四年七月十五日重修。

以上所記。僅於三小時之觀覽。擇其最珍貴者。摘識一二而已。既出碑林。復在會古齋購得褚書同州聖教序一紙。石刻拔萃一紙。半截碑一紙。景教流行中國碑一紙。昭陵六駿七紙。駿六紙。宋伯魯跋一紙。計銀兩元。

往臥龍寺觀佛足跡碑。吳道子繪觀音像碑。隋字碑。大殿拜石。爲古動物類化石。其紋如貝蛤類。又如頭足類。或如軟體動物之蚯蚓狀者。惟其閃閃有光。堅緻如蛤壳。則又非軟體者可比。姑置之以待後人之考訂焉。

往南郊外。抵慈恩寺。登大雁塔。凡七層。北望長安城。歷歷在目。凡壁間及塔前。所有古碑。爲歷代新進士之題名及修塔記等。均足爲歷史上。具有考古之遺跡者。摩挲石刻。固足補考古之遺。披拂天風。尤足竭登高之雅。因重題塔壁二十八字云。

十七年來重到此。風吹鈴語似悲子。試從塔上發長嘯。嘯振金聲震太虛。迨返城時。已暮色溟濛。本擬往小雁塔一游。在車中遙望。已足見其外形。故未往登。

九日。往陝西教育廳。訪周學昌廳長。未遇。晤祁伯文編輯主任。略談陝省教育概況。贈余陝西教育月刊。鄉土教育。陝西諺語等書。派宋君掖庭。導余往省立女師參觀。晤教務主任馮濟安。談悉此校經費。月領四千五百元。學生有高師三級。簡師二級。初中三級。師範均寄宿。共一百八十餘人。設生活指導員一人。管理舍務。初中學生一百十餘人。均通學。共四百人。教學方面。注重實際應用。各科均照部定章程。惟有用本省單行本者。則史地英文自然四科耳。初中童子軍訓練。亦依部章辦理。訓育方面。有各級導師負責。教員薪水。高師每時兩元。簡師每時一元三角五分。專任教員。優待費十元。級任十五元。參觀一周。表冊完備。學生氣象。渾肅活潑。兼而有之。時方午餐。寄宿生在膳堂共食。一席八人。通學生在教室自膳。所有食品。蓋自校中指定校外食攤。來校購買者。此種特殊辦法。與江浙各校所不同。其故在食品與吾江浙異。道路遠近。管理形式。亦不與吾江浙等也。晤校長侯佩蒼。卽云。十二年不見矣。欣然握手道舊誼。謂民十二年第

一次在錫到競志參觀百一樓珍品。縱談甚久。自後余之競志印象甚深。去年又借秦中各校長往競志。滿擬一罄積糧。更帶有咸陽出土之古物。欲贈君者。乃機緣不巧。適君往西南考察。僅承周先生君略導觀校中一周。約知競志規模。較前擴充。並知君之足跡所到地方。皆競校教育灌溉所及之地也。余爲之愧悚萬分。並道失迎歉意。候校長贈余西安女師概況一冊。且指示余云。競志校訓之真實勞苦勤肅樸潔。已到陝省久矣。蓋西安女師之訓育標準。以真實勞苦勤肅樸潔宏恕十字爲本校學生五個基本條件。候校長又云。西安婦女缺乏宏恕二字。故加此條件。專爲就地方人情心理上言之耳。於是留余午餐。並縱談兩小時。即邀余爲女生演講。余諾之。先參觀附小及幼稚園。宋君以有事先返廳。

西安省立女師附小學校。校長周瑞孚。教務郭紹承。訓導王滙百。全校教員男女共二十八人。學生總數男女共八百二十人。分單式十班。二部教授兩班。幼稚一班。短期一班。所謂短期者。已過學齡之失學兒童。以一年爲畢業。經費月領一千四百八十五元六角。教員薪水月四十四元。級任五十五元。惟陝省教育費。各校均以八折發放。凡省立學校皆同。是日三點半鐘返女師。演講痛苦教育爲救國之根本。證以種種時事。勉勵女師學生。注重生產。提倡國貨。前洗國恥。復興民族。爲新運之中心。約一點半鐘而畢。以時間關係。尙未能對于女子教育多所發揮爲歉。晚返寓。餐後。頗覺倦怠。即臥。

余今日精神形骸。頗感一種痛苦者。有一事須補記之。蓋余昨日游覽返寓。擬作詩以記游況。不虞因取箱中物件。手提藤箱。忽覺腰際一閃。痛不可支。且上聯左背。下聯股膝。頓時欲倒地者。然隨即立停。勉爲撐持。移步榻前。倒床而臥。半身麻木。不克轉側。約臥兩小時。始能起坐。然已不可支持。再起作事矣。時已夜深。即頹然臥。至今晨稍愈。惟覺腰股酸痛耳。是以一日參觀學校。及演講一小時半後。返寓。精神形骸。均覺痛苦。爰得一詩。以自勉焉。

事非經過不知難。消極方能積極觀。浩劫萬千嘗痛苦。重關百二軾凋殘。兩三友待殷勤訪。十七年來比較看。病馬征塵毋自餒。臨風長嘯寸心寬。

十日晨，教廳巡迴指導員黃君雲波來寓，謂宋君今日有事，不克奉陪。是以調雲波來此，導觀各校。余欣慰且謝，即偕往書院門參觀。省立第一師範學校及附小幼稚園等，約行兩里，至書院門。見一塔，黃君指謂余曰：此華塔寺之塔，爲唐代物，四周造像，有至可珍者。美國人曾出萬金欲購之，而未之允也。今已封閉，任何人不可入觀。惟于牆外觀之，可見第四層南向之一佛象，狀態活動，雕刻精工。入小學參觀，始至塔下，惟隔一牆，又見東面之第三四層佛象，奇妙生動，大小五尊，中爲坐象，左右立象，均裸體。此種雕刻，西洋藝師無此名手也。宜乎外人願出重金以購之矣。旁有一古碑，文不可辨。按此寺在隋時爲寶慶寺，唐時貴妃之姊妹捐金共造此塔，名華塔，遂改名華塔寺。塔高凡七層，其最高層爲銅佛，下六層爲石佛，均工細絕倫。其形態式樣，大小多寡，坐立俯仰，均無同樣。四五兩層之雕刻尤爲精美云。

附小校長漆澤溥，教務任績軒，訓導安濟生，男教員十七人，男生五百十二人，女生三百七十七人，共八百二十八人。見幼稚教室保姆二人，幼稚生三十餘人，正在休息室中甚靜，玩具陳列均合用。見各教室均適散課，有練習體育者，有在教室自習者，學生十班，一短期班，以一年爲畢業。招年長失學者教之，一卽幼稚班，餘皆小學，每級有模範生一人。全校有模範班一班，本學期之模範班，卽高春二四也。壁報均通順合度。此校學生甚多，有七十餘人之一級者。校中庭前有石青龍頭兩個，乃華塔寺中舊有青龍閣。此卽青龍閣中之青龍頭，亦唐代古物也。

省立第一師範學校，校長田傑生，教職員三十餘人，學生八班，後期兩班，八十三人。往開封受軍訓，簡易師範，四年制，三班，一百五十人。普通初中學生三班，一百四十人，共三百七十三人。經費每月四千餘元，教薪最高者，月一百七十餘元，級任八八，每人二十五元。圖書館藏書四千餘種，一萬餘冊，雜誌廿餘種。學生閱書興趣，前兩三年，喜閱社會科學書，近年漸趨于文學方面，及自然科學方面，教育方面矣。在校中總想以自然科學與教育爲引導學生發生興趣，時常指示，以閱讀之也。按此校校舍爲關中書院舊址，在明代爲馮恭定公少墟講學之所。清初爲關中書院李二曲先生講學于此。顧亭林先生亦曾一履此地講學。清末樊增祥任巡撫時，由書院改爲學堂。

沿革迄今師範之名雖屢次改易。然以昔時有多數名人之曾經主講。是以關中學風夙稱純樸。搜訪古蹟。有碑碣多種。足資考古。(一)文安公牡丹詩十首。此爲宋碑。(二)馮恭定公祠碑記。祠雖已廢。而祠記猶存。(三)馮恭定公士戒篇二十條。及善利圖說。(即分析舜蹠聖狂之心理圖解)。(四)大周廣慈禪院碑記殘石。有王治跋語。謂宋初沿用唐制。此石在宋淳化二年。截爲柱礎。始用他石。易出云。按此石最爲可貴。蓋歷千餘年而幾經截折。僅留此八分之一之殘角。曷勝可惜。而又可幸也哉。(五)關中書院主講題名記碑石。內有吾錫、鄒先哲、楊蓉裳、先生芳燦之名。知在道光廿六年。在此主講者。(六)師道中天閣。有師道中天之舊額。此閣爲當年少墟先生講學之遺跡。猶存。今因樓屋破碎。已將改修爲圖書館矣。(七)中天閣之前。有仁在堂遺址。爲昔日路閻生先生德講學關中之所。以上七種。均爲此校古跡之最有價值者。

田校長導觀一周。並邀余臨時爲學生演講。余卽往禮堂。講痛苦教育。約四十五分鐘。田校長贈余以廿四月刊一冊。

參觀省立高級中學。校長唐得元。訓育白森元。學生八班。共五百人。一年四班。二年二班。三年二班。教職員三十餘人。經費月領三千餘元。薪俸一百七十餘元。每小時以兩元計。八折則一元六角矣。級任二十元。高中一律不收學費。訓育方面。注重整齊劃一。辦事敏捷。確守紀律。現學生四班。往開封受軍訓。寄宿者僅二百人。宿舍有電燈。較他校爲便利。校舍亦寬敞。圖書館。中國舊書約二萬餘冊。新籍及外國文二千九百餘冊。學生閱覽圖書之興趣。偏于文學方面者多。教學方面。見王教員含英。爲三年生補習英文。此爲課外特別教以英文作文之文法。爲會考之豫備。梁教員景韓。爲二年生教理化。在階級教室中試驗。王教員心田。教女生補習軍事常識。各教員均見熱心教授。認真將事。理化器械室。設備豐富。足敷應用。白君贈余以高中週刊一紙。

參觀省立小學教師訓練所。所長卽周廳長。副所長卽第三科張科長。教務主任爲胡雪松。主持所中一切。晤胡君。談悉學員分三班。小學教師班兩班。九十九人。社會教育班一班。四十八人。六個月畢業。由每縣送二人。或三人。來所聽講者。本屆已爲第四期。前已畢業二次。訓練方面。注重極端嚴格。用軍事訓練方式行之。寄宿舍。注重清潔。及服務。凡灑掃均由學生自任。有女生九人。另一院落住居。對

于懲獎方面。在學校則積極訓話及消極處罰兼行之。在學生糾察團。另有懲戒犯規之條目甚苛。所以學員循規蹈矩者多。即有一二犯規之人。一次二次。必不再犯。蓋師資訓練。將來出任教師。關係殊大也。

菊林小學。原爲張氏私立。自去年收歸訓練所辦理。爲附屬小學。爲學員實習教學之用。校長薛明軒。教員十三人。學生八班。三百二十餘人。女生占百分之三十。經費。月七百八十一元。見馬教員友驥。教一年級體操。短期班。排隊放課出校。星期日上午各班上課半。下午停。各教員閱學生課內外文字。及自己豫備各課甚忙。想見各教員均熱忱教學也。

晚候佩蒼校長。邀余于玉順樓晚餐。座客爲高君培支。唐校長得源。田校長傑生。王君子詔。李君元善。劉君等。縱談一切。知教廳第四科長程石軍。懋圻。爲柏廬先生之姪。曾有函致佩蒼校長。轉致余。謂已得贛函。當約時晤談也。李君爲圖編藏主任。並知館長張知道。爲前年開會北平。同游頤和園者。唐君約期來寓。細談江閩兩省之教費概況。

十一日。上午。寫致家書。並補記日記。佩蒼來。贈余五丈原武侯祠中之前後出師表拓本一套。左文襄在岐山軍次。有跋語。王幼農先生來寓。多年不見。一旦在此相遇。快甚。幼農云。昨聞有江蘇侯某。在女師範演講。卽知必保三來矣。故今晨遍訪東街旅館十餘處。竟無蹤跡。頃接電話。方知寓此。彼此二十年交誼。豈可不一聚。因述其廿二年返西安。任民政廳長半年後。卽專任賑務委員。今仍兼省委。及某某等處數事。朝暮殊忙。約余明晚素餐。略談而去。

午後往陝西考古委員會。參觀古物。入門。卽見石鱗石龜二像。入陳列第一室。大都爲寶雞門雞台發掘之物。瓦器有瓶。罐。鼎。盆。傢具。漆。鍋。底有五孔。倉筒。壺。敦之屬。均爲漢物。銅器有鏡。花。方勝。釘。練。甲片。甲扣。鼎彝。錢幣之類。陶器有黃油瓦。鼎。無油瓦。鬲。拓片有中籀骨。幣。磚類。有秦磚二。一長方形。一磬折形。其餘爲密村發掘所得。如帶彩陶瓶。瓦雞。瓦圃。瓦倉。瓦匙。瓶。罐之屬。其爲西安車站發掘所得。石佛兩尊。爲最古。身體雖殘闕。然白石甚潔白可愛。又有回文字泥版。大瓦罐。石屋（方形無頂）石佛頭數個。室之中。有一瓦器。其狀如瓶。甕等。屬底則圓。而不能立。定者。以兩繩繫其兩耳。懸于木架。雖無標籤。說明。余疑其爲欹器類也。室之右陳列者。多爲寶雞縣門雞臺開

掘之物。有白石殘物一尊。帶花紋之方磚數塊。其餘瓶罐之屬。多瓦缶類。第二室陳列品。石刻佛像。螭首。貨布。箭簇。銅環。銅器。鐵器。石珠。珍珠。宋元明清之磁片。唐之手印磚。天下太平磚。骨器。帽花。六朝之瓦當。筒瓦。三代之石器。瓦鬲。腿。寶雞之門。雞臺所掘得之。仰韶。期。仰朝。甸。片。最爲名貴。至於魏之陶象。陶馬。雖數見不鮮。而此間所陳者。似較爲名貴。蓋式樣。與花紋。及泥色。均有特徵耳。

第三室陳列品。手紋磚。瓦當。陶磁碎片。八稜石柱。花磚等甚多。吳道子繪觀音石刻爲最珍。其尤可珍者。唐興慶宮圖。斷碑。內有長慶殿。龍堂。龍池。沈香亭。勤政務本。榭。金花落。南薰殿。麗苑門。興慶殿。大同殿等。南北三尺。東西二尺。按此圖。可以證陝西省志之誤。蓋省志謂龍池在南薰殿之北。茲圖。龍池在南薰殿之南。且李太白詩。沈香亭北倚蘭干。如龍池。在南薰殿北。則沈香亭北。又何地耶。觀此圖。沈香亭。在龍池之東角。則蘭干北倚。恰望南薰殿。及側望龍池矣。又有石刻大明宮圖。黃河圖。及經幢三。均可寶貴者。

觀畢。晤考古委員會委員長。張扶萬先生。一鵬。談話。祕書。梁午峯來談。贈以唐大明興慶二宮圖殘石拓本。及太極宮圖殘石拓本。跋語等。張君贈以舊京雜詠二十五首。坐談久之。知考古會爲廿三年二月。與國立北平研究會合組成立者。委員五人。幹事李印唐。李西平。書記楊彬。共三人。調查員一人。每月經費二百八十一元。曾開過展覽會一次。一年餘搜羅古物。保存新出土者。共七百餘件矣。梁君偕余研究敬器。又復入觀久之。余決謂敬器無疑。但此爲漢之仿製者。別張梁兩君而行。

往長安縣政府。晤周祕書琬如。又晤翁縣長聖木。傾談民八在秦順晤面。復見其二子同文同倫。恂恂儒雅。好青年也。略坐。別翁縣長而出。卽往省立圖書館。晤張館長知道。導觀各陳列室。及藏書樓等。所陳古物甚多。茲特記其著者。商鼎。周鼎。饗養山銅鼎。古銅雙耳環鼎。周素鼎。北宋。磧砂。大方。廣。三。戒。象牙朝笏。土定磁。隋開皇四年造象。魏造象。唐釋迦象。北周天和四年夏侯純造象。宋白石觀音象。高四尺。溜金佛。漢瓦罐。及瓦當。錢範。開元寺黃玉佛。白石佛象。北魏沙石造象。北周白石造象。青石造象。釋迦象。高五尺餘。又有高七尺八寸者。惜缺兩足。石經幢四。又有一釋迦象。高一丈。北魏四面造象碑四。唐天寶元年史部南曹幢。高六尺一寸。共八面。陀羅尼經幢。銅佛有坐象。立象。十餘尊。唐鐘。景雲二年造。高九尺。徑五尺五寸。中圍十六尺。鐘銘十八行。行十七字。其四圍有各種鳥獸紋。爲

睿宗自製銘文、自書之。其餘五當、瓦螭吻、造象古碑、唐碑殘石、北周夏侯造象、唐石壁虎、唐經幢等、均有價值。其尤可珍貴、而為希世之寶者、則昭陵六駿、亡其二、僅存其四矣。什伐赤、白蹄烏、青驪、特勒標、四駿猶存。颯露紫、拳毛騮、二駿已於民國四年、為某權貴、以十萬金、售與外人。此四駿之得移至此者、自民國五年、始得保存迄今也。張館長贈我宋碛沙大方廣經攝影一頁、西京碑林一冊、余請張君為我、託集古齋拓石刻拔萃四字十紙。因此字為余高祖靜軒公遺跡、前曾拓之、為十七年前數水浩劫時所毀、今欲重拓、其權歸團、故也。晚返寓、晚餐、記日記、候君佩蒼來、夜談甚暢、久之而去。

十二日、翁聖木縣長來、談及孫院長、晨到西安、遇幼農先生、約今晚陪座。周君琬如來、同往南院門、參觀民衆教育館、並往集古齋、瀏覽古物。

省立民衆教育館、館長劉宰國、字依平、推廣部主任、都君嘯峯、談悉經費、每月一千六百零六角。至該館事業、(一)城外實驗區、聯志村、以語文教育為方法、以生計教育為主幹。(二)城內中心、北大街、閱報處、體育場、蓮湖公園。(三)研究實驗、以休閒教育為方法、以政治教育為目的。(四)輔道聯絡各縣、輔助各縣、種種困難問題、提出尋討、代為解決。至於本館之實施方面、有閱覽室、動物園、民衆學校、圖書室、問事處、問字處、代筆處、補習班、健康展覽、生計教育、演講、遊戲場、植物園、科學演講、壁報、閱報室、畫報、畫刊、音樂會、茶社、劇園、娛樂室、流動書車等等。余參觀一周、規模甚大、惟於陳列室中、地質標本、陳列處、(一)有名詞錯誤者、如鐵礦而曰鐵質、銅礦而曰綠石、孔雀石而曰松花石、各種礦石、而未填寫正確學名者甚多。(二)凡礦石、均未填產地、令人不知此石究竟是否陝西本省所產、無從知之。此種常識、不免缺乏、殊為遺憾、急應設法、請人審定名詞、註明產地、尤為要也。

午後往興龍巷、訪高君培支、贈我易俗社第一次報告書、略談陝西秦腔、源流、及民國初年、改編舊劇之狀況、同人煞費苦心、高君亦易俗社中堅人物也。

往陳家巷十號、王幼農先生宅、座客有翁聖木、黃竹齋、及幼農先生族姪三人。於是參觀幼農先生前年返陝後、創辦之植本小學一所。

校舍新建。就原有廟基爲之。建築費約一千二百元。校具八百元。常年約支八百餘元。省費補助三百六十元。教員二人。學生九十餘人。一年級一教室。二三年級一教室。課外授以弟子規及朱子小學。家庭頗歡迎之。見學生一人。彬彬有禮。廚房及宿舍均甚合用。廟爲西方三聖殿。額爲印光法師書。畫壁爲幼農先生之世兄發願情。一善繪事者。畫羅漢五百尊。工細絕倫。昔宋人講求畫壁。後人珍之。今宋畫壁不易得見。明清畫壁。細者絕少。今見此畫壁於宋明相去數百年後。其珍貴可知也。廟有聯語。爲幼農先生撰。一。世法以儒教是宗。出世莫如學佛。人生惟倫常爲重。作人還是讀書。一。是日。素餐之味甚佳。幼農先生勸酒甚殷。且宏量。翁黃二君量亦宏。以故是晚余亦稍覺多飲。餐後辭幼農先生而行。偕聖木同往易俗社觀劇。遇邵主席夫婦。所觀各劇。以折桂斧寓意最佳。所謂秦腔。今晚余方知也。邵主席詢余懂否。答以不知。邵主席一一告余。始恍然於秦腔之音調。與京腔崑腔之不同。落調甚高。表演情節尤甚周到。夜深始散。返寓已十一時半矣。

十三日。往縣政府。應翁縣長之招。爲聯志學社社員演講一小時。講畢。翁縣長派強裕如陪余參觀縣校。是日先觀開通巷小學。晤校長梁振綱。字紀珊。教員十六人。學生六百十七人。分十一級。除二年級一班外。均爲雙軌。經費月六百二十元。八折四百九十六元。級任兼課。一千二百分三十元。專科每小時兩角五分。均以八折計。則僅廿四元與兩角耳。見校長編自然科教學案。殊爲難得。談悉各教員皆編教案。想見豫備充足。成績自是優良。觀五甲雷鏡潭。教國語。初四劉濟之。教國語。高三王載丞。教國語。初四劉俠僧。教算學。初三雷亞哲。教算學。初一趙子才。教算學。初二張彬如。教算學。均見認真。此校爲縣校中之佳校。余爲梁君寫中堂一幅。題句云。歷碌長安道。絃歌萬戶聲。不勝兵火裏。十七載前情。

又寫橫幅一紙而行。所寫爲痛苦覺悟修養幸福四語也。

參觀東洋市小學校。此校爲女學校。長聶淑芬女士。往教局開會。晤級任梁右山。教員十人。學生二百四十五人。分六班。經費月領三百八十餘元。見六年級自然課。阮韻蓮。板書遺傳與改良人種。五年級社會課。王春霖。教計劃中之商港。學生宿舍。能自行灑掃。清潔可嘉。

圖書館藏書一千五百餘種。晤阮女教員。知爲吾江蘇教廳同事阮君美士之女也。

午後兩時。在曲江春午餐。余有句云「樽酒曲江春已暮。卷書灞水柳飛花。」訪高君培支於興龍巷。贈我以易俗社報告書。易俗社社長胡聞欽。邀余晚餐于長慶園。座有高君。封君。餐後即往易俗社觀劇。佩蒼校長亦同觀。是晚所演。爲高君所編俠風奇緣。情節離奇。含意甚深。高君在旁說明本事。胡君贈秦腔劇本十餘種。夜深返寓。記本日之所見。覺表情顯露。勸勉社會。針砭風俗。尤爲深遠。

十四日。翁聖木喬梓。邀余同乘汽車。往韋曲。參觀縣立民衆教育館。車行二十里。抵韋曲。晤館長楊興榮。周視各陳列室。及小學校等。凡關於民衆教育之設施。固應有盡有。而楊君之努力工作。有特殊處數點。一。統計表冊詳明。二。小好漢傳習所數十處。樹陰牆角。均見有一小學生。教數小學生。且均自備教材。教以識字。每星期以十六生字爲度。保健所。畜牧場。模範家庭。鄉農學團。婦女習藝所。均各有特色。處。保健所。以醫士一人。助理一人。任診病及售藥。設保護箱。分往各村。畜牧場。有購自外國之壯豬兩口。專爲改良豬種起見。與本地豬交接。今已有三次矣。每次收費三角。模範家庭。家長侯彥海。習農。每日往城市買炭。以取工資。素無嗜好。潔淨。和氣。有此三點。村人均推重之。皇子陂鄉農學團。有教員二人。一姓楊。一姓侯。學生四十八人。辦理亦整齊。婦女習藝所。有木機十餘架。織毛巾。編草帽等。總之。韋曲民教。正在萌芽。成績已可見到。惟希望楊君。慎勿以有用之才。多矜奇立異。而惹人忌譏。致敗乃事也。余言如是。翁縣長亦以。往杜公祠。韋曲之前。即樊川。昔爲樊噲封地。後爲杜牧故居。故名杜曲。韋曲爲韋應物故居。唐時有城南韋杜。去天尺五之語。蓋當時杜韋聚族而居。均負文譽。今登高原。而望樊川。風景雖非當年之舊。然川之左右。多水田。大有江南景象。抵杜公祠。謁工部饗堂。旁有杜文貞公刻石之小象。有工部祠記。閱之。知爲近年新修者。右有牛頭寺。庭有唐槐。枯皮欲墮。濃陰四垂。鬱鬱蒼蒼。千餘年物也。左有石佛座。爲新發掘者。余偕聖木二人。坐談久之。聞汽車壞不能行。乃步行返韋曲。午餐。新食爲甜。麩子。菜。藕。麩。皮。子。均爲余生平從未食過之品。風味殊佳。是日。以汽車機器於上山時撞壞。故另雇驢車返城。即往浴所洗澡。並往餐館晚餐。返寓。記日記。並得詩兩首。

驅車出南郊。行行二十里。報道韋曲來。膠輪倏然止。鄉農集學團。社教自茲始。樹蔭屋角間。均爲傳習處。模範有家庭。身修而人治。三十

六村中受教得歸旨。他日。載吾。應貴。洛陽紙。

登高試前望。一水自縱橫。樊川古名著。日斜。漢晚晴。左右水田溢。迴環樹影清。此間應憩息。坐聽松柏聲。祠廟仰工部。佛座燃餘燭。洞壑訪仙蹟。庭除送鳥鳴。臨風策車轍。芳草着塵輕。廿里宋園景。徘徊戀不驚。

余偕聖木喬梓往宋家花園一游。樹木葱蘢。碑碣滿廊壁。周覽未畢。有競進小學高傳兩教員。攜茶來山石小亭上。憩息久之。始回城。時已薄暮。聖木復邀余晚餐。餐後彼此各返。

十五日。翁縣長派李子綸。陪余往漢城。乘洋車行二十里。至三橋鎮。由三橋鎮北行三里。見一高堡。上書漢建章宮遺跡。下車瞻望。無物可探。乃摘麥三株。以爲紀念。東行二里許。見舊城基標木。謂直城門遺址。高數丈。城牆兩邊。磚石甚堅。是否漢時舊城之基。固未易決也。東行七八里有墩二。左爲天祿。右爲石渠。天祿遺址。基亦高厚。今祀劉向。故爲劉向祠。又爲西京籌備委員會設古迹整理會。創天祿小學於此。晤校長馬伯超。爲天津第一師範畢業。略談。如爲頗有作爲之青年教員三人。學生一百十人。內分女生七十人。男生三十人。分兩教室教之。經費。暫由西京籌備委員會擔任。開辦費計僅用六百元耳。門外牆壁。有宏大漢之天聲六字。筆法甚勁。南行里許。卽一高阜。約十數丈。遠望之。北面有路可登。遂乘輿而上。豈知土阜瓦礫。直瀉而下。爲之上下不得。幸李君上挽。車夫下托。始得登陟。阜高三層。上樹一碑。曰未央宮遺蹟。蓋當年殿址甚高也。因欲檢漢瓦。在土中發掘數處。有字者。均爲人取去。僅得有方形花紋及點狀紋之碎磚兩塊。條紋碎瓦兩塊而已。李君云。此真正未央宮漢磚漢瓦也。相與大笑。自此而東南行。東爲棊里子墓。南爲西安門。亦略有城基。北有明光殿鹿角臺。以相去尙有十五里。爲時不及。乃出西安門而返城。時已下午四時半矣。至西郭參觀西關小學校。

縣立西關小學校。校長曹升甫。教員十人。學生三百零三人。分七級。六班。男生二百五十人。女生五十三人。經費月三百八十四元。八折發放。圖書館幼童文庫。小學生文庫。共七百冊。課外作業。有消費合作社。學生自治會。體育部等。教員薪俸。最高三十元。八折實領廿四元。最低十元。每小時兩角五分。校舍爲馮少墟先生專祠。昔爲青門學舍。畢秋帆督陝時。課士之所也。清季改爲學校。今猶存少墟先生

之小像於壁間。石刻有董其昌顧亭林象贊。又有少墟先生遺墨。行書敬學箴。署馮從吾三字。曹君贈我少墟先生全集。中有吾鄉先賢高忠憲公序言一篇。此序爲高子遺書中所未見。余特手抄一通。曹君邀余與教員同餐。所餐爲甜鹹兩種之饅及麵糊。時余已飢頗飽。餐後爲曹君及李君寫條幅兩紙。返寓。聖木縣長已來相候。余此次來西安。與聖木語最契洽。少頃去。余得詩數首。聊記本日游況。

天祿閣遺址

漢家天祿藏珍祕。劉向當年此校書。杖照青藜。方夜讀。閣經劫。火慨災餘。東瞻古墓式。樽里西指高阜舊石渠。斜日蒼涼祠宇黯。絃歌繼起感何如。天祿閣劉向祠今爲天祿小學校

未央宮遺址

未央宮址久荒涼。賸有遺碑聳夕陽。麥浪風來朝鳳闕。車塵雲起擁龍岡。殿庭壯麗營蕭相。劍佩森嚴憶漢皇。蕭何經營宮室爲此日登臨。尋片瓦。廻紋條狀細評量。

十六日起較遲。頗倦。因昨晚返寓。見報載周佛海廳長。借易吳嚴趙諸君來西安。寓西北飯店。即往訪。未遇。今晨君左代表同人來候。余並約同游咸陽。余欣然諾之。君左去。忽接商務印書館電話。謂江陰周君到此。明日即擬赴蘭州。余即往商。始定二十日行。武君蘭谷。約周君家鳳。陳君銘勳。同往飯店午餐。餐後返寓。方知嚴君易君來寓。約十二時。周廳長招余午餐。同往咸陽。爲時已過。不得已。晚訪西北飯店。又未遇。即返。是日未往他處游覽。在寓記日記。因想及來西安所見聞者。目不暇給。其有特別狀況。可以記載者。茲錄八條於左。

(一)隴海路車站購票秩序之佳。未有過于西安車站者。蓋三等票房前購票時。人人排列整齊。兩人一起。依次購買。各處車站皆未辦到西安新車站。獨能辦到。至堪嘉佩。旁有警士兩人。前後招料。亦頗努力認真。

(二)長安城內街道。新修馬路。易於毀損。故粗笨運貨之大車。其車輪已悉改用橡皮輪。不致損壞道路。此雖小事。亦見西安當局改革之決心矣。

(一)長安民風純樸。近年道路交通，雖外來各物，市上觸目皆是，而本地人之生活簡單。衣則布帛，穿洋貨綢緞者殊鮮。食則餅、饅、糊、漿、酸辣、蔬、藕而已。大米魚肉，非普通家常食品。住則泥牆茅舍，高堂大廈不多觀。行則安步，遠道則大車。雖人力車滿街，坐車者多，婦豎及外省工作人員。

(一)學校雖不多，製服則一律。尤其是童子軍服裝，中小男女學生，滿街皆是。此則教育形式上，固已上正軌矣。

(一)西安天氣，久未得雨，午後頗熱，夜間則涼，前數晚曾有微雨，然大風一起，隨即飄散，日間塵土飛揚，室中窗隙，皆能飛入，此則南方之人，頗覺不慣者。

(一)報載旱荒之地甚多，幼農先生對於義賑會事業，非常勞瘁。聞陝人云：水利之不振，農業生產，殊難言之。今政府當道，故注意水利，特設專門機關，料理此事。涇惠渠雖已開濬成功，而其他各渠，正在設法開濬，而陝南陝北，尤宜及早興修。

(一)長安境內，昔多種植罌粟者，今已絕跡。此翁縣長聖木先生，雷厲風行，禁種之功也。余往各鄉觀察，凡昔日種植罌粟之田，今皆一律改種棉花。惟一入咸陽境，即有罌粟之田矣。大約明年，亦能實行改種棉花也。

(一)距城二十里之樊川，有水田，此為不易見者。南行數里，又有稻田，蓋終南山之水源，汨汨而來之故。此處十餘里，有山有水，絕似江南風景。是謂杜曲章曲，均有穀食。

十七日晨七時，往西北飯店，晤佛海廳長及君左、劍真、一帆、光濤諸君，遂同車作終南山之游。四十餘里中，路過章曲，即余偕翁縣長所至之民教館所在地。車過樊川，絕似江南風景。過王曲，達終南之麓，留村，換乘上山斗子，共十乘。蓋余等汽車兩架，共十人同行者，有周夫人、祁夫人、電影技術員張君等，分坐斗子十乘。每乘轎夫三人，言明兩元半，此間有一廟，叩之鄉人，答曰文輝。廟中有一小學，教員一人，學生八人，寫字雖佳，不知筆順。周夫人見而教之。鄉農老少，咸圍觀之。余等經過小廟宇甚多，始則平淡無奇，繼則漸入佳境。樹木葱蘢，水聲汨汨，最高處則鳥鳴嚶嚶，遠近相送，而與澗流似相酬答。所經廟宇及名勝，為彌陀寺、流水石、過澗、碑、白水堂、甘露堂、竹林寺。

五佛殿、下寶泉、而至朝天門。再上而爲五馬石、達一天門。有一碑、謂西行可從此往送燈臺。余等仍循大路而行。直上爲觀音堂、古勝寶泉。此地有漱石枕流四字之摩崖。爲王幼農先生所書。過古灣柏樹、而至二天門。下斗子、步行數百級、以山陡不易乘斗子也。在遇仙橋風景甚佳。君左爲我攝一影。旁有黑虎臺、過上寶泉、慈航殿、圓光堂、聖母殿、迎真宮、靈官殿、五聖殿、火龍洞、而至三天門。由此而上、道路較爲難行。有一段、從斜壁、插石條、而鋪成石路、隔縫望之、殊爲險峻。同人步行數十石級後、仍乘斗子行。過琉璃殿、石佛寺等、而至大江。山大江山者、謂大石級也。高兩丈、級百餘、過千佛寺、十八盤、三聖宮、黑虎殿、南海殿、紫竹林、而至四天門。一路珍禽異卉、飛鳴點綴、於崎嶇石路、陡峻山崖之上。下者、山雀黃鸝之屬、雪梨紫豆之花、聲色迷離、至堪欣賞。而石佛寺庭中、尤以白牡丹、紅芍藥、爲最足耐人尋味。蓋當時同人步履不同。有乘斗子者、有步行者、有時而坐時而行者、各得賞其所賞、情景固懸殊也。趙君、吳君、張君、以道遠難行、即止於二天門。嚴君一帆、自二天門即步行。祁夫人且步且轎。余則時而步、時而斗、時而破廟循視、時而採集植物。迨登大台、天風浩蕩、身御夾衣、頗覺寒峭。佛海廳長、步履矯健、呼一輿夫、獨往毛坪游覽。往返六里。余與君左一帆等、即進午點。蓋周夫人帶麵包、香蕉等物、以爲餐也。按南五臺、卽爲終南之太乙峯也。所謂五臺者、大台、送燈台、接引台、觀音台、及靈巖台也。

君左視我以詩云、「連峯百里勢綿延、地到終南見水田。山最多情雲出岫、樹尤可愛嶺生烟。平原旭日鋪金彩、微雨飛花落舞筵。一片詩心和畫意、輞川而外又樊川。」余卽口占步其原韻云、

破曉遲遲片刻延、驅車郊外見秧田。城南韋杜古傳譽、山麓雲霞澗似烟。卍里筍輿入佳境、一肩樹色撲吟筵。扶筇直上五臺頂、長嘯天風慨逝川。

余又得四語云、

鳥語花香裏、渾然太古春。入山雖有路、採藥竟無人。

距此十里、曰太乙宮、有宋碑三、摩挲可觀。又十里、曰興教寺、唐僧元奘之墓在焉。余等以時晚不克往。乃下山、至留村、卽換乘兩汽車返

城時鐘五點，到西北飯店，略坐食點。周學昌廳長來送佛海廳長，於是君左等皆紛乘汽車而行，豫備往臨潼浴華清後，即乘夜車東歸。余在終南山登南五臺，時檢得鐵瓦一帶，下即托君左置網籃中，代余先携回鎮江，待余返錫後，往鎮來取也。時余送佛海廳長及君左等上車，口占二十字，以貽君左云。

同是客中客，斯時偏送君。明朝我西去，更覺悵離羣。

余返寓，晚餐後，即往商務書館，省立圖書館，贈圖書四種。張君知道，代我拓石刻拔萃十紙。余問價，張君贈余，不受拓資。返寓，記日記，寄競校師生信，及家書，並將到西安所得之贈書，均寄回錫，共計五包，郵費七角八分。

十八日，補記連日漏記之游記。往省立女子師範學校，應侯佩蒼校長指筆兩項書畫，共於三小時間，畢十六紙，人頗倦，稍事休息，即午餐。休憩片刻，又書畫十紙，演講女子教育問題一小時。即往省政府，應邵力子主席之招晚餐也。是日同席者，均江蘇人，孫君玉書、高郵人，昔與宗姪同事農礦廳者，沈君子高、上海人，中華聖公會主教，與楊四箴為聖約翰同學，幼時在錫槐樹巷聖公會者，謝君樹英、陝南人，教育部科長，來汴視察高等教育者，徐君籍宜，與孫君均為棉業合作社代表，來陝開會者，邵先生夫婦，以余年長，推居首座。余笑謂年最少也。羣詫之。余告以僅十四歲之幼稚生耳。相與大笑。既入席，痛談西秦浩劫，及此次重來陝西之好印象。咸驚歎之。席終，邵先生又贈客以本日易俗社之賑災戲券。客咸感謝而別。時沈君邀余往觀聖公會所辦培德小學，並指畫竹及寫屏條橫幅數事，以記翰墨之緣。余諾之，惟甚慚書法之太幼稚耳。余到處為人筆書指畫，雖為締翰墨緣，然亦太不知自慚矣。

私立培德小學校校長楊器人，副校長彭宏恩，教員十三人，學生一百七十三人，學費年納兩元，校中注重童子軍訓練，以及課外活動，及勞作課，採集標本等事。校中經費，年約三千元，教室及紀念堂，均潔淨，宿舍，茅屋土牆，均見儉樸。

是晚，往易俗社觀劇後返寓，將日間在女師所作贈校長及各教員之詩及聯語，並各嵌其字於句中者，均錄左。

贈侯佩蒼校長：「十二年前曾識荆，者番重晤感深情。同宗同志同肩責，笑聽一堂絃誦聲。」

贈高君培支「城南花木自芬芳。曾訪高齋話夕陽。廿載仔肩文字責。移風易俗感滄桑。」高君爲發起易俗社人之一、手編劇本甚多、

贈馮教員濟安「宏濟艱危君子責。心安心理聖人言。」

贈李教員敷仁「敷政端從勤學始。仁心終爲救人來。」

贈孫教員孝先「事母應師曾指孝。讀書競看祖鞭先。」

贈趙教員香齋「香花傳妙詠。齋戒信真忱。」

贈周教員瑞孚「盛世昭人瑞。仁風得信孚。」

贈丁教員培芝「培植多才應世芝。蘭入室自清心。」

贈李女教員宜南「宜家有道嘯春氣。南國多才拜下風。」

贈女教員於蕙英任童子軍教練「蕙蘭王者馥。英傑舞雲風。」

贈女教員吳瓊玖「觀瓊識隋史。報玖誦周詩。」

爲女師指畫墨竹題「森然直上雲霄去。千萬橫枝始一竿。若到朔風吹遍處。滿庭冰雪不知寒。」

十九日補記日記。佩蒼來久談。余以欲寄各種碑帖。託其代寄。並將書四大冊代存。以待余之赴蘭後。信來再定寄否。往長安縣政府畫竹石七幅。

爲翁聖木縣長畫竹題「風雨雞鳴夜。吾人警戒時。雙竿標勁節。彈指寄相思。」

晤徐省吾君、玉環人、縣府科長也。余將漢磚漢瓦一盒、交聖木縣長代寄回錫。在縣府晚餐。往商務書館。晤陳君、杜君。知赴蘭汽車票已代余購來。計價二十六元三角五分。余又託購油布一張。計一元七角。余往陳家巷幼農先生處辭行。談詩。並及終南山石佛寺。二十七年前曾讀書其中。一年撰聯語甚多。今已滄桑變易矣。摘錄其尤者兩聯。題勝寶泉云「勝地記五臺。樂水樂山可。卽箇中窺仁智寶泉。」

名四壁。有聲有色。好從天上溯根源。一題大臺云。一立太乙山巔。左瞻吳嶽。右覽華峯。問佛理慈悲。幾個回頭登彼岸。吳嶽即太白山。望函谷關外日暗東瀛。雲橫北極。看江流奔下。何人隻手挽狂瀾。時方甲午。後幼農先生讀書山中。「幼農先生現所居之宅。額曰安隱廬。佛經隱作穩。安隱即安穩也。余別幼農先生出。幼農先生勸余仍由陝東歸爲宜。」

同文來寓。並述伊父因事未歸。不克來送。行。余贈以西南漫遊記一冊。告以明晨六點鐘行。不必來送也。同文去。余收拾行李後。向賬房囑其開賬來。少頃。賬單來。計銀十六元。房膳茶水及報紙洗衣等費。又小賬兩元。共付十八元。訖。余結束長安之游。得二詩于左。

寄迹西京十三日。幾多名勝足流連。驅車北訪漢城古。策杖南登太乙巔。九代名碑得先澤。一樓師道尙中天。迄今爲問長安市。猶有幾人醉欲眠。

夜勝更鼓幾聲催。驚破人間好夢回。楊柳灞橋留別話。牡丹佛寺笑顏開。悲歡各異曲三疊。儒佛同源道五臺。我且着鞭向西去。關山月照或重來。

余之西游。本擬由甘肅而青海。寧夏新疆。繞道綏遠察哈爾山西北平而南歸者。但以風鶴之警。或者不往北而仍由陝西返。未可知也。在陝之同鄉友朋。均勸余仍由陝道。余賦詩以答之。

西北崎嶇道不平。幾多沙磧梗前程。驅車儘有關河險。校策猶於步履輕。萬里風塵堪獨往。子身憂患慰餘生。倘教意外山川阻。鞭撻東還轡不驚。

宋磧砂版藏經考證

按陝西省立第一圖書館所藏宋磧砂版藏經有說明書閱之益知此書之珍重特考其源流如左

中國譯行佛經自六朝隋唐以來通行抄寫卷子本至宋版刻盛行始有梵夾本磧砂藏經始於南宋理宗紹定四年（文一跋）圓成於元順帝至正二十三年（多七跋）經名磧砂以地著稱原辰宋平江府卽今蘇州府治東門外陳湖中心延聖院建立於此故又稱磧砂延聖院首事募刻者據端平目錄尾跋本院藏主法忠幹緣僧善成可南法澄法如法界法超志圓等勸緣檀越爲成忠郎趙安國都勸緣住持法音明萬歷時馮夢禎刻方冊藏緣起又謂比丘尼弘道斷臂勸募弘道旣沒其徒復斷臂繼之其願始滿今雖不見跋文然凡事難於創始經坊未成之先斷臂事或有之初成立經坊規模不大至寶祐元年房宇大事擴充（書二跋）故在宋刊者以嘉熙寶祐兩代爲多景定咸淳元世祖崛起北方改元（至元元年爲宋景定五年）稱號江南多故刊事幾輟自伯顏入臨安恭帝北去風雲徒變人民惶惑故至元元貞刻卷絕少至成宗弘揚佛化大德間委僧錄廣福大師管主八提調經局施財募緣局務宏開（氣八跋）刊數激增幾佔全部三分之二故在元刻者又以此時較夥復取上都弘法寺祕密經律論等數百卷刊印補充全藏規模於此略具矣至大元延祐所刊無幾至正二十三年永興大師輦真吃刺將故父管僧錄遺下祕密經版一部捨入延聖院經局永久流通（多七跋）而磧砂藏版刻於是告成計經六千餘卷計時一百三十有餘年著目多簡稱宋磧砂藏者紀其朔也宋元藏經除蜀本杭州萬壽寺二本官刻外此與福州東禪寺南禪寺及安吉州思溪資福寺本杭州普寧寺本同爲私刊爲法界推重年深代遠諸多散佚卽有不過斷簡殘篇而磧砂藏經統計重複八千餘卷爲本館珍藏（原開元臥龍兩寺各存一部因散佚移館保存）自敦煌石室祕籍發現以後此爲洋洋大觀昔人稱百宋一塵甯宋樓（已售日本人）海源閣鐵琴銅劍樓視此如河伯之望海若望洋興嘆研究材料蘊藏甚富如施主之名稱（男稱某某承事養四稱邵二承事）女稱某氏若干娘子（養十三稱耿氏千八百娘子）可悉考當時之禮俗施財在宋多云施官會若干在元云施中統鈔若干得知當時之經濟制度又施銀若干錠刻字若干（羅十跋）社會生活程度工資一切亦可於此想見寫畫精

西北漫遊記 卷一

二六

美雕鏤細緻在宋代藝術史上尤關重要是以陝西人士愛護保存尤宜珍重

鴻鑑既承張館長贈此片紙攝影攜回珍藏不敢自祕當另鑄銅版以印諸西北漫遊記之首頁以昭鄭重也

西北漫游記卷二

第一章 自陝至甘

五月二十日五點鐘起，盥洗未畢，翁聖木縣長來送行，且攜來致甘青二省之介紹函四封，余感之甚，並助余收拾鋪蓋等物。武君杜君亦來，即同往西蘭路汽車站。豈知昨晚汽車在某處與大車撞損，今日正在修理，不能開行。姑俟明日也可。時陳周二君亦主張明日行爲是，於是先將行李交行李房過磅，四人溢出十一公斤，加費八元八角。同文來車站送行，嗣知不克行，即先返。余偕陳周二君，即同往西京飯店住四十一號房，往羊肉店吃孟饅，狀似孟故名之。飲牛肉湯食粉條後，返寓休息。與周君談詩一時半，余因昨晚未安眠，故小睡一時許。陳君喚余起，午餐，又與周君談詩。周君有曲江訪古詩甚佳，「麥浪風來徹有聲，清溪遠帶似山橫。樂游原上萋萋草，猶復年年憶太平。」（太平公主）周君年少嗜詩，問余應讀何種詩集，余答以七古讀李，七律讀杜，五古讀陶，五律讀王。絕詩讀蘇陸，明清之專家，應讀崆峒梅村兩當軒等。擇性情近者，涉獵之可也。午後寫發家書及致競校師生書，往商務印書館晚餐。購西北之地理與人文，及西北之古地研究二書，以備途中參考。晚往易俗社觀劇，演玉鏡台全本，情節奇巧，包含忠孝大義，隱諷妓女改良，形容不知國家淪亡之痛，暗射東北淪於夷狄，非恢復雪恥不可。迨返寓已十一時矣。

今日在街上見有二事足記者：（一）童子軍勞作團服務市街，指導行人各靠左走。（二）捉無牌之犬，牽七八犬以長繩曳之行，有一二犬抵死狂吠，竟不行，圍而觀者數十人，雖痛加打擊，亦不行，噫人之殘酷如此，犬也何知，殊堪憫惻。

二十一日晨即偕陳周二君往汽車站，少頃武杜二君亦來，七點半鐘上車，車中客十九人，見機匠指導司機者，某處機關爲啓閉柴油者，某機爲啓閉煤油者，少頃又一機匠來指導司機，某處如何，某處如何，於是乘客均謂司機者不知機器之啓閉，而臨時學習，則千餘里長途，如何可以人命爲兒戲，即公推周君與余，向站長梁鼎交涉，梁站長允往工程師處說明，少頃，屈工程師謂此司機者，熟于司機，

但此車之機新修，故未嫻熟耳。余曰：以未嫻熟機器之人而來司機，萬一有危險，問誰負責，非調換一人不可。交涉久之，始允另易一人。姓彌，山東籍，七點半鐘開車，行五十里，至咸陽故渡，欲渡渭水，用船裝車渡之人，皆下車過河，望咸陽城樓，破碎不堪，得詩一首云：驅車五十里，故渡識咸陽。城郭今非昔，河流濁且黃。入關懷漢室，劫火問阿房。惆悵秦皇跡，空歌麥秀傷。

行四十里，抵興平，四十里至醴泉，此醴泉，即唐歐陽率更所書九成宮，爲唐帝避暑之所，有醴泉之銘，著譽千秋者。今過此，不禁片刻徘徊，留戀不置之感。七十里至乾縣，一百六十里過監軍鎮，永壽山十里坡，至郿縣，郿即豳州，昔周太王爲狄所侵，去郿踰梁山，卽此地也。且郿與豳同，詩豳風之詩，公劉遺跡，猶可誦詩而知之也。郿縣炭店村產煤，永壽之底角溝及平密亦產煤，永壽山高二千餘尺，近有研究地質學者，謂亦有煤。余卽下車入宿店，急欲知郿縣概況，卽與武周二君同往統豐祥書局，得郿縣志一冊，缺第二冊，閱之，頗于中國史事上有關係者。蓋古蹟風景甚多，郿有十二景，豳風儀鳳，周墓盤龍，履坪春草，隘巷朝煙，皇澗流雲，漆溪映月，薇山武幕，蒲谷書齋，西湖晚照，龍窩靈雨，山泉鳴玉，明岨鞏金，返寓道中，覺城市頗爲冷靜。

二十二日晨六點半，卽上車，汽車西行，未十里，有水聲潺潺，新建一橋，曰水簾洞橋，相傳距此不遠，有花果山，行十餘里，曰大佛寺，佛高八丈五尺，唐貞觀二年建，尉遲敬德監修，明嘉靖間重修，清康熙間再修，今仍佛相莊嚴，爲關中勝蹟，距此數里，有小佛寺，佛高一丈五尺，自涇川來長武境，止焉，諺云：小佛不能比大佛，行九十里，至長武，早餐，糲米塵羹，不堪一飽，行六十里，至密店，此爲入甘肅境之第一關隘，有稅卡，卡長陳君，搭車往涇川，行三十里，山麓有廟，曰西王母廟，有碑，曰西王母下降處，下有一水，曰瑤池，池旁有體育場，此卽涇川之水也。西北人民迷信殊甚，故香火在春間稱盛焉。過涇川，涇水甚清，較之渭河之濁流，迥然不同，一則在山之水，一則出山之水，故也。此涇渭二水之不相混，卽賢奸趨向之所由分也。

午後四點鐘，時途中忽大雨，車急行約十里，卽至平涼，入旅社，休憩，得詩四絕，以寫途中見聞。水簾洞口水潺潺，神話源流花果山。小佛不能比大佛，停踪立廟武涇間。

西行山色四圍環。麥隴層層堆碧鬢。忽見豐碑王母廟。瑤池俯聽水聲潺。
永壽山高幾曲盤。嶺雲回首憶長安。華峯相比孰堪勝。想像天梯鐵練攀。
糲米塵羹飽啖甘。關山驛路儘前探。忽逢急雨車窗灑。幾許塵埃一洗堪。

平涼旅社遇一美國內地會教士。赫思敬夫婦二人。自中衛過此而東。爲宗教傳道計。故僕僕風塵。備嘗艱苦。談詢久之。殊可佩也。余攜有俞可法之介紹函。與其甥葛可權者。適武君入城。託其帶去。飭人問訊。乃未幾。葛君來寓。談及種種。分誌於左。

平涼教育。省經費所辦之中學。有學生二百人。師範有學生一百二十餘人。女子師範有學生一百人。此三校。教員薪水。年僅二百餘元。縣立小學。有高級小學。中山小學等兩三校。學生各僅百人。私立女子小學。一爲教會所立。一爲個人私立。凡小學教員薪水。年僅七十元左右。校長亦僅年八十元。校用費年僅五元。是皆平涼城內之校。至於鄉校。則每年一教員僅十五元至二十元。學生家中可輪流供飯。教育行政方面。教育局局長月薪二十餘元。局中辦事費月僅七八元。至於私塾。則可收學費。每人約可得百餘元。所以各鄉私塾教員。較私立小學爲優也。現在之教育局長姓林。月薪不滿三十元。局中辦事員均不滿十元云。

平涼風景。以柳湖書院爲佳。當時左文襄在平涼所立之書院。爲課士之所。有亭臺花木池塘之勝。現爲師範校址。

距城四十里左右。爲崆峒山。山有東南北西臺。西臺最危險。須用鐵練拉上去。上有一城。曰皇城。現在亦爲廟。相傳黃帝問道於廣成子之處。卽西臺。又有鳳凰嶺。在南北之間。亦風景最優處。葛君約明日天不晴。可同往參觀學校。余諾之。葛君去。余卽眠。

二十三日。天晴。八點鐘上車。行六十里。至蒿店鎮。又行數里。至一碑。曰董少保故里。時已天晴。道上絕無塵埃。惟氣候則甚寒。余得二詩。

昨宵冒雨到平涼。客舍荒寒夢杳茫。破曉遲遲問行止。欣看車轍趁朝陽。
曉風殘月雨初晴。道不揚塵景物清。寒意侵入窗欲閉。楊花飛處最多情。
滿途時柳絮

十里至三關口。相傳宋楊延昭駐兵處。下車小憩。有關廟。楊七郎廟。照壁嵌石碑六。吳大澂督學陝西時所建。三關口修道記。隸書甚佳。

記中大意謂三關口爲古金佛峽也。亂石奔路。每逢橫流。夏潦秋霖。行者苦之。邵陽楊公提倡修之。斥千金而道成。不可不記其功也。過此則爲六盤山之麓矣。十里至瓦亭驛。又十里曰和尚舖。山路曲折。已甚崎嶇。再上卽六盤山。汽車曲折盤旋而上。至爲危險。見道旁墜崖而死之驢馬。羣鷹競食。足徵山路之奇險。幸司機者至爲穩妥。轉灣處甚敏捷。迨至山頂。計五十二灣。同車倪君計大灣二十三。自頂下山。余計四十灣。倪君計大灣十六。余在六盤山頂。檢得層岩一。紫砂岩一。綠簾岩一。六盤山高七千餘尺。岩石有紅色綠色黃色黑色數種。有無礦質待考。(按六盤山之南。有成吉思汗之墓。登六盤山。可遙望也。)既過六盤山。約行十餘里。至隆德縣。卽下車。午餐後。卽乘車行七十餘里。至靜寧。時纔午後三點鐘。入宿處。整理行裝。略事休息。卽補記日記。並得詩二首。

自陝至甘有懷左文襄

自古西陲邊患多。策勳自足壯山河。三千隴路萬株柳。六十年來感想何。出潼關至玉門關左文襄植柳數萬株於道旁

楊柳絲絲綠到西。關樑偉績孰能齊。卽今開發邊陲道。起舞應聞夜半雞。

車過六盤山有懷成吉思汗

六盤山高七千尺。驅車上下卅九灣。(倪君計大灣卅九)登臨四顧發長嘯。浩氣直欲凌天山。當年華夏聲四震。雄兵十萬獨往還。荒原星落大如斗。歐亞畛域非等閒。迄今四國競馳逐。鷹麟虎視震大寰。中原豪傑貴自拔。高峯立馬叩刀環。臨風弔古瞻遺墓。史跡千秋人心嵌。我今高踏六盤頂。安得邊隅大啓關。雄關

二十四日六點鐘起食雞蛋。三收拾行李上車。行三十里。過祁家山。十里至孫家溝。車中客指謂此地於民國九年十一月初七日地震。將北面之山崩移。南面村舍人畜完全壓毀。無遺。震災所及。是年甘肅七十二縣均有影響。人民死傷不知凡幾。道旁一小湖。卽震災後所成。今日所行車道。土石均疏鬆。兩旁山林無大樹。木均震災後之景象也。十里界石舖。過此卽山行。此爲華家嶺之起點。時適微雨。司機梁某謂行否如何。蓋此去二百里無人煙。萬一大雨。山路崎嶇。卽不能行。奈何。客有欲止者。余不以爲然。倪君亦以前進爲宜。遂行。山

路高低。忽上忽下。時而急雨紛飛。泥滓路滑。時而大風狂吼。砭人肌膚。行行重行。三十六灣。乃在一灣急轉。欲旋時。對面忽來一車。倏然而止。司機者心靈手敏。亦驟然停車。此時真萬分之幸。兩車均未遇險。然兩車之客。均心膽俱裂矣。少頃雨止。雲飛。汽車在烟霧中行。約行五六十里。計共歷二百四十餘灣。天忽晴朗。機忽停止。蓋機件有損壞者。不得已修理十數分鐘。又前行。氣候寒冷甚。彷彿二月春寒料峭時也。蓋車行嶺上。冷度愈高。雲霧迷漫。中幾者行雪山者然。客有御羊裘者。是真五月披裘矣。忽見霧中一獸。迎面奔來。客有驚爲虎者。又有以爲狼者。迨近而視之。則一獵犬也。又見有羊羣數十頭。犬二頭。見車狂吠。羊卽避入厓下。蓋山中時見牧羊者。必帶犬一二頭。以爲羊之看護也。又行數十里。鍋爐水盡。不克行。將行客所帶水壺中之水三四瓶。均灌入。乃行十餘里。始見山坳中有住戶。卽往買水一桶。遂冒雨前行。遲遲車轍。泥滑道艱。迨至午後三時。始至華家嶺汽車站。停車。周君等均謂華家嶺不能停宿。且無店可宿。車中之客十餘人。均欲行。以爲時尙早。抵定西亦無不可。旣而汽車站查票者云。下嶺道滑。車不能行。司機者亦以非俟明晨晴而後行不可。客詢旅店。查票者云。各人自覓可也。然嶺上民戶不滿三十戶。向何處覓宿耶。於是。由竇君繼霖先看定寓所一間。兩坑對設。恰敷六人之宿。於是從淋漓泥滓中。取車中行。行李。按置土坑之上。招房主取茶壺。答云。此間無茶壺。詢所飲。曰。披亞切。迨取來一水器。其形如壺而非壺。似罐而非罐。狀如下圖。上有一蓋。旁有一小把。高凡六寸。上徑一寸。底徑三寸。叩之有聲。質則銅也。詢所名。答以口披亞切。此有音無字之器。殊爲罕見。姑誌之。以侍攷古博物之君子。少頃。遂晚餐焉。時已四時。同伴閒話。余將本日在車中所作詩錄出。

靜寧曉發

天公作勢疑將雨。旅客驚寒不可風。指點祁家山下路。幾株殘柳曉烟籠。

孫家溝

十五年前地震時。澗溪陵谷盡遷移。河山改造新天地。興復農村想像之。

山行遇雨

崎嶇百里山行苦。路滑泥粘轍尙通。莫怪車藏雲霧裏。抑知人在畫圖中。炎涼瞬息境殊幻。風雨連番道不窮。終日驅馳最高處。曷勝冷度更空濛。

是晚所寓之處有駐兵一班有不速之客來取火者叩戶二次。同人均有戒心。致客夢未酣。時時驚醒云。

夜宿華家嶺（按華家嶺屬會寧縣）

驟雨荒山夜向闌。布衾不耐五更寒。窗櫺紙破風穿隙。蠟炬光搖漏已殘。起舞雄心猶未已。探源碧漢豈爲難。同人笑語姑相慰。莫作悲觀且樂觀。

二十五日晨起冷甚。大雪紛飛。已積五寸餘。朔風狂吼。寒氣直逼。同伴無不咨嗟嘆息。以爲昨晚到此荒山寄宿。此種壁門土室。已覺危險萬狀。以前數日聞有萑苻之警。人人有戒心。今復彌天大雪。非晴不能行。則氣候寒涼。猶餘事耳。萬一有其他危險。則又將奈何。余以爲既不能效張騫乘槎探源星宿海。不妨暫學袁安作僵臥山中。三日耶。倪君卜以文王卦。曰明日可行。至遲二十九達蘭州。午間陽光似透。雪漸止。午後雪漸融。惟氣候益冷。同伴均有所服。不堪禦寒象。午餐飲酒以暖之。即擁衾臥土坑。有沉沉入睡者。有談話者。余即思索許久。得長歌一首。

華家嶺大雪歌

朔風怒吼雨聲急。昨宵客夢難安息。曉起奇寒窗隙穿。披衣啓戶驚飛雪。甘肅高原氣候寒。八千餘尺眼界寬。天公時作小游戲。萬壑千峯足大觀。昂首空中玉龍舞。風聲獵獵狂如虎。砭人肌骨客衣單。閉戶擁衾且僵臥。忍飢咽冷忘早餐。荒山破屋效袁安。須臾陽光雲隙露。同人起語愁顏歎。朝看雪花大如掌。積雪五寸滿車上。亭午風吹霧色開。長征旅客莫惆悵。呼童沽酒暖且和。出門看雪樂如何。關山萬里驛亭晚。拈毫高唱華家嶺上大雪歌。

午後有西來客車。聞乘客云。昨晚駐車高家區。無食物可購。飢寒交迫。以銀元一枚購雞蛋五枚。聊以充飢。午間天晴。故踏雪而來。余等

聞之。則華家嶺麵飯二角。雞蛋每枚一角。較勝多矣。

倪君漢波見余夜宿華家嶺詩。因和詩一首。步余原韻。錄左。

萬里長征興未闌。麥秋四月鬱秋寒。西風破驛停車晚。夜雨空山聽漏殘。鶴唳叢中存戒備。夢回枕上憶艱難。起看歷歷峯巒頂。白雪平鋪壯大觀。

晚餐後口占一詩以贈倪君漢波

君家蕩雁山。我住太湖濱。相去千餘里。相逢孰主賓。同作長安客。同拂征車塵。邂逅古隴州。朝夕話相親。夜宿華家嶺。風雨共艱辛。門外雪三寸。室中融古春。唱和解客愁。高吟見情真。願君長相憶。愧我無瓊珍。

二十六日晨起天晴。東去之車已開其三。余等所乘之車。以機油凍而不融。並修理機件。用長繩牽曳。乘客合力推動。始克成行。自華家坡行二十五里。至高家區。五里至孫家塘。汽車機件。因水箱底栓脫落。水既漏盡。而機器過熱。致鐵板燃紅。故行車久之。無法修理。約隔二小時。客有以花露水瓶上之木栓配之。恰合用。乃灌水啓機。始行。二十里過紅土窰後。山路崎嶇。顛簸不堪。所謂九溝十八坡者是。又六十里。卽至定西縣。停車午餐。又乘車行。時午後兩點鐘。至三點鐘。過三十里坡。道路較平。然未十里。卽高低不平。又二十里。卽上車道。嶺此嶺雖無六盤華家之高。然蜿蜒五六十里之長。高度亦有五六千尺。惟以高原之地。一俯仰間。田畝村莊。分布于山中者。固不多。然以此地人民多密居。故在山上俯視。往往十里五里。不見一人。車行車道嶺。曲折旋繞。一因山勢之高低。一因路工之未竣。故尤難行耳。午後七點鐘。車至甘草店。卽停車。寄宿一小店。是日所作詩。錄左。

由華家嶺至定西壘前夕夜宿華家嶺原韻

遲誤征程意興闌。華家嶺上太嚴寒。鍋蒸油凍修機久。輪曳繩長行路難。坡陡溝深車涉險。峯陰谷底雪留殘。崎嶇不覺定西至。樸儉民風尙可觀。

倪君漢波在車中贈余律一首余卽步原韻口占一律以還贈之

中原風雅孰維持。邂逅秦西足慰思。破驛停驂詠寒雪。嫩晴推轂繫游絲。雲林苗胃感深誼。壯晦菲材不入時。且到皋蘭酌樽酒。探源星宿豫相期。

倪君原詩附後

壇坫東南仰主持。相逢塞北耐尋思。五千里路聯鄉誼。六十年華指鬢絲。濟世文章藏祕笈。及門桃李蔚明時。艱難抱火傳遺燼。渺渺來修若與期。

余在車中見牧羊者甚多。知此間所牧之羊。剪羊毛以作織物。其用甚廣。見田中婦女工作者。皆跪地而工作。知此間婦女纏足之風。猶未改也。此外凡在寓所吸雅片者。異乎尋常之多。知此間種植粟。割收雅片。其利較種糧食爲優。卽以上數端觀之。欲與女子教育。必先勸導放足。欲興工業。必先組織羊毛織廠。欲興農村。必先禁種罌粟。提倡改種棉花之三事者。爲余近數日所觀感。而提出此三問題。作開發西北政治中最宜先爲注重之事也。

二十七日晨起。略食點心。卽於八時乘車起程。今日途中較爲平坦。據車中乘客熟悉道路者云。自甘草店至蘭州一百二十里。途中僅有一嶺。上下稍難。因道路正在開闢。工程尙未完竣故也。余在車中見山峯圍抱。於東南北三方面。皆岡陵起伏。似不甚高。獨缺西面。但遠望西口外。則有遠山一帶。似屏障然。風景甚佳。余得詩一首。

甘草店曉發

驅車周道雨初晴。六日崎嶇一日平。甘草回思小茅店。皋蘭拭目古城峯。巒合抱如環。珞田舍縱橫似奕枰。遠望興隆山積雪。半藏雲霧半清明。

車行三十餘里。上嶺行二十餘里。望見皋蘭山矣。又行十餘里。聞水聲潺潺。見兩厓土壁。多蛋石。似抱子岩。蓋數日車行。所見均山。皆黃

土層也。今日所見。則冲積層矣。客有指謂此種石子。皆當年從水中冲圓者。時車機又壞。停車久之。趁司機者修車之時。余等皆下車。向澗水中拾得石子數塊。以爲標本。且水流甚急。昨日午後。亦曾見有水磨。今日之水。比昨見尤急。大可利用此水力。以爲磨電。作碾米之用。少頃。車行約二十餘里。近見皋蘭山。有紅砂土。上多綠樹。山頂多雲。往來山麓。多溪澗深潭。風景絕似江南矣。因得詩一首如左。

皋蘭道中

皋蘭山色似江南。翠壁紅崖入畫看。縹緲白雲籠峻嶺。葱蘢綠樹蔭深潭。澗流冲激石無角。閣道新開土有龜。過客徘徊吟興足。停車欣賞味醞醞。

十二時抵蘭州。入東關。至南門外汽車站。下車。受警察檢查行李手續。至爲繁瑣。一時入城。寓南大街綢舖街。江蘇旅社二號。武周陳倪寶諸君。均同寓此。二時。往慕蘭居午餐。四時。往新隴池浴。價甚昂。倪君會鈔五元二角五分。浴罷。各事所事矣。

第二章 蘭州

余既抵蘭州。卽就近先往皋蘭縣政府。攜聖木致倪子明縣長之介紹函。訪之。知子明縣長公出。有總務科長武昌王叔平代見。談悉子明縣長爲山東人。教育局卽在縣署中東偏。明晨可介紹陳局長宗儒。一談地方教育概況。余卽出訪陳局長。已返家。卽往書院街教育廳。訪水楚琴廳長。時已六時。亦回家。卽往道昇巷訪歐亞航海公司黃俊賢主任。以躋卿介紹函交門者。少頃出見。卽云躋卿師前數日已有信來。深以未往車站相送爲歉。並言前在福州師範讀書。卽聞葉師言侯先生之待葉師厚。今得晤教。欣快無比。遂暢談久之。知黃君留學德國。學教育者。且贈余新出版之德國印象記一冊。更言及飛機赴青赴寧之概況。飛寧已有路線。價百七十元。飛青尙無路線。須包機。價六百元。蘭寧往來。購雙程者。可七五折。至於迪化塔城等。已均有籌備。三年之久。機場設備完全。今爲環境關係。不克實行。殊爲失望。云云。返寓。聊食點心。與倪武諸君夜談。十二時臥。

二十八日晨起。寫信寄錫。早餐。卽往教育廳。適水楚卿廳長往省政府開會。未晤。晤第一科薛尙之科長。第三科蕭椒石科長。略談。卽由

蕭科長陪往廳設實驗小學參觀。晤丁耀奎校長談悉。此校經費八百五十餘元。前定校長薪月六十元。教員薪五十元者。自本年四月改為校長月薪三十五元。教員二十元。學生八級五百五十五人。各教室大都整齊清潔。每一教室均有一書櫃。為課外閱讀之用。有閱讀會。每星期報告一次。教員考查後。積一月發表一次。有壁報。自三年級起。至高六年止。乘人力車。出通遠門外參觀中學。

省立第一中學校校長張作謀。教員三十人。職員十六人。初中學生四百十五人。高中一百零一人。共五百十六人。經費七萬一千八百七十六元。學費不收。教科書等均由校供給。所以每年給發學生應用書籍。據張校長云。需費六七千元之譜。導觀各教室。表正三教初中一年三組生物學。用顯微鏡檢視花粉。令學生輪視。並說明。楊體輝教初中三年三組英文讀本。說明故事之用意。令學生不可作錯誤之事。成泮如教初級豫備科之算學。梁志翔教初三年級物理。用蒸氣機關試驗。說明鍋鑪之蒸氣。推動引擎之理由。均見教者殷殷聽者津津。圖書館藏書二萬餘冊。閱書者每日平均七十餘人。借書者三十人左右。所閱書籍之種類。以雜誌為最多。社會科學次之。最少者自然科學及中國舊籍。寄宿舍初中一二年級每室每坑四人。初中三年級以上。每室每坑三人。高中三年級每室二人。自修室即在宿舍中。另有儲藏室。張校長嗜書畫。室中琳瑯滿壁。略坐談卽別。

省立第一師範學校校長陳澤世。未晤。晤教務魏繼祖。教員二十八人。職員十六人。學生簡易師範七級。高中師範二級。共四百十餘人。經費六萬五千一百九十八元。參觀簡易師範一年乙級。王訓庭教高代數。簡易師三甲級。王果勤教地理。高中師範一年級。朱桂五教英文。又參觀附小各教室。初小預備班（卽幼稚班）曾希孔教音樂。板書可憐的秋香。初三楊建章。講授常識。初三四複式。李平山教公民常識。初四甲組。貴幼琴講常識。初一預備班。王壽春教公民。高二年甲級孫景儒。教國語。高甲馬慶庵教自然。小學主事高子明。經費每月九百十四元。教員十八人。學生五百二十三人。在小學方面。類多整齊潔淨。師範方面。上課時均尚整齊。惟訓育方面。尚宜加以研究及實施辦法耳。

水楚琴廳長電話邀余午餐。遂偕蕭科長同往水廳長家中。把晤後。暢談十餘年來教育經過概況。卽午膳。言及甘草店泉蘭兩律。水廳

長索余錄出，卽寫條幅二，以貽之，一點鐘，遂作五泉山之游。

五泉山距城四里半。由楊家溝乘車往山麓，僅三里耳。所謂五泉者，蒙泉、甘露、掬月、摸子、惠泉也。蒙泉取養正之義，甘露取水味之甘，掬月有風人之意，摸子爲婦女往洞中，摸石懷歸，可以求子，惠泉以惠民取汲不竭之故，蓋五者惟惠泉之水獨多，其聲潺潺，其氣上昇，水泡如珍珠，終年不涸，惠我實多也。寺曰濬源，聯有一大地山河，造成樂土，滿林風月，來締禪緣，一爲五泉山人劉爾忻撰書者，劉字果齋，寺右有別墅，爲果齋生前獨居養靜之所，今卽爲果齋先生祠也。入寺有戲臺，聯云「耳邊鼓吹山如笑，眼底風雲戲又來」，亦劉先生題。拾級登高，凡歷曲折百餘級，殿宇數重，至最高處，憑欄北望，黃河蜿蜒，而滾滾東流，北山連綿，而層層高聳，其最東之高峯，曰九州臺，卽當年夏禹治水，停居指畫黃流之處。上湖，則導河積石，下流，則直奔龍門，形勢之險要，可觀也。上登山腰，謁古伏羲黃帝之殿，先賢壤駟子石，作子秦子之祠，以及臥佛殿、嘛呢寺、關帝殿等，均傑閣凌雲，層樓聳翠。東龍口之水聲潺潺，西龍口之澗流汨汨，並企橋之南之惠泉，尤足醒塵夢，而清心聆清音而軼世也。於是品茗縱談，武周陳倪諸君，先我而行，楚琴廳長、椒石科長，坐話久之，偶及高忠憲公之後人，知明末有高氏一支避難來蘭，居於距蘭州南山七十里之高家灣，迄今三百年來，戶口六十餘家，業儒者少數，業農及煤鑛工者爲大多數。楚琴廳長之岳家，卽高氏也。其譜載爲無錫高忠憲公之裔，云：「此一事也，余因之有感矣。吾鄉先賢之後，不虞遷居于四五千里外之皋蘭南山也，尤可慨者，今均業農工，而業儒爲最少，數文化入於荒山野，數十傳而數典已忘，物競天擇，豈其然哉。」

山之高處，有甘省鄉賢記略，自伏羲、女媧、黃帝以後，至清吳可讀止，凡四十四人，各志其小傳，以昭示來茲，其用意殊可佩也。少頃，夕陽西下，雲捲風號，繞道文昌宮，而過紫雲閣，自西而東，至東龍口，一小亭旁，水從山隙，奔放而下，有小亭高聳，雜樹葱蘢，旁設茶座甚多，此地風景最佳，略事流覽，卽下山行，乘車返城，已傍晚矣。

二十九日，蕭君來，偕往參觀女子師範學校，校長金翼乾，教職員三十二人，學生簡師四級，高師二級，共一百四十七人，經費四萬零八百零二元，十分之七八均皋蘭人。外縣來學者殊少。先觀附小初四國語，馮女士教授尙當，初三算術，王教員教授，繼觀簡師一年級地

理、鄧友梅教授交通及產業。三年級、鄭樹民教國文、講鄭貞鐸之街血洗去後、四年級、楊廣生講公民、黨義和國民。高師一年級、時克柔教幾何。高師二年級、王子定講教育概論。圖書館、藏書一千五百餘種。閱書者每日平均十餘人。閱報章雜誌者約二三十人。儀器標本及學生成績合置一室之中。宿舍有舍監一人、學生四十餘人。附小主事徐國材、教員皆師範畢業生、學生三百五十餘人。幼稚園保姆一人、幼稚生三十餘人。

省立圖書館館長王鑫潤、晤事務主任王兆瑞、導觀館中一周、經費三千一百五十一元八角。藏書二千三百三十餘種。共五萬餘冊。編目暫分總部、經部、史地部、哲學及宗教部、文學部、社會科學部、自然科學部、應用科學及藝術部、共八部。閱書者每日平均十餘人。借書者平均二十餘人。本省縣志、舊時七十八縣、志書缺十三縣。觀明版仿宋之經典釋文十冊。崇禎十年刊。此外尚有明版書數種。未觀。省立民衆教育館館長柴若愚、有講演部、教學部、游藝部、陳列部、生計部、事務部、共分六部。每部設主任幹事。全館職員十六人。經費每月四百七十五元。附設機關：(一)安寧堡民衆教育館。(二)本館附設婦女補習班。(三)民衆學校。參觀陳列部中多古物、其最有價值者：(一)新莽權衡。在安定秤鈎銷出土。(二)黑水國磚。(三)古陶器數十件。惜均未標時代及出土之地址爲憾。此種陶器、花紋之細、式樣之佳。須待考古專家定名。時余以時間匆促、不及徧觀。俟明後日有暇、再來續觀也。

往教育會演講。是日對於男女兩師範學校之學生、講「師範生之責任是怎樣」聽者四百餘人。

是日上午、偕水廳長往省政府、謁朱一民省主席、晤同鄉張九如、壽天章等。又往樂善書局、晤楊漢公先生、十餘年不見、把晤甚歡。三十日晨五時、楊漢公來、談兩小時、贈余關於佛學及教育之書五六種。七時、蕭君來、偕牛君同往女子職業參觀。

省立女子職業學校、校長任元泰、教職員二十六人。學生、中學編織科二十三人。小學二百七十八人。經費一千二百三十元。觀初小各級教算學課、高小各級算學課、補習班曹教員講授課本、中學部自修、工場有機織部、栽絨部等。

省立工業學校、校長水柵、未晤。晤教務主任師廣德、高中應用化學科四十人。初中編染科三年級二十三人。初中紡織科一年級四十

人藝徒班十九人。工場分機織部、韃鞋部、編物部、裁絨部、皮件部、漂染部、製革部七部。經費每月一千五百十四元。高中自本年一起加一千元。須自下半年秋季始業時起。裁絨部成績甚佳。惟因原料昂貴。故銷售之價亦昂。

省立甘肅學院。院長鄧澤民。教務周戒沈。大學部分文史科、法科、醫科三系。學生數文史十九人、醫八人、法十七人、農三十三人。此外有農專修科。教員二十餘人。高中學生一百八十人。補習班三十餘人。經費九萬二千元。附設中山醫院三萬元。另支參觀一周儀器標本室、宿舍、圖書館、藏書二萬餘冊。分類編目。以十類分之。每日平均閱書者約三十人。以文學書為最多。社會科學次之。自然科學又次之。校舍為舊時貢舉院。有至公堂。柱有左文襄聯。

省立農科學校。校長王爾輔。專任教員十七人。兼任教員十四人。學生高級林科三年級十四人。農科二年級二十人。普通農科二十八人。豫備班四十九人。補習科一百零六人。經費五萬二千八百九十七元。圖書館藏書五千餘冊。分類以農業、數理、史地、圖表、文藝、政治、經濟、教育、哲學、八類。閱書者每日平均二十餘人。借書者平均四五十人。觀閱教員授普農三年級算。席教員授一年級動物學。王院長授高級農科英文。農場三十五畝。苗圃十畝左右。所植松、杉、槐、柏、果木等之苗均有。

往省政府。應朱一民主席邀午餐。在省署花園中。亭臺花木。景物殊佳。座客有江處長、水廳長、翁主任等。餐後往李副官處。商量赴青事宜。蓋昨日朱主席允交副官處調查設法。赴青飛機之便。今聞與薩佛包飛機往青。故欲搭伴同往故耳。

午後往社教推廣處。處長范沁。推廣處分體育宣傳調查三股。經費每月二百九十元。各股設主任一人。股員四人。見謝君講蒼蠅之害。聽者百餘人。陳列處有書報等物。惟閱者不多。

往教育會演講「人才、教育與生活、教育」約一小時半。聽者為中學職業共四校六百餘人。水廳長偕余往歐亞航空公司。晤黃賢俊。商量往青乘飛機事。

晚偕壽天章、武蘭谷同往權運局。應同鄉張九如局長之邀。晚餐。座客有壽君夫人、同鄉如皋季雲、字子峯。

泉蘭縣長倪子明、屢遣人來邀余移住縣署、余感謝之、水廳長電青海楊子高廳長、並作紹介函送來、明日、壽天章邀余晚餐、蘭州各校及教育會等、邀余午餐、均感謝之。

三十一日晨、張曦、字晴麓、任甘肅學院文史教員也、來談、李君恭亦來、並謂昨來兩次未晤、楊漢公先生、又遣人送來書十種、余匆匆間、收拾行李、預備往青。

水廳長來、並派彭有權主任、來代表送余、至飛機場、以今日此時、爲省府會議、不克親送、登機也、於是水廳長先行、余往縣政府、訪倪子明縣長、適公出、未晤、卽返、少頃、黃君賢俊、以汽車來、武君倪君陳君周君均送余上車、並約十日返蘭、余將行李均寄武君處、如十日返蘭、武君等已行、則寄在三興盛書局可也、武君諾之、彭君則同上汽車、助余携張九如君借來之大氈一件、及余絨毯一條、余則携皮夾、一手杖、攝影機一、於是卽開往飛機場、是時余有詩錄左、

歷碌車塵數日來、泉蘭山色畫圖開、五泉風景慧泉勝、一隙光陰駒隙催、學校絃歌弭弓矢、友朋筵宴洗塵埃、此時小別探星宿、擬上飛機亦快哉。

余在蘭州五日、除參觀學校外、見聞所及、有足記者、附志於左、

(一) 新生活運動、頗有成績、1. 城中街市、行人走路、都能靠左、走稍有錯誤者、警察必干涉之、2. 各商店前、均設痰孟盒、各旅館皆知潔淨、以重衛生、3. 男子衣飾、多用布、女子衣飾、除一、二大家婦女官紳眷屬穿綢緞者外、亦大多數穿布服、至于截髮長袍者、百人中僅見一、二耳。

(二) 教育應注意者、1. 注重師範教育、造就師資、爲今日切要之圖、否則小學教育必難普及、現在省立男女師範兩校、急應提倡訓教、合一方法、俾師範生知以教育爲終身事業、而立志向外縣鄉間去服務、2. 小學教員須有研究心、無論是否師範畢業、如無研究心、則訓教兩方、必難進步、矧研究教學及訓育、尤須切定時代之需要、如何使兒童得到應用之常識、不死讀書本、且於課外得活動之知識、

3. 職業教育之應注意者。則工業之裁絨部。由工人工作。而學生不實習。雖日提倡此項工業。然宜於工廠。不宜於學校。須知學校之所。以設是科也。應令學生實習。則可。學生不實習。而僅使工人爲之。不免失所以設立職業學校之本意。

(三) 社會教育之應注意者。1. 民衆教育之設立民衆學校。須注意兩點。(一) 使民衆識若干字。爲最低限度之社會應用。(二) 使民衆知中國今日所處之地位。及國難國恥之相當認識。2. 民衆教育館之陳列部。有多數器物。既將物名寫錯。又未標明時代及產地者。急須設法請專家改正其名稱。加以說明。出土之地。及出於何代。應均註出。俾人人心中。一望而知之。不致以錯誤之名稱。貽笑於人也。

第三章 自蘭飛青

五月三十一日。八點半鐘。毘亞航空公司主任黃俊賢君。以汽車來送余至飛機場。出東門二十里。既抵場。由黃君紹介與薩佛相見。並言及今日侯先生搭機赴青。與薩佛答以不知也。黃君云。昨有省政府李副官長來函說明。且電話通知。謂與薩佛等五人。侯先生一人。共六人也。與薩佛謂李副官長雖提及。然並未言明。黃君與薩佛。及其從人。交涉久之。始克以壹百元。讓一座。黃君詢余如何。余答以既來機站。決不退回。分擔銀數。亦無不可。於是遂定議。時水廳長派彭主任代表送余。故余即致一名片與水廳長。望其暫代余墊款壹百元。俟返蘭繳趙黃君約余略食點心。恐枵腹乘機。易頭暈也。食麵一碗。卽行。

自寧夏來一客。曰陳嘉禾者。亦欲搭乘飛機。迨與薩佛交涉久之。亦如余例。而讓一座。於是黃君招余先上飛機。坐定。然後與薩佛及其從者三人入座。末卽陳君坐其中。一轉瞬間。機聲軋軋。飛機由地盤繞而騰空。黃君彭君脫帽與余爲別。余亦揮手應之。始則離地數尺。繼則忽昇忽降。乘客似覺頭眩。閉目坐定。但聞機聲震耳。與薩佛以棉花授余塞兩耳。以殺其音。並將風壓計。測升高之度。時已至四百密達之高。頃刻之間。大地河山。盡在眼底。俯視羣峯。皆培塿耳。黃河如帶。屈曲而東。平地綠田如棋。枰如篩。格如碧茵之舖。于山谷者。隴上田畝。則又如層層綠雲。堆砌作螺旋狀者。村舍如鴿巢。如方道路如蝸涎。如機線。駱駝牛馬。如蟻蟻之銜接而行也。山色之奇。紅綠紫灰橙黃丹碧。各色皆有。山形之奇。如肺狀如葉狀如懸瓠之披離。四垂時而白雲縹緲。淡淡聚散于機之左右。時而天朗氣清。日光

透。照。于。萬。壑。千。峯。之。頂。向。背。陰。陽。顏。色。變。幻。筆。墨。無。以。形。容。余。在。飛。機。之。上。從。玻。璃。窗。中。作。鳥。瞰。真。有。非。言。語。所。能。盡。其。狀。態。者。况。天。風。狂。號。機。聲。高。震。如。怒。濤。之。洶。湧。如。萬。馬。之。奔。騰。噫。羽。化。登。仙。之。妙。恐。亦。不。過。如。此。而。已。牽。百。羊。之。代。價。作。首。度。之。翺。翔。在。余。三。十。餘。年。之。游。程。中。既。爲。第。一。次。之。飛。行。卽。在。此。西。北。漫。游。之。歷。程。中。亦。爲。不。可。少。之。資。料。爰。作。長。歌。一。首。以。志。飛。航。之。快。慰。平。生。也。

飛航歌

奇。矣。哉。機。聲。軋。軋。風。怒。吹。驚。濤。駭。浪。如。奔。雷。高。矣。哉。盤。旋。直。上。空。霄。來。俯。視。下。界。盡。塵。埃。迅。矣。哉。轉。瞬。升。高。雲。路。開。大。鵬。雙。翼。孰。堪。追。臯。闡。發。軼。天。空。去。不。覺。行。行。數。百。里。昂。頭。直。欲。摘。星。辰。四。顧。何。有。真。天。地。但。見。千。峰。萬。壑。如。肺。葉。之。披。垂。隴。田。村。舍。如。層。螺。枰。格。之。平。堆。白。雲。縹。緲。若。近。而。若。遠。黃。河。屈。曲。似。急。而。似。遲。大。鵬。振。翼。橫。空。起。蒼。鷹。橫。睇。不。敢。止。扶。搖。努。進。須。臾。間。氣。象。萬。千。歸。眼。底。兩。耳。塞。棉。聲。不。聰。氣。壓。較。稀。語。可。通。高。低。轉。側。瞬。息。已。青。海。多。少。烟。霞。變。幻。山。川。桑。海。都。在。一。瞥。中。

按青海高原爲九千餘尺。氣候北部寒冷異常。南部在湟水以東。如西寧省會。則無大寒大暑。一年之中。有五六七八九之五個月。爲最和暖舒暢之時。其他七個月。皆在嚴寒中。是以飛機由蘭州飛往西寧。其地勢由低而漸高。故氣候似較冷。然余在機中。玻窗四閉。尙不覺過冷也。

將抵西寧余得兩絕錄左

盤旋直上九霄空。大地河山一覽中。笑煞乘槎張博望。當年敢自競雄風。
瞬息翺翔千里。煙雲縹緲襲心胸。昂頭窗隙探途徑。已過峰巒億萬重。

飛行一點十五分鐘。到達青海省會。見蓬帳高撐。觀者如堵。軍隊排列。行伍整齊。飛機已抵西寧。來歡迎活佛及朱一民主席者。軍政兩方面之人。均到少頃。飛機下草地時。似稍覺頭眩。既履地。人頗爽健。與薩佛先入帳幔。坐首座。當時觀者。以余爲隨活佛而來之人。故亦讓余入帳蓬。坐警士進茶點。少頃。馬子香軍長步青。譚時欽。民廳長克敏。姚衛甫委員鈞。楊子高。教廳長希堯等。皆來。余卽以聖木縣長

致譚廳長姚委員函及水廳長函分交諸君。於是譚姚楊三君均殷勤把晤。且介紹見馬軍長談話。有一人入帳蓬高呼謂無錫侯保三先生來乎。且握余手而言曰。我昔偕周子揚到錫參觀。承先生招待游覽三日。參觀百一樓之珍品及競志成績。時時不忘。何幸先生蒞此耶。余愕然不知答。譚廳長云。此馮仲翔秘書長也。於是相與談話。馮君且對譚楊諸君述余競校成績。及余之履歷。姚君亦謂曾到錫參觀。惟未得晤談耳。馮姚二君均詢及述之。勒之季英等狀況。余一一答之。與薩佛及其從者。先乘汽車入城。余爲馬軍長譚楊姚馮諸君在帳蓬前攝一影。馬軍長又爲余等攝一影。以朱主席之飛機尙未來。故均坐帳蓬中間話。久之。時已過午一點鐘。蘭州來一電報。謂朱主席須下午四點鐘起程。五時可到。於是楊子高廳長向馬軍長說明與余先乘汽車返城。蓋離城二十里。往返需時。且均未午餐。故余與楊廳長入城途中。余詢及青海狀況。楊君所談約志如下。(一)青省教育費不及萬元。省立學校九所。(二)全省征收稅收入僅一百萬餘元。軍政民政教育建設各項省用之費。均在此項稅款之中。(三)省立中學校七。高級中學。蒙藏學校。女師。男師。職業。初中等校。(四)社教方面。僅圖書館及民教館。民衆學校。閱報所。數處。(五)馬軍長另辦數校。爲回教促進會名義。有小學女校等。(六)地方小城鄉內外數十所。(七)馬軍長用軍工築路法。新建旅社。尙未竣工。所以備招待來青之客。惟落成尙須時日耳。既抵楊宅。子高廳長即招待余登樓。按置臥所於此。設餐授館。感何如之。餐後。即陪余參觀高中及蒙藏兩校。返寓晚餐畢。得一詩錄左。朝發皋蘭城。暮宿青海邊。鵬翮開雲路。馬蹄着祖鞭。夜聽潺潺聲。湟水來西淵。東合大通河。水尙清且漣。南入黃河。流一瀉成。大川君子觀於此。行藏慎思焉。

第四章 西寧

西寧位青海之東南。昔爲甘肅之一府。今劃出爲省。即以西寧爲青海之省。會有湟水來自湟源。合大通水。南過西寧。而東西寧之南山。爲崑崙山之北脈。即積石之山。橫亘於南。禹貢所謂導河積石者。是蓋湟水亦黃河之北支也。青海一湖在西寧之西。約二百六十里。湖面九千八百尺。高原高度一萬二千餘尺。西寧高度八千餘尺。自西寧往青海湖。往返須五日。惟水草牧地。一無可觀。遠不如吾邑之太。

湖也。

西寧在清季光緒年間曾發生地震兩次。倒屋甚多。

青海省民族複雜。漢回蒙藏四族之外。有羌族。撒拉族。兩種。余到西寧。一日在途中見一女子。前髮分兩邊。垂於耳旁。後髮束辮。垂於腦後。其辮線下垂至脛。腦後用玻璃珠串兩條。分懸於髮辮之兩旁。亦長垂至足跟。與辮線齊。所服之長衣。色雖灰藍。而衣緣紅色。鑲白有五寸寬。行甚緩。其面容固甚白。無他異。詢之楊廳長。則謂此土人也。即古羌族也。其語言亦與漢回不同者。又有撒拉族者。在楊廳長之家鄉循化縣。有五六百戶之多。合西寧全省之撒拉族。有七八千戶之多。此族爲土耳其之遺族。亦奉回教者。在前明來此。今始繁庶。西寧之鹽。著名於各省。距青海湖八百餘里。有鹽池。產鹽最多。人民以勺掬之。即可用。不必煮也。而其鹽根仍在。隔一時。水沒鹽石。久之。再以勺掬之。仍有鹽可取。是真用之不竭也。

湟源縣爲湟水所自出。其水甚清。流九千里。而至西寧。流一百二十里。至樂途。流一百八十里。至合口。入黃河。

海心之山。均在青海湖之中心。兩島對峙。風景甚佳。唐稱龍駒島。島有小廟。番僧宿廟中。畜山羊。植蔬果。以自食。九十月間。海水凝。則踏冰以來海邊。四五月。海水融。則居島中。平時無人乘舟往來者。民國初年。有歐人乘小舟抵島中。番僧驚以爲神。

藏僧多用藏經。印寫長條之布。嵌於木桿。一任風吹雨打。而使破碎消滅。可以消災納福云。

三十一日。午後。楊子高廳長。偕余同往各校參觀。

省立高級中學校。校長楊廳長兼任。教導主任陳子明。訓育員二人。教務員一人。教員三十二人。學生高中第二年級二十七人。簡易師範一。二。三。四級。二百人。經費基金一萬元。省庫月領一千八百元。七折實領一千二百六十元。所領之款爲本省維持券。此券爲不克兌現之券。一元之券。祇作價七角也。教員之薪。每點鐘七角。主要之科。實領四角九分。藝術體育八角。宿舍四人一室。合膳。自己煮粥。食生活頗爲簡單。

省立蒙藏學校校長吳世珍、教導主任林育德、訓育一人、教員十五人、師範生六十一人。此為三年畢業者。本年冬季可畢業矣。高小一班、初小四班、教科書用新標準教科書。經費全年四千八百元。師範生自膳、書籍由校給發。每週有藏文四小時。蒙文無。以青海平時用藏文之處甚多。如函牘等。對於住居青海境內及近邊之藏事交涉。皆用藏文。故政治上教育上關於藏文之用為不少也。

六月一日、蕭科長來、偕余同往各校參觀。

省立高中附屬小學主事賈克明、教員九人、學生六級、共二百六十四人。觀五年級張教員教算學、六年級衛生、薛教員未到、初四年級李教員常華教算學、初三年級基教員教算學、初二年級耿教員育德教算學、初一年級謝教員教算學、以耿教員分組板演、批評問答。最為合法。經費由高中撥支、教員月薪最多二十五元。七折、寄宿生自膳、課後有二分間體操甚合。

省立圖書館、館長姚鈞兼在、主任郭鍾璋、館員三人。李崇墉、李聚業、馬培元。館舍新建樓房、寬敞曉亮。圖書為戴季陶、獨捐、圖書九千一百餘冊、兩萬四百餘卷、雜誌二十餘種。余贈以寰球旅行記一部。

青海南部邊區警備司令部附設蒙藏小學校、校長馬軍長兼任、主任丁元輝、教務主任吳世瑾、教員八人、學生六十八人。經費全年一萬四千元。觀一年級王教員俊教國語、學生八人、發問還講、學生以藏語解釋漢文。王教員亦以漢文解釋藏語。師生彼此均能以漢藏兩種語言互為解釋。學生中有一蒙古襲爵之王、及蒙古王之子弟、均頗聰穎。二年級丁教員元輝教國語、令學生往黑板前默寫於板上。及默背。以蒙藏二族學生、言語杆格之關係、不能不令其默與背以堅其記憶之力。三年級陳教員傑教國語。此校教導有方、訓育合法。學生頗知禮貌、殊可嘉也。

回教促進會附設西寧中學校、校長馬霄石、教務主任王祝三、訓育主任馬吉軒、教員二十九人、學生四級、補習班一級、經費每月實領一千二百七十八元。七折支領。學生二百零四人。中學一百八十五人。補習班二十人。圖書館藏書數千種。寄宿生一百五十人。通學生五十人。自修即在宿舍中。觀一年級孫教員海觀教國文。選授李煜虞美人詞。二年級馬教員敬堂教算學。三年級石教員蓉九教國文。

選授全祖望梅花嶺記。補習班曹教員子瑜教算學。宿舍尙整齊。

回教促進會附設中心小學校。校長馬輝。主事邵鴻恩。一年級作句。二年級作文。聽寫。三年級習字。字體端正。

湟中公園。新建設尙未完工。地土多鹼。園之背面爲北山。山多紅砂土。爲褶鼻狀。可入繪樓閣小亭。以及小橋流水。苗圃植樹。均在工作。中是皆馬軍長派兵士建築者。面積既廣。游人自多。西寧難得有此寬廠之公園也。

省立簡易女子師範學校。校長浦順志。教導主任李藹。訓育員一人。鄧春蕙。教務員一人。教員十四人。經費每月八百元。學生師範四級六十七人。小學六級二百四十餘人。寄宿生十八人。觀高小二年級李教員教歷史。講中俄國交之始。師範三年級勞作。鄧教員春蕙教學生自繡枕衣及香囊。師範二年級毛教員耀斌。教國文作文。師範一年級國語。馬教員選蔡子民之我的讀書經驗。講解明晰。師範四年級苗教員講公民。怎樣去研究政治學。又觀初二年級張教員教衛生。初一年級李教員講社會。初三年級國文作文。宿舍六人一室。勉能整齊。

青海省教育會圖書館。河南黎雨民捐圖書一千四百零一卷。共八千一百三十一冊。民和朱海山捐圖書三百三十卷。共四百零一冊。黎雨民又捐公報雜誌二千餘冊。佛經二千冊。附設博物館。有印度佛像。武器。盔甲等。正在徵集中。尙未開放觀覽。閱書室及來賓休憩室。均寬廠合用。

新青海社圖書館。陳列圖書雜誌約千餘冊。均爲社中熱心同志捐助者。

第二次往湟中公園。此園正在建築。爲馬軍長提倡。雖未竣工。然樓臺亭榭。花草樹木。已楚楚可觀。背臨湟水。尤覺風景清幽也。

午後往省立高中。應楊廳長及各學校之歡迎會。先由楊廳長致歡迎辭。及介紹余演講。余即登壇。講今日的學生應該怎樣一題。以聽講者爲中學師範職業三種學生。故先合而言之。繼則分而言之。終又合勉諸生。以求切己之學問。卽爲間接求救國之方法。約一時半。楊廳長又提綱絜領解釋之。復致謝辭。是日到會者。各校全體教職員。及各校男女學生。共千餘人。散會返寓。已七時矣。

姚衡甫、譚時欽、馮仲翔、三君。昨晚今晨均來談話。惟馮君來，余已出門參觀，故未及晤談也。

王守鈞校長，因余初中未去參觀，故送來學校概況表一紙，及王君所著三民主義的整個性一小冊。知該校學籍共六族，有漢蒙回藏及撒拉羌族。年齡最大者二十四歲。王公貝勒之子弟，有十餘人。

市立西寧初級中學校校長王守鈞教員二十四人，學生一百八十人。

往教育廳參觀，以一小廟改建廳長辦公室，在中間，第一科第二科在兩旁，督學兩人，科員四人，辦事員三人，書記二人，全體職員共二十人。夜與楊廳長談人類之進化，科學之發展，余發揮由不食固體而至飲液體，由不飲液體而吸氣體，出空氣界而至火星殖民等之途徑。楊廳長亦有所發揮，夜談甚暢。

楊廳長有青海風土記，四年前所刊印。余向詹科長處借來一閱，所有奇異之番人與土人之風俗，殊堪瀏覽。惜楊廳長此書已無，俟其尋着將來允寄我一冊。

西寧舊名湟中，在漢爲趙充國屯田之所。王莽時羌人獻鮮水湖，卽青海。後漢時築湟中護羌二城，自晉以後代爲各番所侵據。清封貝子貝勒等名義。雍正時年羹堯平青海時，誅殺甚多，編爲各部落。民國初年置青海辦事長官于西寧。十七年改行省設省會于西寧。青海藥材以犀黃、鹿茸、麝香爲特產。其次則大黃、紅花，皆所產甚多。

青海分縣十六。西寧互助大通、鹽源、樂都、民和、循化、同仁、貴德、化隆、湟源、共和、玉樹、都蘭、囊謙、同德。

晚臥楊廳長書樓之左室。室內窗明几淨，佈置雅潔，隨手取閱書籍。夜深始入寐。夜讀漢書懷古。

夜靜燈闌，客未眠。紙窗風破，峭寒穿樓頭。翻閱湟中史，漢使會屯十萬田。

二日晨起，在楊氏園中閒步，得詩一。

曉起寒侵似。早秋邊區。六月尙披裘。牡丹白雪開。方盛玫瑰紅。顏笑解憂。一角古城。堪入繪。數枝衰柳。更添愁。小亭閒坐。迎朝旭。俯仰低徊孰唱酬。

詹科長偕其弟甥子四人來。乘兩大車。同往塔爾寺遊。約行五十里。始達到作塔爾寺記錄左。

塔爾寺記上

塔爾寺者。黃教始祖宗喀巴產生之聖地也。凡游青海寺者。首當一謁塔爾寺。以識黃教改革紅教之發祥地。至於蒙藏土番。無不以千里叩謁。一登聖地爲榮也。余偕詹科長等。將至塔爾寺。遙見金碧輝煌。不同尋常梵宇。爰考其歷史。知宗喀巴生於明永樂十五年。卽今塔爾寺之山麓平地。年十四。入後藏扎什倫布西方之薩迦廟。習紅教。時紅教荒淫。流弊百出。教徒尙吞刀吐火之術。宗喀巴卽以改革紅教爲己任。易黃色衣冠。以西藏教主。世世俱爲呼畢爾罕。轉生世間。以救西藏爲言。於是全藏及青海蒙古等地人民。聞風景從。黃教之基鞏固。後宗喀巴得道于藏中之噶爾丹寺。卽爲黃教之始祖。塔爾寺遂爲佛教之聖地焉。

塔爾寺既爲黃教始祖之誕生地。是以建築之崇隆。殿宇之雄壯。爲西藏一切梵宇所不及。有大經堂一所。可容四千餘人。作聽經之座。小經堂五處。建築式樣。均用印度式。大金瓦寺一所。小金瓦寺一所。屋頂均蓋溜金磚瓦。經日光照耀。黃金之色。反映四面。遠望之。燦然之光。美麗壯觀。不但爲中國各寺所無。卽世界各國教堂。亦無此宏壯。辦公地點。藏名大吉祥。有僧官三人分掌之。各寺大小活佛。有八十餘處。全寺喇嘛約三千人左右。年舉觀經會四次。元月十五日。六月六日。九月二十三日。十月十日。各處教徒來朝拜者。日數萬人。寺產甚富。凡數十里內田畝。均屬之寺產。又有僧徒四出募化。以供喇嘛之食。此塔爾寺之概略也。余既至寺。詹科長豫遣警士。借定一廟宇爲休息之所。譯名賽多爾娃。譯意喇嘛公館。余等略用茶點後。卽往大經堂。時適爲班禪講經大會。蓋班禪自南而北。而西。居托爾寺。月餘。在黃教信徒。以爲百年難遇之盛會也。是以蒙藏青海之教徒。男女老少。來謁班禪者。數萬人。余今日亦躬逢其盛。亦爲殊遇也。已。

塔爾寺記下

班禪既於六月二日開講經大會於託爾寺大經堂。聽經者固萬餘人。其專門來叩頭朝拜者。一日之間亦萬餘人。余等由東側門而進。有武裝兵衛。頗森嚴。朝拜者席地坐。欲進謁而不得進。瞻者擁擠門外。詹科長向衛士說明余之來歷。始得讓余等入。則見班禪高坐於大經堂之前。黃色袈裟。黃冠黃履。左手搖小鼓。右手執銅鈴。口誦長壽經。隨誦隨講。左右席地坐者數十人。皆黃冠黃履。大小活佛。其次數百人。侍坐於階。階除庭者各寺之僧官也。其他坐者跪者。紅黃紫色之服裝不一。但見千百人頭。蠕蠕搖動。梵音振盪。鐘鼓聲喧。時則一唱千和。鐘敲聲絕。時則寂然久之。靜無人語。而於人隙中有膝行而進。蛇行而前者。則移調座位。欲進而有所叩求也。時余帶攝影機。攝一影以存殊遇。少頃即出。至大金瓦殿。見有男女番人。繞大金瓦殿而五體投地。見其雙膝跪下。即伸其足以胸貼地。伸其手高過其頭。以手畫地作記。然後起立。即以足踏其手所畫之處而跪之。如是者循環不絕。非四五十拜。不足以繞殿而一周也。殿前木板。每年一換。因叩頭者之多。木必深移數寸故也。入殿參觀。則金雕朱漆。鏤錯精細之佛像甚多。白油之燭。輝煌滿室。地板叩頭之聲。不絕於耳。亦有燃燭擲錢者。出至庭前。見婦女之裝式奇異。頭戴珠寶。挂絡分小辮數十。披於兩肩。耳懸大環。較手鐲。還大者。所懸金銀飾品。有拖長至二三尺者。其衣則有前廠而束以腰帶者。有圓領而挂以獸骨者。背面則有拖長之衣幅。綴以銀墩者。少則四五多則九或十二。最多有十五銀墩者。嘻奇矣。按銀墩者。以銀爲之。其式似碗。碗外多雕鏤各色花紋。覆綴于衣幅。所以表示其多銀而富也。至于冠履。則凡叩頭時無不去之于地。拜畢而後穿戴之。所以表示敬神也。女帽有高似紅黑帽者。尖其頂。羊毛其邊。鞋則多皮者。然手携靴鞋而赤其足者多。所以表示其敬神之心堅也。余乃乘兩婦伏地時。速攝一影。以存其叩頭之奇相。庭有一樹。相傳爲宗喀巴手植之寶樹。以鐵絲護之。至小金瓦殿。及綠琉璃殿。庭有一樹。樹皮有天然之藏文。生於其上。余奇之。因採其葉一小枝。揭其樹皮一片。以爲標本。小金瓦寺藏名呪房。殿上佛象。鏤刻亦細。燈燭亦明。殿前木板。均見跪拜之跡。深入數分。噫。蒙藏青海之人。信仰宗教之心。可謂真摯而深切矣。見有自山下即叩拜而來者。額上則泥土之印。令人見之發噱。抑知竟有自青海叩頭而至西藏者。不知數千萬叩頭之功。易得額上一巨塊。如碗大者。則到處無論僧俗。皆當供給其飲食錢財矣。是真大愚也。夫余等游觀一周。仍至賽多爾娃休憩。而執事僧已聽講歸來。深

致待客不周之歉忱。叩其名曰慈仁。謝其招待。施以番佛一尊。堅不受。且留余等宿。以時將晚。遂別慈仁而行。廟中僧人見慈仁來。送余等出。均脫帽爲禮。以示敬客也。余既返寓。遂作託爾寺記上下兩篇以志之。

是晚譚廳長楊廳長姚委員馮祕書長魏廳長五人作東道主。在民政廳招晚餐。廳署甚寬廠。爲昔日道署花園。座中有誠君執中名允。蒙藏委員會委員。謝院長中山醫院院長也。晚餐畢。已九時返寓。

爲楊子高廳長指畫竹石各一幅。爲詹子方科長畫竹一幅。後又爲各校寫贈惜秒陰耐萬苦六字橫幅四幅。

三日晨收拾行裝。楊廳長爲余備路菜。挂麪及饅等等。雇脚窩子一乘。計西寧鈔洋二十六元。合大洋十七元。已爲付清。余再三繳還不肯受。

譚時欽廳長來。余爲之指畫竹一幅。贈之。談話久之。譚廳長更以此次不克招待爲歉。並以蘭州支條百元相贈。却之再三。不之允。噫異矣。臨行余贈以一詩。

五千里外識荊州。翰墨因緣金石聲。獨立干霄彈指墨。湟中友誼感平生。又口占二十八字以留別楊譚兩君。

青海湖邊訪古來。兩君把晤感相陪。臨歧揮手珍言別。互助邊防闢草萊。

第五章 自青返蘭

譚廳長以余途中一人。諸多不便。特派孫懋。送余至蘭州。余再三謝之。不允。楊譚二廳長。送余至城外天成店。脚窩子已備齊。脚夫一名。譚君謂非二人不可。因一人管不得二騾。前曾有客出城未數十里。已翻下。故須再添一人爲是。脚行中人謂無人可添。不得已而卽行。楊譚二君別去。孫懋騎騾相隨。余憶民國七年八月。華陰至觀音堂。曾坐脚窩子一次。今爲第二次矣。諒亦不妨。抑知行未三十里。果然後騾一低。前騾一昂。不覺榻子向右一側。傾斜欲墮。幸未倒地。余側臥榻子中。孫懋下騎相扶。力不勝也。乃呼過路之騾夫兩人。共同扶。

起雖未倒地。然已飽受虛驚矣。是日行七十里。投宿張家寨。此爲一小鎮。店戶無多。宿處爲一小樓。一小坑。余因一日之顛簸。頭昏腦漲。卽側臥坑上。頗不舒服。楊子高廳長爲余備一被一褥。墊在榻子中。今取出舖于坑上。孫懋爲余煮晚餐。將所帶之食物。勉爲食之。卽臥。是晚筋骨酸痛。不克成眠。夜半得詩一首。錄左。

宿張家寨不寐

劣驛破榻日昏昏。筋骨消磨感創痕。積極苦行有餘痛。悲觀奮鬪卜生存。小樓漏靜燈先滅。野店寒侵夢未溫。窗外颼颼風吼急。荒雞夜半聽前村。

四日天微明。卽起盥漱。食雞蛋三枚。饅一個。卽乘脚窩子。行五十里。至樂都縣城外。午尖。食拌麩一碗。饅一個。卽行。時見城內軍隊。排隊出城。洋槍隊。長槍隊。短刀隊。約數千人。均爲馬隊。途爲之塞。知爲接馬軍長也。驅驛前行。約十里。隊伍始盡。又行二十里。時約四點鐘。至高廟鎮。停榻。卸裝於基源小店。余今日身體稍好。卽稍休憩。晚膳。孫懋爲余下挂麵。食之。所帶路菜。食之。亦覺有味。少頃。汽角鳴。聲來。馬軍長之汽車過此。此間民戶。山前山後。有三百餘家。地屬樂都縣境。設公安分局。有巡官二。東有男小學一。學生百餘人。校長一人。教員四人。西有女小學一。學生三十餘人。校長一人。教員三人。將晚。起大風。灰沙滿店。余方補記日記。爲之不能舉筆。是日得詩二首。

張家寨曉發

陰雲滿谷遠山迷。報曉荒雞遠近啼。撲面輕寒侵料峭。沾衣微雨覺凄其。野橫疊嶂雲飛岫。石咽流泉柳拂溪。隔嶺遙聞吹號角。將軍歸去馬聲嘶。

投宿高廟鎮用前韻

微雨輕塵道不迷。夕陽黯淡野烏啼。炊烟比戶暮猶未。燈火荒村夜問其。鄉校采風傳北學。筆山汲水渡東溪。門前小立看歸牧。躑躅羊羣繼馬嘶。

小學教員有北師畢業者。鎮江之山名筆山。山外有溝。爲西河之水。自西東流。名東川。驟馬汲水。卽取於此。余於薄晚時。小立店前。絡繹不絕于店前者。汲水之驟馬也。時方日落。牧羊者。亦數百成羣而偕來。故余所咏。悉爲寫實云。

夜聽鄰兒讀書

隔牆微聽書聲起。知是鄰兒溫課時。難得此間有鄉校。尙知誦讀夜眠遲。

五日晨起。見婦女掃街。跪地拾馬糞。以衣襟裹之。蓋所以備燒坑用者。余昨晚聞得一種焦糠煙煤之氣。及惡臭之味。卽此物也。嘗見男女小孩。背一破筐。在街頭檢拾馬糞之糞者甚多。恐不但燒坑。且爲燒飯之所需也。至於婦女跪地之故。則因纏足過小。不克步行云。余昨日到店中。問有茶壺否。店主愕然曰。我們那裏有茶壺。問泡茶用何物。答曰沙罐也。余卽令以沙罐燒茶。進少頃。以一六寸高二寸徑之沙罐來。謂茶在此。不得已而飲之。雖泥沙滿口。不能顧也。蓋半日未得勺水。故渴甚而飲甘也。

乘扁子（卽脚窩子）出東街。過東川橋。水聲潺潺。橋之東西岸。各有紅坊一。橋欄紅色。橋柱則藍色。兩岸楊柳。風吹搖曳。若不勝情。是日爲夏歷端午。家家戶戶。門外屋檐。均插以楊柳小枝三五。綠色影中。有商家間懸以國旂者。一路經行。頗爲可觀。余得詩三首。

高廟鎮曉發

曉策驟輿過小橋。紅坊綠護柳千條。潺潺俯聽東川水。來自湟中百里遙。驟見紅旂綠影飄。方知端午是今朝。料因災毒堪除。被檐下家插柳條。山路崎嶇不易行。盤旋峽口客心驚。斷崖峭壁危橋過。石障狂流萬壑聲。

是日經行之路。先過大峽口。小峽口。然後過烏鴉口。此間產砂。金。人民有挖金。砂。而淘之者。山路曲折。高崖斷澗。接以危橋。雖經新修。尙覺危險。沿崖之道甚狹。兩車不克並行。下有深澗。爲湟水之東流者。俗稱西河。蓋湟水自西寧城西北而東流。有北峽。河自西北來。會東南。過樂都縣城南。適河西北來。流至民和縣境之享堂鎮。會湟水。復東流入甘肅境。至永登縣之小紫河口。入黃河。是以今日八十

里之山行。所謂西河之水。忽遠忽近。萬馬奔騰之聲。灘流石咽。水勢震蕩於耳。鼓中者。殊足壯人。氣。雄人心。駭人聽也。午後三時半。至享堂鎮。此鎮較高。廟鎮爲小。居民百餘戶。雖有街市。民和縣設公安分局及稽徵所等。然無大商店。亦無小學校。僅有私塾一二所。民衆學校一所。人民多勤苦。作手工。力田事農而已。

既抵店中。食宿之處。當然更不如昨日之高廟鎮。基源店矣。孫懋設法取水洗面。煮水飲茶。將所帶之挂麵煮之。各飽餐兩碗。室中土坑外。四壁空無所有。惟壁間一孔。置一瓦燈盞耳。不得已而將臥。其舖設後。要一小坑。几置坑上。余仍照例記日記。畢得一詩。余方獨自握管。有雙雀時來時去。來則往破椽中棲止。去則在窗外麥稈中。嚶嚶索食。至晚。方宿椽中。時作鳴聲。一若伴余之寂寞者。

投宿享堂客店

投宿小茅店。蕭然四壁。空瓦燈。牆有孔紙牖。室生風。時見雙飛鳥。來窺獨客踪。夜深不岑寂。伴我語巢中。

余又有一詩。雖似滑稽。然亦寫實。姑附錄之。以博閱者一笑。

老婦蓬頭掃馬糞。幼童赤足裹羊皮。以羊皮裹馬糞。只因天冷無燃料。煮食燒坑兩得宜。

六日晨起。食雞蛋三枚。即行。時約六點半鐘。行約數里。見兩岸相隔。一橋通之。橋柱藍色。橋欄綠色。其建築方式。頗合幾何學原理。兩岸有兩紅坊。一題今居古寨四字。其一未見題字。驟過此橋。約六七丈長。一丈餘闊。建築堅固。余得一詩云。

今居古寨兩崖端。壁峭溝深水急湍。一道飛橋連過處。紅坊藍柱碧欄干。

行十五里。脚夫致意孫懋。告余下榻步行。謂過虎頭岩。路險不能輜也。余卽下。蓋左爲高山。右爲河流。蓋大連河與湟水會合處。水流甚急。兩流直瀉。奔騰而下。其聲洶湧。殊可怖人。沿崖小徑。既不平正。又復傾斜。余策杖緩行。約繞過山脚五六處。始轉入山徑。拾級登山。斜徑險坡。約半里。纔見榻子。待余上乘也。余謂此路之險。全在步履穩健。稍一不慎。卽向右墮入洪流矣。孫懋云。午後過水曲。較此更險。蓋山路隘且斗也。行十里。至王家口。午尖食麵一碗。雞蛋一枚。行二十里。卽水曲。至矣。先由沿崖行。下至河濱。亂石橫堆。幾不可步。旋

至一沙徑。對面驛馬運輸者。續續而來。余立厓旁石上。欹石壁以讓之。又行百餘步。無路可行。均紫色大石。無着步處。卽下水濱。由沙灘行。約數十步。足旣將陷於沙中。而水浪又衝激而來。險甚。脚夫驅驛登山行。孫懋亦下騎。牽驛上山。余緩緩舉足。亦隨而登。約十數轉折。不覺氣喘稍憩。再登。約轉兩山灣。一危橋。而山路崎嶇直上。不免太險斗矣。危厓欲傾。杖不能策。碎石亂下。履不能穩。孫懋卽以一手挽之。余亦用力向上。約二百餘步。始登一山坳。憩息久之。又行四五步。始至山頂。昂首四望。風景尙佳。山峯如鋸。且峻甚。然後徐徐下山。至山腰。乃乘榻行。約三里。至黑嘴子。一小鎮也。時已三點半鐘。乃下店。一小樓。尙可住。孫懋卸裝喂驛。煮食挂麵及饅。以今日行路維艱。腹餓力乏。故飽餐之。食事畢。仍向店家索一坑。凡作日記。並得詩數首。以志今日行路之艱。爲四日中之最艱者。實地寫景。聊作紀念云。

詩如左

虎頭厓

山勢高危水勢洪。通湟迅疾合流中。沙灘苔滑鞣沾綠。厓壁泥崩襟帶紅。俯首驚看堆雪浪。昂頭亦足表雄風。谷深徑隘盤旋上。一笑相扶賴此筇。

水曲厓

河流屈曲遠圍山。冲積層高厓岸彎。年久沙堆平似島。巖崩湍激漸成灣。谷深路仄羊腸險。嶺峻橋危鳥道環。策杖登峯步遲緩。行行不覺夕陽殷。

寓樓晚眺

日暮天空正晚晴。峯巒屏障眼前橫。藏經旂布臨風破。土竈炊煙隔戶輕。屋頂閒看雞犬戲。槽中競食馬驢鳴。徘徊久待無燈火。仰首雲霄月已明。

凡教徒信教者。必以藏經之文。寫于布上。扯于屋頂。任風飄日曬。使布破而經文失。以爲災祲可除也。今日見各戶有此旂布者。凡四五

家。又見雞犬往來于屋頂。蓋此間屋多平頂。人可由屋上行。雞犬亦嬉戲往來於上。尤不足奇矣。

夜間因臭虫纏擾。致轉輾不成寐。得句云「連宵宵小擾清夢。痛苦風塵不可言。飲食未充眠未足。如何覺悟競生存。」

七日晨起。以夜間少睡。僅食雞蛋一枚。口不知味。精神倦甚。即行二十五里。爲一村。落腹中覺饑。問有無食品可購。脚夫答以須至新城。方有食店。又行二十五里。見有小街市門前。清真小店。及茶室等。雖有餅饅等屬。皆冷硬不可食。即食楊君所備點心。食餅四個。聊以充饑。又行十里。即張家河灣。前爲紫口。爲湟水入黃河處。又行五里。至黃河沿岸。欲渡河矣。豈知手續煩複。先付渡錢。每人二角。每騾一角。每驢二角。又須先後登舟。不得爭先。先讓已付錢之騾馬貨物。開去一船。待半小時。再將余等渡去。且船之去也。有繆夫十名。推船而行。既至中心。則順流而下。迨傍岸後。又有繆夫十名。倒拉繆繩。以牽河沿。余既上船。覺水流殊急。一舟人曰。老漢。用心也。余笑應之。既渡河。復行十里。至青石關。又十里。至新城。已臬蘭界矣。既抵宿店。盥漱畢。即令孫懋往鎮上覓食。少頃購麵兩碗。既硬且有惡味。不能下咽。即購雞蛋兩枚。以開水沖之。將硬饅碎而泡之。尙可食也。借一坑几。遂照常作日記。得詩五首。又寫信。分致家書及校中之函三。是日所作

詩錄左

渡河歌

臨河欲渡兮。不即渡。舟子索資兮。毋乃苛。囊橐既滿兮。猶未渡。分載兩舟兮。貨物羅人畜。遲遲兮。期待久。欲渡不渡兮。可奈何。噫吁嚱。黃流滾滾。天上來。此猶上流。無泥埃。臨河鑿照。清且淺。五色石子當瓊瑰。須臾忽聞舟子呼。客渡河。渡河兮。觀澄波。亂石斷流兮。流殊急。十夫呼號兮。跨浪過。渡河渡河兮。彼岸登。高歌擊楫兮。民族興。攬轡澄清兮。拭目俟。孰執斧柯兮。扼此狂瀾。力能勝。

由西寧返臬蘭旅况艱苦感賦兩絕

世界史程盡優。孟眼前。人事太滄桑。滿腔悲憤。無從洩。橐筆天涯走四方。往何速也。返何遲。百六八時。比一時。鵬翮翔。翔九千里。籬籬之鷄。豈能知。

旅夜聽雨兩絕

多少風塵。慨無聊。默問心。忽聽窗外雨。一洗此胸襟。
燈火黯黃昏。孤眠深閉門。一番新雨過。窗破月留痕。

青海人民之職業。北部以游牧水草爲生涯。南部以種地牧羊爲事業。八九歲之幼童幼女。卽以牧羊爲事。婦女非常之勤。做麵種地。男女皆同。年老之人。則以撚羊毛線爲事。青甘邊境。時常見年老之人。在此工作。而兒童尤以拾馬騾之糞爲最重要之工作。卽今日余住此店中。尙見兩兒童。各以一柳條破篋。背回馬騾之糞。藏堆于屋頂披廂中。其祖母則登屋攪之。使粉碎。後以備曬乾作燃料。門前閒步。則見婦女皆小足。跪在門階作伙。老年男子。則撚羊毛線甚勤。卽以上所言。足徵甘青人民之勤儉生活。爲東南人所萬萬想不到且做不到者。

青海不兌現之銀洋票。與普通大洋作六五折。所用銅元。大者爲二百文。小者爲十文及二十文。銀票一元。值三千二百文。至三千四百文。普通大洋則可兌錢六千文。青海之地質。爲黃土層及沖積層。其地土甚肥。宜植穀類。惟以氣候太冷。種植較遲。至於棉花。則人皆曰不宜。以余觀之。春間播種。夏間產生。秋間收成。未始不可者。質之研究種棉專家。未知以爲可否。

青海鑛產。已發現者。以鹽爲第一。卽達木遜。渾爾。爲最大之鹽池。其次則有石鹽。生於哈拉池。相近之地。土人採用甚廣。其次金砂。大通河上流。及柴達木金鑛。產量均宏。此外尙有塊金。產大通之野牛溝。樂都之藥草台。千戶溝。米拉溝等地。鈔金。產天棚河。臥泥河。卡佛山等地。其次煤。雖有產生。然尙無多量之煤。可統計。其次鐵。錳。銅。三者。余今日過青石關。所見似有錳鐵及銅鑛之苗。尙望鑛學專家試探之。

八日晨起。天陰。盥漱。食雞蛋。卽行。未五里。微雨。將十里。大雨如注。衣被俱濕。又十里。雨稍止。時將十點鐘。腹饑欲餐。脚夫謂途中無物可購。食。須至崔家嶺。可午尖。又行二十五里。至午後一點鐘。始到崔家嶺。卽下輿購食之。豈知僅有涼粉及油酥餅。勉食之。不覺涼粉皆成。

冰塊取開水融之。又冲雞蛋飲之。卽行二十五里。約四點鐘。始到蘭州。入城抵綢布街。江蘇旅社卸裝後。晤武陳周三君。快甚。握談青海狀況。爲之粲然。孫懋令其回家。脚夫賞酒力一元。武君云。前日有競志畢業生許氏。伉儷來旅社數次。詢侯先生。何日返蘭也。又詢余往青海乘飛機快何如。由青返蘭。脚窩子若何如耶。余答以去時飄然欲仙。返蘭時則夜間睡不好。日間吃不飽。又逢大雨來。真正不得了。卽往新隴池洗浴。浴罷卽臥。一覺既醒。人頗爽快。武君來約往金城飯店晚餐。座客有江蘇同鄉萬秀嶽。字幼璞。儀徵人。任電局一科科長。山西馬蔚奇。中央銀行營業主任。甘肅軍南軒。電局科員。返寓晤江蘇同鄉阜寧孟繁書。字梵殊。公安局二科科长。謂民國四五年時。在阜寧高小學校學生時代。曾見余視察阜寧學校云云。余以人頗倦。卽別孟君而遷居樓上十一號臥。此室卽寶君繼霖所住。今寶君已遷入省政府。任譯電員。月薪四十元。少頃寶君來。略談而去。倪君仍住江蘇旅社。是日余得詩三首。

新城曉發

五日天晴一日雨。迷離山色四圍侵。霎時雷震雲生岫。倦地風吹霧濕襟。冊里征途苦行役。千村農事慰甘霖。崔家嶺下停輿處。涼粉充飢自笑吟。

崔家嶺覓食

嗟予苦行役。四顧太蒼茫。風雨無情遇。江山落筆忙。油酥嘗異味。涼粉慰飢腸。一勺黃流水。珍同瓊玉漿。

青海游畢返蘭得句以視江蘇同鄉

雲路高翔漢將營。西寧飛機寬廣地名。漢將營卽漢。渾中三日賦。長征探源星宿愧。前哲寄跡山林感。友情楊子高廳長。家中有園囑題。曾爲題額曰城市山林。蓋此園雖爲倚城而金屋殿堂游塔寺。見塔爾銀墩衣飾笑番城。見塔爾荒山野店餐風露。一任飢寒苦遠行。爲園風景有特殊之狀況。楊廳長頗稱述之。

第六章 重至阜蘭

九日晨起早餐後。郵政局員魏君。唐陸。偕許璣來。蓋許生璣。自畢業競志師範後。就江陰上海各小學教員。於民國十七年卽與宜興魏

君結婚二十二年隨魏君來蘭州服務郵政。此次聞余來蘭，已來寓數次，未晤，今始晤談，甚慰。少頃，萬君孟君均來談話。孟君約余晚餐，客去，即偕武君等出門午餐。午後壽君天章偕吳縣凌君子唯來談，水廳長派人來邀余晚餐。壽君以車送余至顏家巷，晤楊君顯澤等。是日爲素餐，以座客數人，皆研究佛學者多也。與楊君談久之，即入座。有嚴君年六十六，柯君爲國醫分館館長，牛君爲厚哉之姪，尙有陸縣長等，素食之味甚佳。蓋余在西寧道上六日之飲食不全，而今日有此佳肴，至可口也。散席後，即往孟君處略談，晤其夫人，爲崑山人。孟君談來甘之，因及現任之務，均由獨立奮鬪而來，不敢有所依傍也。孟君陪余往凌君魏君兩處略坐，即返時已九時半矣。得校中諸教員來信，知此次中校體聯會結果，高中兩部均得女校冠軍，個人總分亦競志得第一，又得馮仲翔由青來函，拆閱之，爲送行詩一，詩佳絕，即和原韻一首云。

漢營欣握手，耐我苦思念。子久相別問，誰可與期長。才有責借，箸想堪爲壯。志愧銀鬢，依依折柳枝。

附馮君仲翔原詩

百一樓頭語十年，所思最難邊。塞地重與故人期，藏劍心猶苦據鞍。事可爲明朝，山岳隔萬里，寄南枝。

十日江蘇同鄉季君子峯來談，並言昨日江蘇安徽同鄉會開會，已定明日下午四時，開歡迎會，約余早到，余敬謝不敢當，少頃別去。往歐亞航空公司，訪黃君賢俊，時尙高臥未起，留函而行，即往臯蘭縣政府，訪子明縣長，縱談久之，即由陳君漢卿導往教育局，訪陳局長，久候未到，陳君偕余先往縣政府，附設小學校參觀。

縣政府附設小學校，校長牟秀鶴女士，山東人，北平大學畢業，教員柴宋兩君，均籍甘肅，學生一二複式三四複式，共八十餘人，經費每月一百零四元，校長薪三十元，教員一、二十五元，一、二十元，校工一人，十元，其餘爲雜費及校用，教科書爲中華課本，校訓堅苦自立，真實不欺，每日上課，上午四時，下午二時，共六小時，對於獎懲力面，以名譽獎勵，發表于文字，有過則記之，小事則訓斥之。臯蘭縣立第一高等小學校，地址曹家廳，校長朱紫秀，教員十一人，朱校長未晤，晤周勇如、陳海葦、顏小園等，導觀各教室，學生高小預

備班一級。高小二年級四級。初級四級。學生共二百三十九人。教科書用世界書局新課程標準各科教科書。經費每月四百四十元。對于訓育方面。校訓爲弘毅二字。每星期四在晨會時。校長有訓話。蓋憑各教員指定報告本週學生有無過失。以爲校長訓話資料之用。星期一有紀念週。有訓話。有壁報。半月刊。清潔檢查表。講演會。成績表等。每星期開閱書談話會。學生報告心得。教員批評。此爲三年級起。至高小二年級止。又星期六開學藝會。則爲初一二二年級也。是日所觀初二王教員教常識。初一顧教員教公民。初四顧教員教國語。(試讀)初三蕭教員教國語。(通讀)高一預備班。周教員教國語。(生字註釋)高二沈教員教國語。(選文)以初一教授公民時。有一幼生任糾察者。執棍巡視機關。矯正各生怠態。及初四高三兩教室。均教授合法。此校爲臬蘭縣立學校中之佳校。倘各教員再能有各科教訓研究會。聯絡縣立各校。每月開會研究。互相參觀。研究其教訓兩方面。必更有進一步之成績表現者。

縣立女子小學校。校長李巨生。教員六人。訓育高顯明。導觀各教室。學生一百八十四人。初一李女士教社會。初二孫女士教公民訓練。初三四複式編制。趙女士教國語。高一二複式編制。李校長教算學。一年級練習演數。二年級臨時考試。配置得當。其餘教室亦均可。成績室勞作品甚多。各教室佈置整潔。注重體育。新開運動會。有清潔檢查表。勤勉比賽表。各科抽考成績百分比表。學生自治會。有公民市政府。教員有公民訓育研究會。足徵此校表冊完備。訓導有方。竊謂女子教育。倘再能擴充班級。注重家事。將來推廣家事師範。以樹女教之基。則教育普及。自有希望。否則家庭之基礎。不立。社會之教育。總覺徒託空言耳。質之倪縣長。李校長。不知以爲然否。

返寓。午餐後。爲武陳周三君寫扇。錄途中所作詩。及寫詩贈倪君漢波等。無錫同鄉尤葆倫。字紫荊。爲省政府祕書。來寓。卽十七年前。余至西安。尤君任劉省長之副官長。余曾帶一信致尤君。適尤君出差。嗣余被難後。以西秦旅行記寄贈尤君。方知余爲華山二字。誤認搬運子彈。而遭劫于敷水。尤君告余曰。當時搬運子彈者。卽彼奉令出差。向二華間道。取得子彈運省。相差半日耳。前途未知。誤認君爲取子彈來者。致遭劫也。余聞之。爲之愕然。十七年前之生死浩劫。當時以爲無中生有。今日方知一重公案。不過誤認人耳。既而爲之慨然。曰。此余之劫數也。然不如是。余之痛苦未嘗覺悟。何從今更遑論修養耶。尤君久談。復詢及余蘊珊表姊。及東屏夫婦等家事。蓋尤君爲

襄廷表兄之門下。東屏之婦。又爲尤君之堂妹故也。尤君云。張君振海。來言及赴寧夏之木筏。在五日後可開。大約至寧夏須七日或八日。自寧夏至包頭。或乘筏。或乘大車。須以十日爲限。如有汽車則較便。余謝張君之好意。約三日後定行止。少頃。孟君梵殊來。言張君木筏事。又言自寧夏至包頭。此路無把握。不如乘飛機往包。或由寧夏而行。惟行李則不能多帶。須在此想辦法。或付郵。或付汽車。再作商量可也。近日西蘭路。因五日之間。被劫兩汽車。是以西蘭汽車。爲之停頓。行者咸有戒心。是以同人爲余謀。走包走西。進退行止。頗爲躊躇。然頗感同人之爲余策劃也。孟君去。余往電報局應壽君之邀晚餐。座有萬君凌君等。凌君深談西北教育及黨務。並各種政治實業。均有經驗之語。蓋凌君生長于蘭州。前後數十年之甘省民情風俗。政教利弊。均有心得。且約余下鄉。視察黨部所辦之一校。殷殷談話。至可佩也。余允以俟。定赴寧夏與否。而後再定下鄉參觀爲言。

晚返寓。以走包走西兩路。與武倪諸君商之。倪君爲余占文王卦。告以至寧則可。至包恐有水。中損失之虞。蓋元龍有悔。今卦象有龍見。而金剋木。不如走西而較穩。雖經濟方面。須多用少許。而安抵家鄉。途中且有助力。使經濟仍可得相當之象。余問倪君言。甚奇之。於是周君武君力勸余先往寧夏。迨山寧夏返。而同往西安。至於汽車。或聞有不安穩處。恐西蘭路與軍隊中。已有商榷安全保護之辦法也。余則以爲且俟明日與黃主任商之。於是即返室臥。

十一日晨。孟書繁君遣人送來黃龍碑一套。楊漢公先生遣人送來書兩種。新疆葡萄乾一包。覆函謝之。無錫同鄉萬伯英君。名鍾。爲中央所派甘肅禁煙局專員。來談久之而去。魏君振華來談。昔曾隨楊漢公先生到錫參觀者。餐畢。往訪黃賢俊。未遇。即往皋蘭教育局。晤陳局長宗儒。字子珍。詢知皋蘭縣教育行政之概況。教育局中分設二科。科長二人。科員三人。督學二人。書記一人。辦事員一人。全年經費三千一百六十八元。全邑縣教育費。每年收入兩萬四千七百二十五元。支出則職業學校二千七百三十五元。初等教育一萬八千八百二十二元。社會教育一千二百元。收支不敷二千五百餘元。全縣完全小學五校。初等小學六十三校。在四鄉十五校。在城市學生數。高級男生二百餘名。女生六十餘人。初級男生四千五百零二人。女生一百三十餘人。民衆學校四處。余以省立學校及縣立學校均

已參觀。擬參觀私立學校一二處。以供參考。陳子珍局長導余往觀興文社立之興文小學校。

興文小學校校長陳正，字健中，善國畫、山水。教員十七人。學生六百九十五人。全年經費五千元。由興文社担任。由陳校長導觀各教室。以高二習珠算。鄭教員寫數目。學生以算盤練習之。宿舍則高一預備班兩教室。皆習字。初二學生有三字經、幼學論語、孟子等書。據陳校長云：此非正課，乃自修。初一教室寂靜無聲。學生皆肅然坐。無教員。余詢此室教員未到乎。陳校長云：在彼上課畢。方來。此。余曰：豈二部教授乎。陳校長唯唯。余即出。與陳局長分路行。

余往歐亞航空公司訪黃賢俊。定往甯夏之飛機。計往返二百二十九元五角。黃君即電甯夏說明。十三日上午去。十四日下午返。余之決定如此行也。時間較爲經濟。資斧雖較費。然月底必能趕回也。如走包頭。至少須十日。則此間抵甯夏須七日。爲時過久。恐不及于月底趕回故耳。

往皖江同鄉會。應江蘇安徽兩省同鄉之邀也。是日。主賓三席。酒數巡。武進楊繹聞先生。名光熊。鬚眉皓白。年六十七。起立說明本日開會。爲歡迎侯某。歡送胡君之緣由。並請張九如君致辭。余演說四十餘分鐘。胡君抱一演說三十分鐘。余之演說大致說明辦理女子教育之困難。及此次來甘之故。並供獻意見。希望會館房屋。早爲恢復。舊觀。江皖兩省同鄉。應合辦一旅甘學校。俾同鄉子女入學有所。時在座者。有蔡君新吾。章君光庭。許君振陸。尤君紫荊。萬君伯英。吳君扶初。及孟魏。張吳。李許諸君。七點鐘。席散。季子峯邀余與九如。梵殊。伯萍等。至伊棉業指導員辦公處。坐談久之而別。九如送余至寓。余將所借大筆還之。適胡君抱一來談。又見伯萍。伉儷。明晨邀余午餐之。及甘肅省立各校長邀余。明日晚餐之。束。補記日記。卽臥。

十二日晨。李君行之遣人送來禮物四種。却之不恭。覆函謝之。蕭君椒石來談。牛君階平送來教廳行政表冊等。又女子師範教員程晉三。甲後吟草一冊。牛君導余往民教館展覽。先見民衆學校一所。見日間短期班上課。孟鵬雲女士。教授初級兒童國語。施濟教員教授國語。某教員教國語。共三教室。學生一百二十餘人。聞施教員云。夜班有兩班。共六十餘人。日夜任課教員共七人。經費每月一百八十。

元九五折發放。校長卽民教館館長柴若愚。

柴館長導余參觀古物陳列部。前日已在此參觀過一部分。今來繼續參觀。應志者如左。

隕石一。爲定西東鄉八十里石坪村。于本年五月十七日之夜。有大聲起空中。墮下此石。入土三尺許。爲不規則之三角形。色黑量重。由定西縣董縣長。前日送陳。提梁卣二。標題誤寫瑚璉。特磨標題。誤寫特琴。寶塔虫化石。前日誤寫之標題。已揭去。余又與柴館長言之。周彝一。古磁枕一。周卣二。均有價值。敦煌石室藏經兩卷。均爲藏文。以木筆寫之者。此爲不多見之物。可珍也。

往前殿觀莊嚴寺三絕。蓋館址爲唐莊嚴寺。有三絕。一爲畫。絕爲吳道子所畫觀音像于壁。雖已剝落。其半僅存。上半截然。態度端莊。衣褶細疊。紗縠綺紋。臨風生動。神采飛顯。經久如生。真希世之珍也。一爲塑。絕正殿有大佛三尊。衣褶與平常不同。立像七。其尤佳者。中間坐佛之旁。之兩立像也。均爲傾斜狀。左像爲一手掩衣。一手向東。上身向前。面部骨格。皮膚生動極矣。右像爲兩手合掌上。身向前。面部慈善。神氣靜穆。是真唐塑也。東南數省。無此雕塑。可爲妙絕。一爲寫。絕大殿中間一豎額。曰勅大莊嚴禪院六字。爲元代李浦元所書。絕似顏魯公筆。字體遒勁。逼真。魯公大字三筆。尤爲有千鈞之力。惟李浦元何地人。待考。

觀閱覽部。有圖書二千餘種。雜誌四十餘種。報紙七種。閱覽之人數不多。出閱覽部。兩旁廂屋。爲民衆茶園。及民衆娛樂處等。

午前。往航空公司。購航空票。寧夏往回。共二百二十九元五角。蓋單程則七折半。一百二十七元五角。回程則一百零二元耳。

午正。往浙江會館。應魏君伯萃及許生璣之邀。午餐。座客有郵務長福建李進祿。會計長鎮江許華臣。處長上海王致中。三君均携其夫人同來。是日肴饌甚佳。余亦酒興甚豪。故略飲數杯。互相勸勉。不多飲也。

午後。返寓。爲朱一民主席。指畫竹一枝。又寫致校中家中信各一。正在緘封。教育會各校長。又來催請晚餐矣。乃往教育會。晤水校長。及各校校長。水廳長亦在座。晤談一切。興頗豪。

晚接九如來函。謂朱主席約余往談。卽先往權運局。爲九如畫竹石。又往朱主席公館。縱談久之。卽返。是日朱主席詢余參觀各校之

感想。余略述所見五條、一、甘肅學院。經費甚多。而學生少。二、師範教育。小學教育。須設研究會。三、職業教育。須多實習。四、社會教育。須研究民衆心理。五、整理私立小學。

第七章 自蘭飛寧

十三日晨起。盥漱。略飲餅乾。即收拾行李。寄存旅館。凌君子唯。送來朱拓黃龍碑。及涇州西王母廟頌。兩種。感謝厚贈。暢談久之。歐亞航空公司。黃君來電話。謂即刻以汽車來也。少頃。八點五十分鐘。黃君以汽車來。即上車。凌君送余。揮手別去。即至拱星墩飛機場。是日適朱財政廳長。由南京來。故財廳職員。在機場迎接者甚多。晤胡君李君等。有一少年。趨余前而問曰。侯先生識我乎。余愕然不知所答。詢之。知爲江陰章琴若先生之孫。慰農之姪。幼琴之子。名炎唐者。服務機場年餘矣。昔在哈密一年。今來此三月耳。即讓余入其室中。坐談。黃君因余未食。即請余食麵一碗。少頃。飛機至。汪君爲我。磅重一百四十一磅。黃君章君。導余上飛機。坐在靠前一排。且靠窗之座。既可備向外觀風景。又有椅背可靠。稍能安逸。霎時間。飛機起。盤旋數匝。即上升霄漢矣。前次余赴青海時所乘之機。爲三號。今日所乘之機。爲一號。前次平穩。今日顛簸。同航之人。爲張君振海。及電局張君。又有馬旅長之夫人。及女孩一。男孩一。行十數分鐘。頗覺顛蕩。小孩有吐者。電局張君亦吐。行一點多鐘。張君振海亦吐。余則尙安。蓋今日天氣不佳。故行數里。即爲空氣稀薄。不足以托住機身。即向下沉。空氣濃厚。則機身上浮。人坐之。即舒暢。余得二詩如左。

兩度飛航入太空。者番氣壓不相同。俯觀萬壑雲皆白。仰視九霄日麗紅。風盪機聲狂且巨。霧迷路線曲能通。最憐鄰座小兒女。保抱昏糊嘔吐。

屈指蘭寧八百里。行行閱盡莽山河。萬千氣象當前現。幾許征途瞬息過。立志高翔任艱險。及時努力莫蹉跎。比肩漢使乘槎去。擴我心胸。星宿羅。

余在飛機所見。與前次赴青不同者。一、氣壓之稀薄。飛機時時波盪。二、俯視山川田舍外。凡見沙漠兩三處。一片平沙。惟有駱駝驛馬之

蹄跡。及車轍之痕。而行路之人。究竟稀少。三。如見高山。機必昇高。山既過。機又下沉。故得一詩。平沙百里眼前過。車轍蹄痕肩轂摩。遙指賀蘭山已到。朔方邊策究如何。

第八章 寧夏

十三日十點鐘到寧夏。停於飛機場。客皆去。然後晤陸君斌於汽車中。即將介紹片與之。與略談。卽至廣播電台休憩。四點鐘到城。陸君以汽車送余至中山公園教育廳。適童耀華廳長他往。陳祕書亦他往。卽由王君蒙森招待之。談悉全省教育經費。爲省教育經費十二萬六千三百四十八元。又鹽款附稅補助各費。十九萬四千九百二十五元。統合省及地方兩項。共四十萬零三千七百八十五元六角。教育廳之組織。廳長下設祕書二人。（惟今祇有祕書主任一人）科員一人。一科二科三科科長各一人。主任六人。科員七人。督學二人。小學指導員三人。教廳行政費。每年三萬二千三百四十元。寧夏之分縣。十寧夏。寧朔。平羅。中衛。金積。靈武。鹽池。豫旺。磴石。而以寧夏朔平中衛靈武四縣。最爲繁盛。以豫旺磴石二縣。最爲枯瘠。人民不滿千戶耳。晤寧夏省立中學校長孫儉。談悉中學教員二十四人。高中學生兩班。三十餘人。初中學生三班。一百六十餘人。學生不但不收學費。每月津貼五元。又有獎學金。甲種十元。次亦六元。惟每班以六人爲限。初中有獎學金。而無津貼。全校書籍。發給學生者。年須一千餘元。訓育方面。教導處主任一人。導師五人。軍訓教官二人。注重中等教育。須養成職業技能。故以勞作尤爲注意。

途遇陳祕書頤慶（字養蒙）江蘇同鄉也。言及昔在江蘇讀書中學時。卽曾見余視察中學。故認識之。卽同往中學。晤雷啓霖主任。談悉高中一年三年學生。共三十五人。初中一年二年三年學生。共一百三十五人。內有女生七人。學生興趣。偏於文學。訓育實施。則星三有級會及級任訓話。星六有全體訓話。參觀一周。宿舍自修室在一起。教室正課已畢。有學生課外習圖畫及音樂。課外有音樂教員在教室中指導之。

省立師範學校。校長徐宗孺。不在校中。晤教導主任黃振華。及級任導師。先談悉簡易師範兩班。一年二年男生八十餘人。全體寄宿女

生六人均通學。教員十五人。訓育方面注重個人訓話。參觀一周。寄宿舍自修室在一起。教室已課罷。圖書館藏書二千餘種。學生閱覽到館閱書者。每日平均四五人。借書者亦四五人。興趣尙濃厚。惟偏於文學小說方面者居多。

寧夏小學教師輪流講習所。所長馬主席鴻達。廳長童耀華。教導主任陳頤慶。講師九人。學員三十四人。均從蘭州招來。每月津貼六元。預備秋季即派往各縣。担任小學教師。將原有小學教師。調回訓練。以五十人爲額。以五月爲畢業期。如此輪流辦法。以全省小學教師。訓練完畢爲限。今經費暫從預借費項下支用。每月九百四十餘元。將來如何增減。經費或不致溢出。

省立女子中學校。及附屬小學校。女校長唐國楨。事假赴南京。代理校長。由廳派馬科員暫代。內部一切。均由陳鶯喬女士主持。陳女士爲教導主任兼體育教員。對於體育方面。頗爲注重。學生興趣亦濃厚。校中教員十一人。初中一年級十六人。二年級六人。共二十二。小學一百七十八。高初完全。參觀一周。學生正在課後灑掃服務。頗見勤勉。成績品有刺繡及洋線手工。

寧夏省立中阿學校。校長馬主席鴻達。教導主任蘇盛華。此校自去年九月一號開辦。教員張振先等十三人。軍訓主任一人。學生中學四十人。高初小一百二十二。人。所授各課。除普通科外。加阿文。每週十時。惟以圖畫手工鐘點。略減少教授時間。以補充之。校舍暫借清真寺爲之。參觀一週。學生宿舍清潔整齊。禮法規則。均非常嚴重。見客來一律垂手站立。必俟客過方罷。入寢室參觀時。尤見莊重。且有隊長高聲報告人數及狀況。蘇主任復爲余述及此校之宗旨。及馬主席所以辦此學校之經過。

蘇君云。馬主席以昔日所辦小學。其名詞上多冠以清真二字。以爲狹義。深爲不然。彼意宗教應守。學校宜辦。須從廣義解釋。中華民族之復興。在教育人民。認識國體。培養通才。以鞏固邊防。融會漢回感情。開發西北生產。愛人救國。闡揚教義。實現慈善爲旨。此廣義之說也。今之校舍。暫借清真寺爲之。新校舍已勘就地址。預備建築矣。並視以中阿學校之宗旨一條。以造就中阿並重。才德兼優之人才。溝通漢回文化。融會救國救民之義。第一鞏固邊防。開發西北。闡揚教旨。復興中國爲宗旨。本校經費。由第十五路軍馬軍長處支領。又視余馬軍長手製民族歌。普慈歌。自衛歌。及中阿學校朝會問答等。殊可佩也。

陳祕書邀余至興化街同福居晚餐。並電童廳長來。少頃耀華廳長來。晤談。悉寧夏教育概況。經費不多。事業不能不辦。風氣不開。教育不能不興。

寧夏圖書館。新成立館舍。規模尙可觀。惟圖書館尙不多。正須購置。民教館在籌辦中。閱書報所。原有數處。今增民教夜校數所。

飯罷。同乘馬車往童廳長寓。暢談久之。並囑余回江蘇後。調查揚州生產學校。有無畢業生。或技師。擬請一人來此。蓋此間能做醋而不能做醬油。而黃豆材料甚多。所以改良醬油。製造醬菜。爲食用之料。有必需之可能。余允以回去調查後。當報告也。晚十時。至舊糧米市街。永興西號。晤張子久先生。謂無錫霍先生。早有信來。待之久矣。因相與談話久之。余詢及寧夏出產。張君云。昔以皮毛爲大宗。糧食綢布次之。繼而洋廣京雜。各貨兼理。今則西安既通火車。此間貨物。自包頭到此爲止。因蘭州直接往陝豫。可不到寧夏。所以寧夏祇通包頭一路。貨源大減。銷路日滯。余又詢及寧夏鑛產。張君云。賀蘭山有鑛煤兩種。一乾煤。一煤。均無煙煤也。又有紫砂硯石。且有翠色。及各種花葉者。余初疑爲化石。繼而張君視我一硯。甚佳。且云。此處硯店甚多。可往購之。於是遣店中學徒。往某店取數硯來。硯店之夥。送來硯兩方。一索價十五元。一索價二十元。余非玩硯者。乃採賀蘭之岩石。作標本耳。硯夥謂尙須選有翠色之石。可以琢成硯之石料。送一兩塊來。視之可乎。余答以可。少頃去而復來。袖圍胚硯石未琢磨者二。指謂此石非四元不可。此石非兩元不可。余笑謝之。張君亦謂明日清晨再看。硯夥去。余與張君談次。卽往客房休息。時已十一時矣。

是晚余得詩一首。翌日晨復得一首。

賀蘭山

賀蘭山脈自西來。形若駿馬絕塵埃。蜿蜒向東數百里。彷彿驪騮道路開。山高五千一百有餘尺。嶺頂六月常堆雪。風景高寒勒馬看。籬邊孰果籌良策。東顧黃河自北趨。西套蒙古古。夏西山南盟旗民。風樸漢回教育須。驅齊自古邊圍征戰地。清山紫塞狼烟起。迄今改省固邊隅。草肥馬嘯斜。裏開道津門警信傳。不教游牧渡銀川。天然地勢峯巒峻。左絕長城右倚綏。察屏障寧夏衛中權。

夜宿舊糧米市永興西張君子久客室張君贈我古硯賦此謝之

太原長袖舞銀川。分譽吾鄉惠麓塵。一紙書携企高誼。九邊寒重聳吟肩。夜深研討賀蘭石。價重評商古漢甄。紫硯翠花雕鏤細。感承貽我寶瑚璉。

十四日晨五時半起。余於店中得荷蘭山之無烟煤兩小塊。以爲標本。張君子久以紙裹古硯一方贈余。故答謝以詩。此硯爲張君舊藏。有翠花鏤竹葉及守宮可寶也。

剪處長來略談即去。陳祕書來述及寧夏教廳組織兩委員會。(一)生產教育設計委員會。已組織成立。委員十餘人。均遠近負盛譽者。豫備辦理生產教育事業。(二)鄉村教育建設委員會。正在組織中。因鄉村有阻礙之人。故組織此種委員會。以聯絡之。擬下半年起。每一鄉村設立一校。陳祕書以六點鐘。須往省府總辦公廳辦事。故略坐即去。

第九章 自寧飛蘭

十四日七點鐘。張君子久。邀余早餐。未畢。陸君斌。以汽車來接。尚有潘君茂蓀。同來。催余上車。余即收拾皮包。食米飯一碗。取饅一個。勿別張君等而行。

既上車。駛至廣播電台。即航空公司辦事處。時尙早。略休憩。將乘機手續辦就。(磅重及簽字等)適有接客者多人至。余方以一時半之暇。故即在電報室之空桌。補記昨晚之記。陸君命沈君讓余至沈君臥室作事。以避他人之擾也。余謝之。沈君臥室。頗靜。余則據案補記日記。約半小時。陸君入室。謂昨晚不及招待到敝寓。住殊爲抱歉。蓋陸君之夫人章女士。浙人。曾帶學生至無錫參觀。寄宿吾競校。而識余者。陸君故云然也。陸君字允吾。其夫人名素吾。陸君與余談。悉余之游歷。到處喜探標本。故擬爲余採集寧夏藥材。及皮毛等。作標本。隨後寄錫。余深致感謝。又有公司中張君贈我寧夏之繭。及小桑葉標本。謂寧夏宜蠶桑也。陸君潘君又贈余寧夏省銀行一元鈔票。及角票。並銅元票。均不兌現紙幣也。時價以大洋一元。可換寧夏省銀行票一元六角云。

時童廳長有電話來，謂不及送行。又馮廳長電話來，問余已到飛機場否。當時余不知爲何人也。迨半小時後，忽來一人握手道久別。余恍然爲澄園主人馮鼎臣先生也。馮先生爲十五年前，任大同縣長。卽來錫聘，請吾競校畢業生中和、寶瑾、舜欽、峻德等，往大同任女師教員。及女高小教員者。余在民十年，游大同、渾源、恆山時，曾與馮先生第二次晤談。此十五年中，僅於三年前，通一長函。今日驟然相見，覺丰姿似較昔稍減。余正不知其在此任民政廳長也。如早知之，昨晚必訪晤之矣。馮先生云：今晨到省公署，聞童廳長言之。前數日見蘭州報載先生到蘭。吾料先生必到寧夏。孰知如是之速來而速去耶。今晨已將先生之略史告馬主席。主席頗欲留先生一星期後行。不知能否挽留。余以一切手續已經辦齊，且以時間不許我矣。雖然，多年不見，一旦相晤，不可以無詩。聊道契闊，談話半小時。馮先生卽送余至飛機場。余口占一詩以贈之。

十五年來一刹那，銀川相遇快如何。夷門蹤跡新知少，大樹丰姿舊感多。惠麓泉聲待評飲，賀蘭山色慨蹉跎。倘教他日東南去，尙望停驂一放歌。

馮先生謂片時會晤，固亦緣也。然胸中萬千言語，無從說起。但競校如何，頗爲繫念。如有畢業女生，能西北來者，仍希函知。因此間需才孔亟，物色女教員，尤爲困難。故主席囑爲代延訂也。少頃，包頭飛機已到。又隔二十分鐘，卽別馮先生及陸君等而行。

是日，同乘飛機者，有廣西桂林廖君井芝，及甘人吳姓，與余共三人耳。廖君詢及無錫昔年游宦于甘省者，有嚴紫卿先生及秦某，余告以紫卿先生下世多年，秦某則不知也。

今日聞馮澄園先生云：競校校友葛舜欽，去年春客死北平。伊夫蔣樸庵，今已與人訂婚矣。爲之慨然。馮先生貽我以最近詩稿兩紙，一贈暨大考察團，一端陽感事詩四首。余讀之頗有所感。

此次飛機較昨日所乘爲平穩。蓋天氣尙佳也。約行百數十里，在二十分鐘後，卽見平沙一片，茫茫無根。機亦平穩。余在玻窗中望之，遠山如繪，淺水旁流。中間沙漠，漸見由低而高。片刻間，卽已過去。許多小山如培塿然，平鋪地面。未見高低漸隱。隱隱過去，又見綠田方格。

紅砂羣岩突現於前。約半小時。則見白雲從機下冉冉而飛。飛機在白雲之上。平削而過。少頃。又見大山在前。機即頓覺昇高。過此大山後。不覺下沉。頭稍眩暈。而吳姓者。則以嘔吐袋掩口而吐矣。廖君尙凝止。然面色亦變爲蒼白。而余則安然也。此時不覺詩興勃發。得詩一首。

續航空歌

扶搖直上穩且平。平視田廬城郭轡不驚。耳邊汹涌如雷震。頃刻江河之水騰洪聲。平沙茫茫俯眼底。遙山如帶淡遠橫。飛航平穩有如此。流覽天空風景四清明。須臾沙盡衆山起。白雲冉冉咸從足。下生忽聞機聲向高度。宛然雪浪奔濤入耳鳴。知有大山阻前進。忽高忽下。剎那環境更同伴。心驚面改色。我且高歌擊楫好句成。

午後一時半。到蘭州。在將到蘭州時。飛機一側。忽見右邊平田斜如懸簾。余頗奇之。左方一顧。則千尺之山。低如邱陵。瞬息間。高削天空。而飛機則旋繞平地。機輪軋塵土。四飛中已安穩停止矣。此亦一異境也。

飛機安抵蘭州得短歌一首

左傾右側平地高。東瞻西顧氣象豪。邱陵忽向天空峻。雷震風狂水聲滔。瞬息天空八百里。朝飛亭午止蘭皋。

晤黃賢俊君、章炎唐君、及汪君等。下機往章君室內。休憩半小時。即偕黃君汪君廖君等。乘汽車行。仍寓江蘇旅館。晤武周陳倪諸君。皆曰。飛來飛去。抑何捷耶。於是略食點心。人覺疲倦。休息片時。乃補記日記。寫至長安翁侯兩處之信。是日大雨。氣候頗涼。晚偕武周陳三君出外晚餐。返即臥。

十五日晨起。覺涼甚。體溫減。擁衾臥。久之乃起。飲食不食。僅飲牛奶一杯。餅乾兩塊。又臥。又久之。始起。時已十時。勉爲打起精神。自憤自勵。今日胡爲者。嗣見武君謂今日天氣較冷。擬用棉。然則內感外感。相逼而來故也。且咽喉覺癢。忽咳嗽甚。即以篋中所帶川貝丸及雪梨服之。嗽止。覺精神上稍好。又休息久之。乃大愈。得句云。忽覺病魔至。得無天氣寒。磨將心火熱。療却病千端。

西北漫遊記
卷二

西北漫遊記卷三

第一章 三抵皋蘭

十六日晨往教育廳、適水廳長他往，未晤，往郵政管理局，訪魏伯華，略詢寄包裹及書籍等法。訪王君致中、許君華臣、李君進祿等，略談即行。返寓，偕武周諸君，出門午餐，餐後，往訪無錫同鄉張裕生，適返錫，見裕生夫人，略談，知有女名蘭英者，曾在競志小學讀書，故還詢校況，余見其意頗摯，乃約略言之。返寓，蕭科長來，偕余往訪張委員維，未遇，乃往東關外，訪喇委員世駿，晤談久之，即別。喇委員，舊學甚有淵源，識見宏通，幼農先生取友之端，於茲可見矣。又訪張委員維，維於甘肅通志館，久談，即出，往金城旅社，應武君等邀，陪孟君等於北平飯店，晚餐，餐罷，即返寓，凌子唯君來，約後日往崔家崖參觀小學及女學。是晚，余頗疲倦，即早臥。

十七日晨，魏君伯華、偕許璣同來，約余往游小西湖，謂車已駕矣，即行，出西關三四里，至小西湖，面積甚大，惜蘆葦遍湖，並無蓮，水亦乾涸。惟湖濱前後，橋坊亭閣，以及陶公模之祠宇，陸公祠等，風景均佳。楊柳殊多，搖曳點綴于塔旁，別有瀟灑出塵之概。且因氣候關係，此間柳葉舒嫩，楊枝舞風，又似初春天氣。有金大同撰蓮花池記，孫國棟書。又有小西湖記，為魏午莊任甘藩時所撰，載有惠風素風之亭，月池檻，來青閣，獅跑泉，以及藕舫螺亭，臨池仙館，柳浪聞鶯，釣灘等，攬勝之所。迄今時移世易，僅有十之二三。雖經後人點綴，宛在亭，得月樓等，又有新建樂之亭閣，而大半已非舊構。其或名存實非，今昔殊形矣。有同生火柴廠，附設于此。余與魏君伉儷，亦往參觀焉。

甘肅商辦同生火柴公司經理王言卿（甘肅學院高中學生王士彬之父）民國二十年創辦，集股六萬元，四年以來，出貨雖多，銷路亦不甚惡。惟近因道路交通較便，外貨輸入，銷路漸滯，是以股東有抽資退股者三分之一。全廠大小工人二百餘人，每人工資，每天一角二三角不等。所用材料，以白楊蒸煮切片為盒，鋤片為桿。其藥粉則以硫黃、黃磷、蚌粉、樹膠為之。此為黃色火柴。用硫酸、鹽酸、加里、鉛華粉、白蠟者，則為白色火柴。如用赤磷、硫黃、鹽酸、加利、樹膠、鉛粉等為之者，即為黑色火柴。每天出貨，小包兩千包，銷路每天約二百

四十小包。裝一箱。售銀十七元。(每包十盒爲小包。每包十二盒爲大包。)十箱二千四百包。平均每天售銀不滿二百元。所以利息不多。政府本定三年不抽稅。今已滿期。朱主席以提倡省貨爲前提。現已批准延長免稅期一年。經常用款須兩萬元。售出平均四萬元。合本二萬元。則出入相抵。無利可言也。觀工場及蒸蒸日上。切片切桿。作盒及作排列火柴桿。藥藥等種種手續。覺幼女八九歲者。作工勤快。年老者遲緩。工場一周。觀畢即行。

往黃河橋。白塔山。游覽一周。知當時左文襄建議而未成。迄升允督甘時。經始於光緒三十三年二月。至宣統元年六月。工竣。橋長七十丈。寬二丈八尺。橋下架四墩。計工銀十六萬五千兩。又雜費運費十四萬兩零。共三十萬五千餘兩。此橋工之堅。工程之大。足令後人便利。殊功也。過橋有一小市集。在山麓。山有一白塔。故名。

往浙江會館。魏君處。午餐。晤四川王君。談話久之。見會館中一碑。爲浙江張勤果公。所撰書。有跋語。其銘文爲篆者曰。天山三十有二。盤伐石棚。木樹扶蘭。誰其化險夷之安。嵩武上將。唯桓桓利有攸往。萬口歎。密靖。銘石字。龍蟠。戕毋扼。損毋鑽。刊光緒二年四月。刊讀此。知天山三十二盤。勤果所銘也。返寓。略休息。即往樂羣書局。訪顯澤先生。談楊先生寫贈小幅。有詩二首。余即步其原韻和之。余亦寫贈兩首。均錄左。

寫贈楊顯澤

色。既。是。空。欲。更。空。還。防。空。隙。自。生。風。倘。能。事。事。有。朝。氣。不。負。朝。陽。一。點。紅。

人。生。甲。子。幾。春。秋。大。錯。已。成。鑄。九。州。驟。兩。狂。聽。迅。雷。下。還。應。努。進。濟。同。舟。

小。別。曾。經。十。五。年。此。間。握。晤。更。欣。然。五。千。里。外。縱。談。處。痛。苦。千。端。覺。悟。先。

甘。寧。青。海。遍。游。還。勒。馬。天。山。叩。玉。關。揮。手。須。臾。又。將。別。邊。隅。春。氣。佛。心。刊。

是晚張九如邀往權運局晚餐。大烹羊肉。座客十一人。此種羊肉。名手抓羊肉。蓋始自番人所食者。故名。余本擬明日即行。嗣因武君等

勸余待今晚涂君來。即可與陳周諸君同行也。因往汽車站調查近日開車狀況。知因前數車汽車被劫。故已改辦法。逢雙日開。單日不開。開必二三車同行。有武裝八人。壓道車一乘。同行。是以途中甚安靖也。

十八日晨。凌君子唯來。偕余與季君子峰。同乘轎車。下鄉參觀黨部所辦之小學數所。行二十里。至崔家厓。先至一校。是日相傳朱主席下鄉視察保甲。故保甲長及各學校校長均在此校中。詢悉此爲省黨部整委會設立。名崔家厓民衆學校。此爲本校名爲民衆。實則簡易小學。校長王曉蘭。善繪山水花卉。見高級一年級。程道源教員（朝大畢業）講授公文程式條例。舉例詳明。朱厚菴教員（平涼中學畢業）教初小三四年級。講保甲規約。崔積達教員。教初小一二年級。一公民。二三國語。詢其幾級。曰一二年級。詢其讀第五冊者。是否三年級。曰非三年。亦二年也。

凌君偕余往崔家厓女子小學校。見王曉蘭校長。自教國語。板書生字。問答之。又見王文英女士。教讀國語。範讀及試讀合讀。此校成績甚佳。有崔秀蘭。崔秀珍。日記寫字均佳。凌君囑王校長邀集本校分校教員六七人來談話。要余講辦理小學校之方法。余諾之。少頃。各小學教員七八人來談話。余爲之解釋。單級。多級。單式。複式。教授不同之點。及學校行政。教學。訓護。各種應注意之點。約一點半鐘而止。午餐往王曉蘭家中。一坑甚大。午餐即在坑上圍食之。麵飯菜蔬甚佳。蓋凌君豫購罐頭食物等。囑王君作麵食餉客也。

凌君對於黨部之常務工作。既從事勤奮。對於小學教育。尤爲熱心。且欲辦理師範。以造就師資。用心殊苦。惟籌款尙未一定耳。現聞各縣黨部均辦有小學。合計全省有一百八十餘處。此爲各省黨部工作之希有者。

午餐後。王君導余游崔家厓廟。有三十八廟之名。余登高至十二廟。足力覺疲。卽未登山頂。黃河奔騰。卽在眼底。漢武帝時。所築邊牆。卽在崔家厓之黃河沿岸。遺迹尙存。綿延數里之遙。土牆瓦礫。零落不堪矣。漢築邊牆。昔年所以防匈奴者。胡馬不敢牧黃流。固一世之雄也。余今登臨弔古。得詩二首。

荒原零落古邊牆。猶自撐持向夕陽。想見當年皇漢績。不教胡馬牧河黃。

崔家厓上登高望。滾滾黃流萬馬奔。指點沙場斜照裏。有無漢將血留痕。

晚歸季君子峰。邀往晚餐。遇甘肅朱元明。會寧人。南京政治學校畢業。省立氣象測候所所長也。約余往所參觀。余諾之。約明後日往觀。是日在城隍廟國貨陳列所參觀。見鑛產部之名稱。誤者甚多。此為建設廳所設。所徵集之各物甚多。以皮毛絨織物五穀類為大宗。鑛產則岩石鑛石共二百餘種。以石英、石灰岩、抱子岩、煤炭、銅、錫、金沙等為較多。

靖遠有煤鐵銅砂等礦。聞又有瓷泥。可製磁器。惟太粗。須改良。甘省磁器有三處。一靖遠。一天水。一岷縣。煤鐵銅金沙均有。以今日所見鑛產部所陳列者。雖不完全。然亦足徵甘肅鑛產之一斑矣。

聞李君云。靈臺縣有新建靈臺。在落成之時。有二白雀飛翔于孔廟柏樹之頂。即牽二鹿于臺下。攝一影。攝影畢。二鶴飛去。此影現在季君處。余見之。深以為奇。靈臺一縣。有二百六十餘村。村與村相距約十里八里。每村均有一校。是皆靈臺縣長之提倡也。

季君能以口啣筆。寫聯字。因季君索余指畫。余本以前日豫備。諸同鄉指畫竹石。乃不虞右手食指。為箱上鉄皮所破。流血至十餘分鐘。至今三日尙未愈也。故諸同鄉之索畫者。絡繹不絕。今皆不免擱置矣。俟明日指上斑痕倘愈。急欲還此指債也。指破血流。不克指畫竹石。得詩一首。以謝江蘇諸同鄉。

向憑食指為書畫。聊博同人游戲觀。不料天公方作劇。偏教流血笑相看。

是日。喇委員世駿。張委員維。楊先生顯澤。均來寓。適余未返。故未晤。楊先生留信約余明日晚餐。杜君自西安來。相見甚歡。一兩日內。可偕武君等同行矣。

十九日晨。李君行之來。以昨日楊先生來而未晤。故特約李君來邀晚餐也。余諾之。有馬作才者。省師畢業生。今任附小教員。奉派赴錫留學教育學院農報科。擬于七月中赴錫。今特來訪問無錫生活程度之高低。蘭錫道路之遠近。以及江蘇農事教育之種種。余一一答之。

魏君伯萍來，余託其寄往無錫之包裹，及書籍等數件。張君橫秋，名維，遣人送來隴右方志錄一冊。集省郡縣志及雜古今志二百九十二部，考正其錯誤，此甚有價值之書也。

偕武周陳諸君午餐，午後往教廳，水廳長不在廳中，晤蕭科長，略談即出，往貫院巷樂善書局訪楊顯澤先生。楊先生贈余詩六首，偕李行之、魏振華三人作東道，邀余至名勝園晚餐，座客有王子豐、高德生、兩君，均楊先生之門下。且與江蘇教育有關係者，余即席用楊先生之原韻和詩四章。

一室春風氣自融，縱談佛理相同蓮花池。上敢輕覲獨步讓君我，且東。

游戲塵寰上酒樓，師生友誼互徵求。眼前最是天真處，孺子持篙駕小舟。指楊先生之孫在席間活潑潑地而言。

快樂須從痛苦來，幾多覺悟筆花開。白蓮花放何時謝，日有登臺日下臺。

匈奴未滅敢爲家，錦繡山河忍自誇。消極萬端重積極，誓將國恥洗中華。

往王君致中寓略談，見其夫人及子女，謂暑假期中擬送其女回錫，至競志初中二年級讀書云。

返寓，知水廳長來，坐待半時而去。又知壽天章局長來，武君與之談久而去。於是余偕武君往訪壽君，視余以燉煌石室寫經，囑余辨其真僞。余一見即曰：真者。所寫之經爲佛說佛經名第十六卷之全卷。壽君得之于蘭州鄉人之手，以四十元購之者，計長三丈五寸，凡七百行。以余觀之，硬黃紙，烏絲格，如此珍品，千金不易也。壽君囑余爲之跋，諾之。又囑余寫扇頭，乃口占一律以贈。壽君囑余寫于扇頭。

贈松江同鄉壽天章

剪燭金城作夜談，幾多風物憶江南。來時楊柳歌三月，觸處桃花水一潭。舊雨忽逢雲獨步，藍田欣覩玉雙酣。征途從此抒情慳，掣電流光珍重堪。

二十日晨，子峰來，同往東關外參觀甘肅省立測候所，所長朱允明字公生，經費開辦二千五百元，經常每年六千一百六十八元，所員

五人觀象臺正在建築中。儀器研究室及氣象園設備方面已有者。自記雨量計、自記氣壓計、自記溫度計、日照計、水銀氣壓計、蒸發表、地溫表、草溫表、最高最低溫度表、乾溼球溫度表、自記濕度表、自記風向風方計等。

張所長與所員借筆硯索書。余應酬二聯、四小幅、二屏條、小單條等。有一詩留贈所員。秦化行爲允明所長及余與季君攝一影。往教育廳談甘肅教育過去現在將來之三時代。其詳見下章。

往子峰處約午餐。有子唯堯、夔二君同座。餐後爲季倪凌三君指畫竹石。又爲水楚琴廳長、壽天章局長、孟梵殊科長指畫各條幅。子峰更爲余口占書聯一幅。中堂一幅。子峰贈我曹子建所書之石窟寺碑及靈臺考、靈臺記等碑帖三種。詩集一部。

贈朱允明

驅車出東郭。氣象向清晨。測候風雲幻。經營日月新。築臺成六角。昂首仰三辰。片刻留鴻爪。他年影認真。

贈季子峰

口嚼大筆淋漓處。絕技真教冠古今。笑煞夷門彈指墨。痕留鴻爪愧予心。

偕武周陳涂四君往顏家溝。應楚琴廳長之邀。晚餐在煦園中遊覽一周。亭臺橋梁池沼花圃草木門豔桃李成陰。風景殊佳。余得詩云。小小園林自在身。煦和氣候一堂春。顏家溝畔訪遺跡。陋巷清風樂性真。

晚返寓。同鄉何世英、夢華來寓索畫。並送紙。余以指爲箱上鐵皮所傷。痛甚。不可繪畫。帶歸再寄可也。

往魏伯萃處。託其寄包裹及書帖於錫。又往縣政府倪子明縣長處辭行。返寓。又託魏君寄包裹。因天氣漸熱。故將棉袍等均付郵回。錫也。

壽君天章來索畫一紙。並爲余攝影。以留紀念。萬君幼璞來索畫。在武君處久談。並託武君到西安爲彼購紙。轉託余指畫寄蘭。壽君遣人送來木箱一個。內裝俄磁茶壺一個。卽昨晚欲送余兩個者。今因裝置不便。故僅裝一個。余覆函謝之。

今晚收拾一切，結束蘭州之游，得詩一首。
慨予兩月漫游，三度皋蘭，感不禁。青海驢，興采民俗，厓羊筏，聽濤音。一天風，雨山河，淚萬里，襟懷鐵石心。我欲北行，偏有阻，故都遙望暮雲深。

第二章 甘省教育之概況

余自來甘肅，參觀各校，及所記載，已如前卷所言。此次將離蘭州，水楚琴廳長約余談話如左。

一甘省教育過去之沿革。在前清光緒二十九年，始由楊增新奉省令派赴日本考察教育，聘請日人開辦高等學堂。設備方面，購備儀器標本等，頗能敷用。又辦優級師範及師範館等。又於三十一年，設立蘭州中學（二十三年提學使時代，各縣設立小學校，當時經費概由官費支用，每設一校，動輒數萬元，數千元不等）。迨民國八年，始定全省教育經費，有八萬元之譜。民國十年，纔有二十萬元之預算。民國十四年，有三十萬以上之預算。民國二十年，有五十萬元之預算。收入之欸，在民元全省收入，僅有二百幾十萬元。民十以後，纔有省收入六百萬元。民二十以後，有八百萬元之譜。由此觀之，省教育經費，占百分之七耳。

論全省教育，最爲發達之區，以狄道教育。在前清爲開辦最早。全縣小學，統計有三百校之譜。蓋狄道人才，較他縣爲多。且利用荒地，作學田，故地方教育經費，較他縣尤爲充足。其次則天水、靖遠兩縣，亦有二百餘校。

一甘省教育現在之狀況。上年經費，省教育六十二萬元。二十四年度之經費，已有九十餘萬元之預算。實支如何，姑俟年度終了時，再爲統計。今省立學校所在地，除省城設立師範一校、高級中學一校、初中一校、女師一校、職業二校、女職業一校外，平涼設師一、中一女職一、天水設中師合校一、女師一、隴西設師範一校、臨洮（舊名狄道）設師一、中一女職一、涼州設師一、中一、甘州設中學一、地方教育，以臨洮爲最。天水、靖遠、臨潭次之。

一甘省教育未來之希望。依據教部整頓經費標準，擬改進計劃表，應裁減、應改正、應增加等等，以辦理之。對於原有之小學，質的方

面令其改良。對於教育。嚴行檢定。學齡兒童之調查。由保甲調查戶口中。附帶舉行之。

一民衆教育問題。就未籌定經費以前。祇就原有之學校。附設民衆學校。俟既籌定經費以後。擬另聘專家。先造就師資。然後舉辦各種民衆教育事業。最近依照中央所頒義教辦法。實行義教時。即將民教寓於義教之中。同時推動。以求義教與民教之合作。

余既聞楚琴廳長之言後。對於甘省教育。亦有所發表。即前日對於朱主席所陳之意見。大略相似。惟不在教廳範圍以內者。則略之。楚琴廳長深韙余言。附錄于左。

一經費。各校之欠薪。應設法籌定的款。完全發還。以資結束。否則遷延拖欠。不足以資整理。

一設備。以五倍之錢。向上海購一倍之儀器標本。至不經濟。應思設法救濟。此不經濟之辦法有二。1. 請一能製造簡單儀器之教員。教授師範生。為將來任小學教員時。能以廢物利用。自造各種應用儀器。為小學教授之用。且能提起小學生之興趣。2. 請一長於生物學地質學的教員。教授學生。採集標本。熟於解剖動物。認識礦產。譬如在年暑假時。或春假時。校長命學生。於開學時。每人必採集動植物。三類標本。十種或八種。帶來校中陳列。開一假期成績展覽會。以資比賽。由教員評定。選出佳者。定名。註出產地。留校為標本。既可以表示本省天然品之富饒。又可以省去購置大宗標本之費。以資補充。亦無不可。此即可省却購置經費不少矣。

一師範。應注重之教材。欲培植將來為小學造就國民根本知識。全在今日師範生所蘊蓄之觀念。當以認識民族。應如何生存。為最要之教材。是以教材之選擇。為今日重要之點。且以地方氣候風習。有大不相同之處。尤應選擇適當之教材。以應用之。為要。所以鄉土教材。更為小學應用必需之物。故師範教育。似應令師範生。先探查本邑風俗。鄉土產物。地理歷史。民族宗教。種種不同者。編為鄉土教材。以為小學之應用。

一小學。應聯合組織研究會。小學教育之不發達。由於教者之不諳教導法。應聯合組織教導研究會。每星期提出困難問題。互相研究。以求解決。其餘或互相參觀。互相批評。務求適應兒童環境。適合兒童心理。以求解決。真正國民需要之知識。及民族如何生存之實

際。

第三章 自甘返陝

二十一日晨五時起收拾行李赴汽車站。倪君漢波相送至車站。武君購票每人照來時之價二十六元三角五分。行李過磅四人共加八元二角。較來時減去三元。既上車。魏君伯萍許生璣來送行。並携餅饅數種。爲途中充飢之用。受之。萬君幼璞遣人送禮來。倪君堯耕孟君梵殊季君子峯均來送行。友誼鄉情均殊可感。爰口占一律以留別之。

須臾揮手別臯蘭。曲唱陽關柳折殘。鄉誼融和朝旭上。友情高厚白雲端。昨宵別酒襟痕認。他日離懷指墨看。最是依依千里外。餅饅相贈勸加餐。

六時十分鐘始開車。車中之客擁擠。余與武君等四人所購之票爲245號所乘之車。則爲241號。當時已承郭站長許可乘此車者。以機匠李姓及孟君等之說項得坐此車。均謂此車機件佳且快也。繼而爲查票者查出。不允。因原購241號之車客。反乘245號車。不允故也。經幾番交涉。始彼此分乘之。而壓道護車。則分乘兩貨車。當時四車同開。未幾。余車在前。已與後車相距甚遠。乘客均有戒心。頻番回顧。互相詢問。壓道車如何不來。少頃。前車行稍緩。以待後車。約兩小時許。見後車已至。羣相喜且相告曰。後車至矣。行百里至甘草店。過車道嶺。約行百里。俟過紅土窰。羣相告曰。紅土窰過矣。乃前數次之劫車。均在紅土窰前後云。午後四車共行。余車較捷。二十里至華家嶺之山麓。稍休憩。卽上嶺行六十里。抵華家嶺汽車站。投宿來時之舊屋。時已七時半。天將黑。迨至八點半。壓道車抵站。九點半。245號車始至。豈知245車已機器損壞。無從修理。於是乘客皆紛紛下。以待明晨再說。余等最慮者。1635號車。既損壞不能開行。則原有之241號車。客明晨一定須乘241車。而余等必擠下。而乘壓道車之廠車。於是卽由武君與站長說明。無論如何。明晨當設法行也。是晚余覺夜臥不安。不知何故。僅得二詩。

過紅土窰

驅車百里過甘草。報道行經紅土窰。客有戒心屢回顧。前車不覺後車遙。

再宿華家嶺

前度此間遇風雪。者番華嶺又崎嶇。宵深燈火荒寒店。夢境惶惚笑故吾。

二十二日晨起。六點鐘開車。余等雖得仍坐 2 4 1 號車。然車中多 2 4 5 號來之乘客五人。而余等之行李則分置兩廠車。其餘 2 4 5 號之客。則均乘廠車。而余等則安坐車中。舒服多矣。是日行三百二十里。至隆德投宿。時方夕陽一片。照在荒城。風景殊佳。得句云：古城一角夕陽黃。車繞山坡路轉長。風捲沙塵滿頭面。最難看處卸行裝。

客有郭君南浦。年長於余四歲。攜一十歲之稚子。往平涼者。途中爲余述隴省山水古蹟甚多。可志也。

二十三日晨起。車行過六盤山。郭君謂余曰。甘肅之山。以米岡山爲最高。興隆山爲米岡之支脈。崆峒爲六盤山之支脈。成吉思汗之廟。位廟兒灣。在六盤山之左。昔爲成吉思汗之行臺。後卽死於其地。故爲廟以祀之。成吉思汗之墓。距此四十里。爲化平所轄。登六盤山。可遙望之。有三小墩。如小山然。卽成吉思汗之墓也。相傳中間一墩。爲成吉思汗墓左。一墩。爲其右。一墩。爲其相墓。是否待考。

六盤山之左脈爲崆峒。距平涼五十里。昔爲黃帝問道廣成子之所。六盤山之右脈。爲涇源山。相近處。有雞頭山。爲黃帝避暑之所。

六盤山之草木多藥材。其最著者。爲數百年之黨參。及白芍等。可食用者。爲長壽菜。觀賞者。有四時龍柏。開白小花。及野芍藥。燦爛滿山。可觀也。岩石爲水成岩。斷層之層甚多。亦有塊岩。砂岩。更有甚古之黃色片岩中。含水藻類化石。遙望之。疑爲有魚化石。蛤化石等。然車行時不及細檢也。車行數十里中。岩石之色。時時變換。有灰色。綠色。黑色。紫色。黃色者。

過六盤山後。至三關口。余與周武陳三君。下車攝影。此地爲一山口。以宋時有歷史上之關係。形勢殊險要也。迨抵平涼。卽下車。午膳少頃。卽行過涇縣。時見涇川西王母廟。周君下車攝影。且謂余曰。昔周穆王八駿日行三萬里。與西王母遇于瑤池。既此地卽爲瑤池。是穆天子傳所言。必非無因。余謂當年之西王母。必爲西方諸國中之一女王也。知周穆王至此。故相迎於瑤池之上。所謂瑤池者。卽導涇水。

以入于池耳。是周穆王會西王母于瑤池。而有瑤池之宴。宴罷穆王即東返。是周穆王之西行。即至此爲止。王母之宴。穆王亦祇以異國女。王或女王之資格。止穆王之駕於此耳。後人故神其說。以仙其行。不足信也。余得一詩以明之。（余在蘭州得西王母廟碑記一紙。篆文筆勢甚圓到。）

驅車往返涇川濱。知爲當年神話神。周家天子策神駿。西行萬里華貴身。忽聞天樂九霄奏。翩翻一鶴騎仙人。天子驚看冠佩異。愕然相問語頻頻。神駿停踪試四顧。瑤池開宴羅瓊珍。仙侍啓與扶王母。檢衽向前先禮賓。賓主相語進桃酒。爲言桃實三千春。三千年花三年實。舉杯上壽八千椿。編竹爲筐獻蟠實。折柳爲觥酌數巡。綺窗開處天香散。下界干戈上界詢。弭兵修好已開會。龍爭虎鬪自無因。中原天子恍然悟。窮兵黷武應革新。涇清渭濁分畛域。我強爾弱各主臣。不因玉帛敦槃化。猶見心性文質彬。蠻夷戎狄均感格。文武成康至德均。紅芳玉液瑤樽進。仙露明珠紫霞陳。欲醉未酣瓊筵撤。仙姬侍婢情慙真。穆王遠行王母去。空餘水碧山嶙峋。

是日汽車因已過平涼。放胆前驅。行二百餘里。至長武。是晚住長武。後車未到。因乘客行李分裝前後三車。故各人行李均難取得。余之舖蓋雖在車廂中。而周陳之行李皆在後車。是以住店頗感困難。同人暫爲分住兩室土坑。陳君所臥爲熱坑。余等所居皆冷坑。夜臥不甚安。天未明即醒矣。起剔燈火。覺寒甚。

二十四日晨六點半鐘上車。正欲開行。適下雨。車即停止。迨九點鐘。天漸晴。少頃。霧色已透。陽光亦露。乃開行。十二點半。至邠縣。午後二時。至監軍鎮。此爲永壽縣所轄。三時半。開車。四時半。過醴泉縣。五時半。至興平縣。七時半。至咸陽。乘客皆愉快。以爲司機者應另賞酒錢。於是人各半元。共集五元。由周君受與之。司機者亦愉快甚。乘客既渡渭河。汽車亦渡至南岸矣。孰知轉瞬間。汽車不克推動。修理久之。仍不動。乃雇水手多人。以及乘客多人。均將汽車共推之。始由渡舟。推至岸上。車既登岸。又不動矣。於是羣相詫愕。無法也。檢查車中機件。並無損壞之處。電絲等等。亦均無病可尋。客皆露立渭河之濱。久之。仍無法救濟。計惟有圍坐中宵於沙土之濱耳。又久之。已至十時半。忽然燈火一明。全機動矣。客皆鼓掌。於是上車開行。天空雲淨。車即東行。豈知又經三四次之路。入歧途。倒退出險者數次。至十二時。

始至西安西關外。叩西關而入。至西門外。則守者不肯開城。一兵詢問久之。乃曰：有無外國人。答以無。有無官吏。亦答以無。然則商人乎。曰：然。抑知此人即退入城中。曰：商人無此時入關之理。速退。速退。門閉矣。李君法銘。砲兵學校上校。研究委員也。即下車。對城內之兵。大聲疾呼。速開。且示以護照。並發怒。揚言欲打電話與楊虎城主任云云。少頃。即有一人出城。將護照視李君云：君一人可入城也。餘則不能。客即譁然。李君亦再三言之。始允檢查。又交涉久之。始得入城放行。迨抵汽車站。已一時半矣。抵東大街花園飯店寓焉。同人皆疲倦甚。武君回家。陳君寓鼓樓西京飯店。余與周君則同室高臥。時覺天氣燥熱。自顧所服。則皆棉也。乃易裕衣而臥。

重抵西安得詩一首

行路太艱難。一波復三折。行文曲折多。奇峯真特色。豈獨行路然。文章添朱墨。矧經氣候變。炎涼不可說。昨今兩相殊。心似有所得。世局固如斯。遑問道與德。予懷自有真。腦血細組織。知慧不如人。心計不堪拙。者番甘青寧。同伴幸相結。隨時得進修。隨地能融洽。此中煞費思。涵養尤欠缺。友誼感雲天。歸途受刺激。反省實自慚。從此知盈絀。從繩矢。則正佩韋絃。不急萬里子。身行胡爲忙。不絕宇宙太蒼茫。孰是具真識。右詩既隨筆抒寫。意頗坦然。夜深即臥。安然入睡。

第四章 重抵長安

二十五日晨起。因行李尙未運來。氣候昨今不同。殊爲焦灼。補記日記。早餐後。又寫各處之信。及發謝甘肅送行之信數函。午餐後。即與周君往太平春浴室洗浴。以本星期途中太骯髒矣。浴畢。即往長安縣。訪翁聖木縣長。談此次西行甘寧青之感想。並及種種之見聞。聖木云。同文本待先生同行。且欲往遊華山。因久未接信。不知能仍東行。抑北行也。至前日。接西寧函。知已赴寧夏。然道路險阻。且北方環境。近甚不佳。頗相憶也。同文已北應考清華。今日已抵平。先生來甚慰。乃留晚餐。並約明日謁周陵等。又介紹晤泰順許君篤德。聖木縣長云。許君文字學。地質學。均有專長。可談也。又視余某君所繪山水扇面十餘柄。謂此君欲銷售。先生看此繪如何。余答以此君所寫意境殊佳。晚返花園飯店。補記日記。是夕精神上頗覺疲倦。不能成寐。感賦四語。以自慨焉。

五千里外孤行者痛苦炎涼已備嘗自笑昂頭一思索畢生畢竟爲誰忙。

二十六日晨天微明即醒而起盥漱畢翁縣長即遣人來云汽車已駕矣余即略食餅乾赴縣政府晤聖木縣長同往茂陵周陵同行者許君篤德聖木二少君同倫等五人汽車行三十里至三橋又二十里至咸陽古渡渡河入咸陽城城市街道頗形熱鬧有縣立第一小學一所私立小學校一所穿城而過行三十里至興平縣境即見一片平原巍然一陵高聳者漢孝武帝茂陵之碑赫然在望矣碑爲乾隆年間畢秋帆督陝時所題左爲衛青霍去病二墓本爲相連作陰山形勢所謂不教胡馬度陰山者即衛霍之殊勳後人紀念衛霍故作成陰山之形此一說也又謂作成祁連山之形要之年久而人民不知古人用意將兩墓間犁爲耕田已分而爲二矣右爲李夫人墓余等謁茂陵咸敬其爲吾民族英雄也行三鞠躬禮回首俯視則陵墓甚高恰對秦隴作屏障於前綿亘數百里氣勢雄厚聖木曰此陵之形勢偉大勝於明太祖之陵也徘徊久之即拾得陵畔片瓦而行至霍墓有小學校一所晤胡校長孟鎔參觀一週見王女士上一年級國語徐教員上二年級國語崔教員上三四年級國語李教員上五年級課共教員五人學生一百五十餘人經費每月五百元由西京籌委會支領見墓上石刻有十二肖象及馬踏匈奴等石象惟兔蛇雞狗四肖象則缺且馬象有立者有臥者有跑者馬踏匈奴一象尤爲生動余與聖木等均據騎馬象以表示上馬殺賊之概有石佛座雕刻畫象樂器舞蹈題名等樂器有箜篌琵琶等屬有邑主王碩宋和陳祥龐威邑子陸某等字皆英挺擘實此爲新出土之古物也有拓本甚清晰懸于壁間爲之玩賞不置去。

驅車至周陵門額書周文武陵入門有咸陽縣立周陵小學校一所校長趙國璽教員五人學生二三年級複式編制四十三人五年級四十四人六年級二十五人共一百二十二人經費每月一百八十二元趙校長贈余以菁草之莖及花余謁文王之陵採菁草之莖及葉武王之陵在文陵之後康王之陵在文陵之南左成王之陵在文陵之西右周公之墓在武陵之東北伯禽之墓在周公墓之後如文武之陵然距周公之墓約里許東有漢高祖之長陵及呂后陵距文陵里許東有姜太公墓距康陵之東南里許爲漢昭帝平陵距成王陵西里許有漢元帝渭陵距成王陵之西南里許爲周共王陵西半里許爲漢成帝延陵是皆畢郢內之陵墓也。

至唐太宗之陵。則在茂陵登高而望見之。蓋漢帝唐宗。遙遙相對。均以秦隴爲屏障者。

聖木縣長。以余前次參觀漢城。未至霸城門之遺址。一觀殊爲減色。故今日之游。務導余往觀之。於是驅車漢城。入直城門。而經石渠天祿未央宮遺址。而過栲里子之墓。卽北遂霸城門。聖木謂余曰。此卽杜工部所詠之延秋門也。城牆之高厚。城基之堅固。城門之闕。指點在兩牆之間。卽今之汽車路。於是登城細檢漢瓦。及詳悉築城之工作。有顯然之證據。可證明此地確爲漢城牆之舊者。1. 土基之層積。有一破牆中。觀悉層累之整齊。上下之排列。雖用磚石。無此整齊。2. 牆石之砌大石。用鐵砂澆漿爲之。故今日在大石左右。發現大塊鐵石。及鐵渣之大塊。3. 城牆之寬度。竟有六丈餘之最寬者。4. 牆基工程之浩大。爲各處建築工業所無。雖越三千餘年。而鄉農荷鋤以進者。不克輕易破壞之也。余拾得鐵渣。碎瓦。各一。頗足爲余游觀之珍品。與周陵所採之蒼草等。均爲余長安臨別時所得之珍物也。迨驅車由草廠繞北面而入北關。時已午後三時半矣。

往梁府街女師範學校。晤佩蒼校長。久談。並晚膳。膳後卽別。往陳家巷。訪王幼農先生。乃於途中遇之。遂同車談青寧甘三省狀況。並及種種問題者久之。幼農先生曰。小學教育。根本問題解決。始可以言高等教育也。旣而幼農先生留余遲一天行。擬明日暢敘。余謝之。遂與幼農先生握別。往縣政府。取前日存於同文處之雜誌零物。及本日所採取之標本。並與聖木縣長握別。更約函北平同文處通信。返寓。武君約余晚餐。以已食答謝之。往商務書館分館。晤蘭谷。將由陝往蘭。由蘭返陝之旅費結清。前存商務之百元。收回三十一元二角。余又爲競校購豫約叢書集成一部。計銀四百六十元。除萬有文庫所列入者。不必重複外。應四百十五元。以九折計。實銀三百七十三元五角。

是晚。在商務爲武周陳白章萬壽諸君指畫竹石。約三小時。繪十一幅。余以食指流血。後迄今兩星期。尙未愈。故仍以中指。勉爲應酬之。其餘蘭州諸友誼。均欲索畫者。本擬於今夕。始將畫債了却。今則僅畫十一幅。已覺中指不能應付自然矣。姑置之不論。返寓。知侯佩蒼校長來。未及話別。

二十七日晨收拾行李。正將啓行。適文竹安君送來灞橋話別圖一幅。少頃余即赴車站。武君派館役將余行李等件送到站上。周君送我上車。並欲邀武君往臨潼浴溫泉。時以將開車不及。遂握別。余得詩四句。留別周君云。
剎那揮手別長安。俯仰風塵宇宙寬。咫尺岐山鳴鳳地。不堪離緒繞雲端。

第五章 自陝返錫

二十七日午後過華陰。余方渴睡。迨醒後。華山已過。爲之惋惜。得詩以志慨。
是日在車中。因人倦而睡。致華山山色。迄未一觀。此游覽無緣者之一證也。余思天下事之無緣者。欲一觀而亦未能。有緣者均從不知不覺而得之者。皆此緣之一字爲之也。蓋余兩度過華嶽。未得登臨。故深慨之耳。

前度驅車過此時。飽看黛色助吟思。者番午夢沉沉裏。辜負山靈悔已遲。

晚抵潼關。滿擬中國旅行社有人來接。豈知僅有其他旅店之接客。余即命搬夫將行李送上人力車。擬即入城。乃檢查之軍隊及便衣隊稽查等。非將行李解開檢查不可。余雖以護照視之。已打驗訖之紅戳。仍須檢查。因告以護照上已言明軍警關局一律放行字樣。奈何仍須檢查。彼云放行者。放汝行也。並未言明不要檢查也。余詰之曰。然則無此護照。豈旅客均須扣留乎。彼等蠻不講理。非查不可。爭論久之。又來一人謂汝不許檢查。是否怕麻煩。余曰。怕麻煩奈何。彼謂怕麻煩。我命彼等照原樣代汝細好何如。余曰。遂將行李一一檢查畢。孰知籐箱已壞。銅絆銅鎖均皆脫落。即箱且不能蓋下。即將繩隨便細索而行。余謂往返數萬里。檢查到如此。書物狼籍。在此行却爲第一次也。故詳爲志之。以告由西而東之旅客。過潼關時須知之。

既抵潼關。入中國旅行社寓室。見定價甚昂。每室須兩元。飯四角。浴三角。擦背四角。亦祇安之。氣候甚熱。夜不能寐。露坐乘涼。至天明始入室臥。豈知余以一夕未眠。遂入華胥而不覺。迨醒已日上三竿矣。

二十八日晨起。發昨晚寫家校之信。及上海汾泉兩兒。有句云。知否三千里外客。炎涼嘗遍寫家書。早餐後。由店夥導往東大街。至興大

後崔姓藥舖觀三國時之古槐。此槐相傳為馬超槍刺曹操時以槍誤鑿此樹。而曹得脫遁。後人奉槐樹為神。過客均以為古迹。余觀此槐樹。半在兩家之牆內。半在兩家之屋頂。樹身有五抱之粗。高有七八丈。靠牆欹側。縱觀之。半樹已枯。半樹尚蓬勃茂盛。徘徊久之。得詩一首。

古樹千年氣鬱盤。人人猶說代曹瞞。創痕此日留遺跡。想見英風自不刊。

往風陵渡。觀潼關形勢。及黃河急湍。往來渡船。風水狂吼。隔岸晉省。以此為界。是以潼關為晉豫陝三省交界之所。往來旅客甚多。可為

西北要道。得詩一首。

風陵渡

三省交通。豫。晉。陝。一舟容與。水中央。潼關高峻。俯原上。古渡蒼涼。下夕陽。戰迹當年。誤文獄。余昔年過潼關詩。有民氣凋殘。兵氣盛。見西秦旅。車塵。此日。黯征裳。眼前寂寂。風陵晚。如此長流。孰砥黃。暮雲黯淡。戰雲寒。句。幾成文字之獄。事

行記中。午後往潼關東城眺望。猶憶昔年往返潼關舊迹。為之感慨系之。客有崇明陸姓者。與余同游。談及民七之事。亦為之太息。不置。得詩一首。

潼關感舊

回首西秦。膽欲寒。戰氛匝地。巨雲端。瘡痍漸復。民猶苦。十七年來。重忍看。

二十九日晨。乘車行。車中遇有陳姓客。詢及余之行踪。深為奇佩。余告以痛苦教育之宗旨。在救國。當先提倡國貨。不作不正當之娛樂。力戒貪惰。逸樂之行。認清中華民族。辨明義利。涇渭之途。各盡本分。所應為者。盡力做去。抱定目的。以進行。總能達到救國之目的。陳君深以為然。

是日。車行特別遲緩。以兵車絡繹。由北而西者。無論客車。貨車。快車。慢車。總須讓之。所以一日之行。尙未至洛陽也。夜半。麟麟。過山洞數

四起而望之。纔抵觀音堂。爲之氣悶極矣。至天明時。始過偃師縣。

三十日晨起。早餐後始抵鞏縣。午刻至洛陽。又遇兵車。約待一小時半。車始開行。夜過鄭縣。天明至開封。又停一小時半。始行。

七月一日晨開車後。覺得人事栗陸。世情變幻。途中所聞客語。均足以感慨系之。因在車中回思游境。及此次友誼之所遇純厚。旅途之足以相慰者。補寫數詩。附志於左。計七律三首。七絕三首。

蘭州聞警

西北漫游尙未還。東風已度玉門關。故鄉寂寞旌旗退。新約和平綸綉殞。狂欲呼天問底事。悲歌碣地淚空潛。何當飲馬長城窟。雪恥功成汗血斑。

弔霍驃騎大將軍墓

當年炎漢奏奇勳。萬騎高歌奏凱聞。馬踏匈奴留石像。鷹揚異域勒碑文。卽今邱墓瞻遺蔭。自古沙場已夕曛。太息陰山形勢破。東胡越界牧羊羣矣。其各種石像。亦多移往他處。今雖爲西京古物保管會。移置墓上。然已非原處矣。

留別陝甘同人之送行者

子身往返萬餘里。甘陝親朋投契多。不獨網羅新瑰玖。且探星宿舊山河。悲歡離合潛潛淚。金石圖書踏踏歌。紙墨淋漓載歸去。同環寶感情醜。

憶贈譚水楊翁四君

一紙書携翁叔平。論交還憶舊青城。分將鶴俸贈夷監。端爲提撕女教明。青海民廳長譚時欽
君子之交淡如水。斯人而外鮮知音。阜蘭三度承高誼。別後光陰惜寸金。甘肅教廳長水楚琴
往返交深萬里遙。采風三日感招邀。歸來昂首瞻青海。草長秋高馬不驕。青海教廳長楊子高

十五年前浙水潮春風千里玉門遙兒童共拜賢侯駕西望長安日影嬌長安縣長翁聖木

晚抵徐州寓歐亞旅社。在車中遇隴海路網球員代表赴青島賽球者五人王乃棟鄭吉甫徐雨農邱志成周文俊又有盧德威張淑華

女士等車中談話甚愜周君別號的婁又號瘦吟生余知其為能詩也請教之即口占一絕以贈余余即步韻以答寫視周君

生平願不事王侯幾許滄桑雪滿頭邂逅征車笑言處一時酬唱瓜鴻留

又言及嵌字聯淑華女士囑余為之贈聯須嵌其名及號者王君亦欲余以乃棟二字嵌入余均諾之所得聯語如左

淑儀傳女教淑華女士字健奇任徐州私立女中教員

華譽名門長沙名族

一時女教淑儀式

百忍名門華袁榮百忍堂為張氏之遺

乃裏餼糧茂周德周太王遷邠

棟難折壓策僑勳左傳棟折榱崩僑將壓焉

乃有成功推漢相蕭何蕭語

棟能不折賴鄭僑

自強不息天行健易云天行健君子以自強不息

獨立超羣士振奇

二日晨起因昨晚到徐已夜過半矣收拾房間迨入睡鄉已三點多鐘故早起七點鐘欲往購票已趕不及於是以前二十元鈔票交歐亞旅社茶房囑代購往南京車票及臥票蓋三等票祇須九元餘加三等臥票三元祇共十二元餘抑知三等臥車票今已取消所以茶房

爲我購二等車票一張，二等臥車票一張，共須二十二元餘。先給以二十元，後尙須找彼兩元五角。但余之旅行資斧，阮囊已澁，幸將返家，尙不困難耳。十一點鐘，由徐上車。前曾打一電話詢徐女師校長俞鈺，乃已放暑假返錫，遂行。

在徐州上車後，道遇顧君竹如，十七年前舊友也。新自華嶽遊歸，暢談風景，並出視華嶽雜詩，佳句絡繹，乞余題詞，因漫賦古歌一首，以弁其端。

十七年前華山游，西秦浩劫黯然愁。前游未竟今重到，歲月匆匆似水流。我欲重登華嶽頂，豈知夙願難重訂。秦嶺蒼蒼等閒過，一游一豫有前定。今誦玉章心愀然，既有長歌又短篇。篇篇風景引人勝，佩君冒險登華巔。五峯游罷飄然下，往返三日真風雅。如此翩翩年少才，簪花美女神瀟灑。我方咀嚼詩味長，不覺情酣欲夕陽。鐵轍轆轤意俱遠，漫歌山水雲蒼蒼。

三日晨車抵浦口，下車携行李渡江，至南京。即日上午乘車返錫，下午五時半抵家。晤校中師生，知本學期初中抽考、高中會考成績尙可觀。四日族叔悔齋函示先高祖靜軒公復官陝西時，鄉先哲王少司農蓀服有詩送行。此日病驥重游西省，爰錄原詩於左，並放言一首，索和云。

王少司農詩

昔去風吹帽，今來雪覆鞵。飛騰看急景，花柳又新年。黃綬腰仍繫，青雲器孰先。公才誠倜儻，往事劇屯躔。頗恠凝脂蜜，寧隨駭浪遷。平反供吏議，放曠得天全。碧社聯明酒，明霞綯采牋。空囊慚趙壹，補髓問彭錢。鬱勃星辰氣，蒼茫霧雨連。果然逢壯武，力與刷龍淵。一昨憂虞地，深期濟代賢。河魁臨玉帳，露布自金川。虎旅威容盛，儲胥曉夜虔。八方空坳牧，萬綠逐戈鋌。節使煩將護，居民獻餼饘。此時誰最武，膽力爾能堅。野飯依沙次，霄鞍抱月眠。令嚴常警蹙，禮侈或加箋。黠桀無中飽，跳趨有左牽。盡收沙苑馬，不耗水衡錢。供事輕盤錯，良時肯棄捐。選材明主意，分手故人憐。潤溷函關雨，雄披華嶽蓮。政聲三輔在，會有吏民傳。

悔叔放言詩

炎黃放蕩五千載。大地瘡痍極九陽。臧否人倫嚴取捨。權衡庶彙感興亡。文章華國尊尼父。民族開基仰古皇。餘子庸庸何足數。吾生端合自思量。

余和放言原韻云。『一萬五千有餘里。去時屈指近端陽。歸來重晤憶前韻。此際何堪痛國亡。誓願抗心救華族。前將奇恥報羲皇。吉金文字慨零落。祖澤搜尋試付量。』余在西安碑林得先高祖遺碣。

五日豫備學校放暑假。六日校中舉行畢業式及休業式。

七日整理日記特附長安縣各區學齡兒童統計表。公私立初級小學統計表。公私立各小學概況表。各校館舍月支經費表。前三表為廿三年之統計。後一表為廿四年最新之統計也。

表一

長安縣各區學齡兒童統計表		
區別	學齡兒童數	備
第一學區	八八六〇	
第二學區	一二二八〇	
第三學區	一〇七二〇	
第四學區	八二二八	
第五學區	一五二一四	
第六學區	一四二四三	

第七學區			八七〇八			
第八學區			一二九四一			
第九學區			九二一三			
第十學區			四六九六〇			
統計			一〇七二六四			

表二

長安縣各學區私立初級小學統計表 (二十三年度第二學期造)

區別	學校數	學級數	教職員數	學生數	備註
特別學區	二四	七九	七四	一七九六	
第一學區	四一	一三一	九三	一〇七六	
第二學區	三二	一〇五	七二	八四五	
第三學區	四八	一三四	一九〇	一二二四	
第四學區	四八	一三九	一九一	一三四	
第五學區	四八	一二三	一〇三	一一六七	
第六學區	三六	八九	七七	一一二四	
第七學區	二六	六五	三七	六〇四	

第八學區	四四	一二八	六七	一三三五
第九學區	二九	八四	六〇	六五〇
第十學區	三〇	七七	六二	六四一
合計	四〇六	一一五四	一〇三五	一一八〇二

表三

長安縣公私立各級小學概況一覽表 (二十三年度造)

名	校	校長姓名	職教員數	學級數		學生		合計數	全年經費	校址	備考
				高	初	男	女				
縣立東羊市小學		聶淑芬	一〇	二	四	二〇六	二〇六	四四六四・〇	西安市		
縣立三橋鎮小學		孟世瑞	七	三	五	三五	二四九	四〇〇八・〇	三橋鎮		
縣立新築鎮小學		李鴻鈞	八	二	四	三二	一八四	三九三六・〇	新築鎮		
縣立府君廟小學		劉文禮	七	三	二		一八五	四〇〇八・〇	府君廟		
縣立小村廟小學		李佩琳	七	三	四	一〇	二九〇	三九三六・〇	小村廟		
縣立雷神廟街小學		楊潤隰	一〇	二	四	一七	二九三	四四六四・〇	西安雷神廟街		
縣立開通巷小學		梁振綱	一五	四	六	一二二	五三二	六九一二・〇	西安開通巷		
縣立西關小學		曹塔	一〇	二	四	五〇	二七五	四五三六・〇	西安西關		

縣立白花村小學	黎閣宸	七	二	三	二〇四	五〇	二五四	三九三六・〇	白花村
縣立土地廟街小學	李壽亭	一三	三	四	二五四	五九	三一三	四一四七・二	西安土地廟街
縣立彭黃良鎮小學	楊耀	七	二	四	一二一	三九	一六〇	三四〇八・〇	黃良鎮
私立崇德小學	彭瑞卿	九	二	四	一六三	一〇五	二六八	二二〇〇・〇	西安新城南門
私立竟化小學	康寄遙	一〇	二	四	一七〇	九八	二六八	二二二〇・〇	西安東關鷄兒市
私立景龍小學	翁夢庚	七	二	四	一五二	四六	一九八	一六〇〇・〇	西安東關柿園坊
私立若瑟小學	張葆初	七	二	四	一二九		一二九	三三〇〇・〇	西安梁家牌樓
私立培德小學	楊器之	九	二	四	二一〇	五七	二六七	二〇〇〇・〇	西安北大街
私立同志小學	劉懿德	一五	三	四	四三七		四三七	五五〇〇・〇	西安舉院巷
私立通惠小學	張世勛	四	一	二	一〇六		一〇六	九六〇・〇	西安大湘子廟街
私立豐西小學	呂涵度	六	二	二	一七〇		一七〇	一八五六・〇	馮籍村
私立文通小學	張梧生	九	二	四	一二一	五一	一七二	二一二四・〇	引駕廻
私立進德小學	屈屈正	五	二	二	一三〇		一三〇	八四〇・〇	迷鹿村
私立崇道小學	梁建新	一〇	三	三	二三八		二三八	二四〇〇・〇	西安東關東新巷
縣立魚化寨初級小學	錢文光	二		二	七三		七三	七四四・〇	魚化寨

縣立三官廟初級小學	張仰浚	五	四	一五三	二〇	一七三	一二九六・〇	三官廟
縣立韓家莊初級小學	董寬仁	三	二	五四		五四	七四四・〇	韓家莊
縣立東乾河初級小學	高步雲	二	二	四八		四八	七四四・〇	東乾河
縣立大兆村初級小學	楊培溪	三	三	七五	三三	一〇八	九九六・〇	大兆村
縣立韋兆鎮初級小學	趙全璧	七	六	一〇六	一二〇	二二六	一七〇四・〇	韋兆鎮
縣立老洞初級小學	高凌漢	四	三	一〇八		一〇八	九九六・〇	老洞
縣立霧莊初級小學	吳學周	四	三	九一	二五	一一六	九九六・〇	霧莊
縣立草灘鎮初級小學	何承陰	三	二	九〇	八一	一〇八	七四四・〇	草灘鎮
縣立化覺巷初級小學	馬清傑	四	二	六三	八一	一四四	七四四・〇	西安化覺巷
縣立車家巷初級小學	馬淑賢	六	五	八三	一六〇	二四二	一七〇四・〇	西安豆家巷口
縣立北關初級小學	林之端	三	三	一三〇	三八	一六八	九九六・〇	西安北關
縣立許士廟街初級小學	吳銘初	三	二	七一	六三	一三四	七四四・〇	西安許士廟街
縣立德福巷初級小學	武雲綺	五	四	一〇六	五七	一六三	一二九六・〇	西安德福巷

明 說

1. 查全年經費除縣立各校經費五萬八千零五十六元並補助私立各級小學經費九千四百二十元共六萬七千四百七十六元

2. 各學區私立初級小學另有列表

表四

長安縣教育局暨所屬各校館會月支經費一覽表 (二十四年三月造)

名	稱	校長姓名	月支經費 預算數	八成實支數	備	考
縣立三橋鎮小學		孟世瑞	三三四·〇	二六七·二		
縣立新築鎮小學		楊伯龍	三二八·〇	二六二·四		
縣立府君廟小學		劉文禮	三三四·〇	二六七·二		
縣立小村廟小學		李佩琳	三二八·〇	二六二·四		
縣立雷神神街小學		楊潤隲	三七八·〇	三〇二·四		
縣立開通巷小學		梁振綱	六二〇·〇	四九六·〇		
縣立西關小學		曹 璿	三八四·〇	三〇七·二		
縣立白花村小學		黎閣宸	三二八·〇	二六二·四		
縣立黃良鎮小學		楊 耀	二八四·〇	二二七·二		
縣立土地廟街小學		李壽亭	三七二·〇	二九七·六		
縣立東羊市小學		聶淋芬	三七八·〇	三〇二·四		
縣立三官廟初級小學		張仰浚	一〇八·〇	八六·四		

縣立魚化寨初級小學	錢文光	六二・〇	四九・六
縣立韓家庄初級小學	董寬仁	六二・〇	四九・六
縣立東乾河初級小學	高步雲	六二・〇	四九・六
縣立大兆村初級小學	楊培溪	八三・〇	六六・四
縣立韋兆鎮初級小學	楊蔚文	一四二・〇	一一三・六
縣立老洞初級小學	高凌漢	八三・〇	六六・四
縣立霧庄初級小學	吳學周	八三・〇	六六・四
縣立草灘鎮初級小學	何承蔭	六二・〇	四九・六
縣立化覺巷初級小學	馬清傑	六二・〇	四九・六
縣立車家巷初級小學	馬淑賢	一四二・〇	一一三・六
縣立北關初級小學	林之端	八三・〇	六六・四
縣立許士廟街初級小學	吳銘初	六二・〇	四九・六
縣立德福巷初級小學	武雲道	一〇八・〇	八六・四
私立景龍小學	翁夢庚	九〇・〇	七二・〇
私立崇德小學	彭瑞卿	五〇・〇	四〇・〇

私立崇道小學	梁建新	六〇・〇	四八・〇
私立竟化小學	康寄遙	九〇・〇	七二・〇
私立同志小學	劉懿德	一三八・〇	一一〇・四
私立豐西小學	呂涵度	六〇・〇	四八・〇
私立文通小學	張悟生	七〇・〇	五六・〇
私立進德小學	屈養正	二〇・〇	一六・〇
私立倫海初級小學	陳毅生	三〇・〇	二四・〇
私立道德初級小學	焦元芳	二〇・〇	一六・〇
私立同志初級小學	范炳堯	三五・〇	二八・〇
私立固本初級小學	張丹初	一〇・〇	八・〇
私立明德初級小學	劉春章	一〇・〇	八・〇
私立文化初級小學	高維嶽	一〇・〇	八・〇
私立復新初級小學	烏光煥	二〇・〇	一六・〇
私立崇實初級小學	李哲臣	一五・〇	一二・〇
私立襲進初級小學	張子靜	一五・〇	一二・〇

私立新民初級小學	孫明軒	一〇〇〇	八〇〇	
私立淳化初級小學	李啓端	一二〇〇	九〇六	
各區民衆學校		一五〇〇	一二〇〇	於鄉村十文子區設立民衆學校一十五校每 支經費一十元接八成發給合計如上數
童子軍訓練費		一五〇〇	一五〇〇	
縣立第一民衆教育館	館長楊興榮	四三六〇	三五〇八	
長安縣教育會		三八〇〇	三八〇〇	
長安縣教育局		四六〇〇	四五八〇	
總計		七二七〇	五九四六	

余在長安參觀西關小學時見有馮少墟先生集序一篇乃吾鄉先賢高宗憲公之遺墨也即向曹校長借筆墨手錄一通特附於左以彰鄉賢之遺蹟云爾

馮少墟先生集序

少墟先生余同年馮仲好也仲好少即志聖人之學由庶常吉士爲侍御史言事罷歸閉關九年精思力踐而於聖人之道始沛如也所在講學論道爲集凡二十二卷余受而卒業焉作而嘆曰此真聖人之學也聖人之學之難明也蓋似是而非者亂之其差在針芒渺忽間不可不辨也今夫人目則能視耳則能聽手則能持足則能行視聽持行者耳目手足也所以視聽持行者何物也凡世之不知學者皆親面而失之於是也然而目少視貴其明耳之聽賞其聰手之持貴其恭足之行貴其重所以聰明恭重者何物也凡世之知學者又往觀面而失之於是也然而目之明非我所能使之明目本自明耳之聽非我能使之聰耳本自聰手足持行之恭重也亦然其本來者

又何物也世之知正學者又往往觀面而失之於是也耳目手足者形也視聽持行者色也聰明恭重者性也本來如是莫知其然而然者天也此所謂本體也本體如是復還其如是之謂工夫也脩而不悟者狗末而迷本悟而不澈者認物以爲則故善言工夫者惟恐言本體者之妨其脩善言本體者惟恐言工夫者之妨其悟不知欲脩者正須求之本體欲悟者正須求之工夫無本體無工夫無工夫無本體也仲好之集至明至備正正至中非脩而悟悟而澈者不能真聖人之學也吾特于其集中示人最切者揭而出之以見似是而非者亂吾聖人之學其端蓋異於此也

萬曆癸丑秋七月錫山年弟高攀龍書

余搜羅陝甘青寧四省之自然地理及人文地理各種得表八惟甘肅山脈之四華家嶺之一條各種地理圖籍均未載及此次余往返華家嶺特別記載以補古今圖籍之缺既詳於卷二卷三日記中又可見華家嶺上之植物以藥材最多也

(表一)

一、位置——位于黃河上游當河套之南

二、疆界——東以黃河界山西東南界河北湖南南界四川西界甘肅西北界寧夏北以長城界綏遠

三、地勢——北部高峻南部平坦山脈和河流相間成起伏勢

四、山脈——1. 秦嶺——自甘肅來橫貫南部東延爲華山古稱西嶽

2. 巴山山脈——在漢水南面和四川分界

3. 六盤山脈——在渭水的北面自甘肅寧夏來斜貫于北部

1. 漢水——源出寧羗縣北的潘家山初向東流繼向東南流入湖北境

2. 渭水——上流在甘肅省境橫互本省中部納濕水而入于黃河

3. 洛水——源出定邊縣東南入黃河


4. 黃河——自綏遠流入是本省和山西的界水南達華陰縣折東入河南

六、地質——秦嶺以北概屬黃土秦嶺以南概爲片岩砂岩石灰岩

七、氣候——因秦嶺的橫互而南北不同嶺北空氣乾燥寒暑俱烈嶺南氣候溫和

陝西省之自然

(表二)



陝西省之人文


(表三)

甘肅省之自然

- 一、位置——位于黃河上游在黃河流域中地位最占西北
- 二、疆域——東界陝西南界四川西南界青海西界新疆北和東北界寧夏
- 三、地勢——山脈盤亘多屬高原
- 四、山脈
 1. 祁連山——從新疆入境高達六千四百公尺山頂積雪四時不消為甘肅青海之界限
 2. 秦嶺——西接岷山向東走入陝西為黃河長江之分水嶺
 3. 六盤山——當東南入陝西驛道之要衝支阜為隴山
 4. 華家嶺——東位靜寧中位會寧西位定西為甘省特有之山高五千四百餘尺
- 五、河流
 1. 涇渭東流入陝西
 2. 漢水白龍江南流入四川
 3. 黃河挾洮湟諸水斜貫省中北流入寧夏
- 六、地質——除各山地為花崗岩片岩組成外其他大部分為黃土層
- 七、氣候——北方乾燥寒冷南方較溫和

(表四)

甘肅省之人文



(表五)

青海省之自然

- 一、位置——位于甘肅的西南
- 二、疆界——北和東界甘肅東南一部界四川東界西康西南界西藏西界新疆
- 三、地勢——大概是高原前後左右都有山脈圍繞地多砂磧
- 四、山脈——祁連山蜿蜒于北境唐古刺山綿互于西南巴顏喀喇山橫貫于中部
- 五、河流——長江黃河的上源都在本省北部多內陸河以柴達木河為最著
- 六、湖泊——以青海及黃河經流的札陵湖鄂陵湖等為最大
- 七、地質——多為花崗岩片岩片麻岩等所組成西北多砂磧
- 八、氣候——屬大陸性寒暑俱烈

(表六)

青海省之人文

- 一、產業
 - 1. 農產——以麥青稞豆馬鈴薯等為多藥材有當歸大黃等
 - 2. 畜產——東部水草豐美宜于牧畜多產犏牛綿羊山羊羚羊馬等
 - 3. 礦產——大通之金銅煤都蘭貴德之鉛以及青海之青鹽
 - 4. 工業——有製氈毯毛布乳糖氈等業
- 二、交通
 - 1. 公路——從西寧東經樂都到甘肅的蘭州西經湟源達玉樹都可通車
 - 2. 交通用具——人多乘騾馬運貨物多用犏牛或駱駝
- 三、都會
 - 1. 西寧——是本省省會城瀕湟水入當甘肅入青海之大道貿易頗盛
 - 2. 湟源——在湟水上游北岸是西寧的屏障漢回蒙番集此互市
 - 3. 都蘭——在青海西面地味肥沃物產豐饒是蒙族蒼萃的地方

(表七)

寧夏省之自然

- 一、位置——位于甘肅蒙古的中間大部當黃河上游之西北
- 二、疆界——東北界綏縣東界陝西從西北到東南和甘肅爲界北界蒙古
- 三、地勢——多平坦之沙地間有沙丘
- 四、山脈
 1. 賀蘭山脈——綿亙于東南最高峯約在三千公尺以上
 2. 山丹山脈——盤結于西南高度不及賀蘭山
 3. 齊拉分山脈——橫亙北部是天山的餘脈
- 五、河流
 1. 黃河——自甘肅北流入境至平羅縣的石嘴子出省境入綏遠
 2. 郭河——源出甘肅永昌縣南境北流而瀦爲玉海
 3. 弱水——源出甘肅張掖酒泉一帶山中北流入境瀦于居延海
- 六、湖泊——有吉蘭泰鹽池長寧湖玉海居延海等
- 七、地質——全境除山脈地帶爲花崗岩片麻岩等所組分外都是沙土和黃土
- 八、氣候——屬大陸性每當春秋兩季早晚常起大變化

(表八)

寧夏省之人文

- 一、產業
 - 1. 農產——以米麥煙草棉花等為大宗
 - 2. 畜產——畜類極多以寧夏中衛的縣羊為著羊毛羊皮牛皮駝毛等輸出很多
 - 3. 礦產——有中衛靈武之煤礦和吉蘭泰鹽池的鹽
 - 4. 工業——製花毯子及毳毛氈都很著名
- 二、交通
 - 1. 鐵路——有擬建的包寧鐵路自包頭至寧夏
 - 2. 公路——
 - 1. 包寧線——寧夏到包頭
 - 2. 寧關線——寧夏到靖遠
 - 3. 寧平線——寧夏到黑城鎮都已通車
 - 3. 航路——黃河從中衛縣沙坡以下可通舟楫
 - 4. 航空——自寧夏至蘭州業已通行
- 三、都會
 - 1. 寧夏——自本省省會西倚賀蘭山東帶黃河自古稱為邊塞要地出產以羊毛羊皮為最多
 - 2. 靈武——在黃河東岸是附近一帶農產物的集散地
 - 3. 中衛——在黃河北岸為本省南部的主要商場
 - 4. 平羅——在寧夏北六十九公里縣北石嘴子是本省及附近各省羊毛集散地

考察西北教育及調查陝甘秦腔戲劇報告江蘇省政府教育廳書

謹報告者，此次承命赴西北考察教育及調查戲劇，為改良社會教育之用，是以於四月二十八日啓程，至七月三日返省，調查所分教育行政、學校教育、社會教育三項，另附調查關係秦腔戲劇情形，茲特簡單分誌，約略如左。

甲 西北之省教育行政概况

子 經費

陝西省教育經費，本年度預算一百二十萬元，甘肅省教育經費，本年度預算九十二萬元零（上年度僅六十餘萬元零），青海省教育經費，約十萬元，寧夏省教育經費，十二萬六千三百四十八元，又有暨附稅八萬四千九百餘元，共二十一萬一千餘元。

丑 學校

陝西省立學校，有中學七、男女師範五、職業五、甘肅省立學校，中學七、男女師範六、職業六、青海省立學校，高中一、初中三、女師範一、男師範一、職業二、寧夏省立學校，師範二、中學三、職業二。

乙 西北之學校教育概况

子 西安教育

西安教育，以省立女子師範學校，有真實勞苦、勤肅樸潔、宏恕、為訓育標準，辦理最有精神，省立第一師範，為舊時關中書院，為李二曲先生及吾江蘇顧亭林先生講學之所，吾錫楊蓉裳先生，亦曾主講斯院，是以有師道中天、樓之古蹟。歷史上，道德上，均有良好之學風，小學則以菊林小學，辦理最善。此三校，為長安最優良之學校。

丑 蘭州教育

甘肅教育較之陝西似遜然省立第一中學及省立第一師範省立女子師範三校均尙可觀教廳附設之實驗小學辦理亦佳皋蘭縣立之小學則甚平常甘肅學院爲醫科附設農林專科及高中等學生雖有二百餘人然醫科學生僅八人未免太不經濟矣

寅 青海教育

青海教育雖似遜於蘭州教育然有一蒙藏小學辦理最有精神教科書用漢文而以藏語解釋及教授教員學生均甚認真且以青海之種族複雜教育尤爲重要故此校可爲小學模範

卯 寧夏教育

寧夏地居道隅荒僻教育尤爲幼稚然教育行政方面正在有計劃有條理之整理中是以參觀之後惟有一省立中改中學校最爲辦理精神全用軍隊化處理一切校規至爲嚴肅此爲馬主席創辦主持斯校尤爲可佩

丙 西北之社會教育概況

子 陝西社教

陝省社教刻正辦理認真有省立圖書館一省立民教館一民衆學校各機關各學校附設者甚多各縣亦正籌設而最著名之易俗社改良戲劇隱有移風易俗之效者已二十餘年此次鴻鑑調查易俗社之歷史及秦腔之派別並劇本之採訪覺吾江蘇改良社教移易民俗頗有效法之必要（另詳後項）

丑 甘肅社教

甘省社教與陝省稍有不同現有之狀況則有省立圖書館一民教館一社教推廣處一民衆夜校數處本年度在未籌費以前均就原有之學校附設民衆學校俟既籌定經費以後擬另聘專家先造就師資然後舉辦各種民衆